


<p>Ol papa bilong PMV bas komplek - pes 2</p>	<p>Askim long rausim VAT lo - pes 3</p>	 <p>Saplemen insait</p>	<p>Reks Ben i no dai yet - pes 21</p>	<p>Lukim Kanage stori pes 23 na 24</p> 
--	--	---	--	---



• Ol skul tisa i sindaun long makim tes pepa bilong ol gret 12 long las wik. Ol gret 12, gret 10 na gret 6 insait long Papua Niugini i bin sindaun long wokim fainel eksam bilong ol long las mun.

Ol bisnis long Wau Bulolo wok fri tru

...gavman i no save sekim ol

YAKAM KELO i raitim

BIKPELA toktok i kamap olsem sampela waitman long Wau Bulolo eria, Morobe provins i wok brukim lo bilong Papua Niugini long mekim wok bisnis bilong ol long hap. Sampela i nogat laisens bilong mekim bisnis na sampela i nogat pepa stret bilong kam stap long PNG na wok.

Distrik edministreta bilong Bulolo Bart Ipambonj i tok em i lukim olsem planti samting i no stret long wok bisnis bilong ol waitman long hap. Long 1996 em i bin raitim pas long askim i olgeta waitman long Bulolo Wau long soim ol pepa bilong ol olsem laisens bilong bisnis, pepa bilong kam long PNG na arapela pepa moa. Tasol ol waitman i tokim em long toktok wantaim loya bilong ol.

Mista Ipambonj i tok em i raitim pas i go long Invesmen Promosen Atoriti (IPA) opis i lukautim ol bisnis laisens long PNG long dispela hevi. Tasol IPA i tokim em olsem em i nogat pawa long sekim pepa na wok bilong ol waitman ya. Sapos ol i laik kotim em (Bart), IPA i no inap karim dispela hevi.

Mista Ipambonj i tok em i toksave long bos bilong em long Lae long dispela samting, na bos bilong em i tokim em long lusim dispela samting.

Bulolo distrik edministreta i tok em i ting opis bilong em i mas mekim dispela kain wok long sekim ol bisnis na ol lain olsem. Bikos ol i stap klostu wantaim ol lain ya na ol i ken helpim wok bilong IPA i go isi na kamapim ripot long dispela.

Em i askim IPA long slekim lo na pawa bilong ol liklik na givim sampela pawa long provinsal edministreta long wok wantaim ol distrik edministreta bilong ol sekim ol dispela samting. Bai olgeta bisnis na man tu i mas wok stret bihainim lo na mekim wok stret.

Wanpela mausman long Hiden Veli long Wau i tok em i save lukim kain kain waitman i save kam long Lae, sampela i kam long Mosbi long balus na i go insait long ol asples long baim gol. Sampela i save kam long nait na go bek long nait yet.

Em i tok sapos ol dispela man i gat laisens tru bilong baim gol o mekim bisnis, ol i noken kam wan wik o tupela wik tasol na tekov. Ol i mas sanapim sain o bisnis bilong ol tru bai ol pipel i ken lukim olsem ol i gat laisens long mekim bisnis.

Wanpela wari bilong dispela mausman em, em i laikim olsem ol Papua Niugini asples yet i mas mekim dispela bisnis bilong baim gol arere long wara o ol liklik gol. Na ol bikpela kampani tru i ken baim ol bikpela gol long wok maining stret.

Wanpela pas i go long Minista bilong Komes na Industri Michael Nali long Ogas 1999 i askim em long mekim strong lo bilong IPA long dispela kain bisnis bilong baim gol.

Dispela pas i tok planti ovasis lain i wok long yusim dispela sans long baim gol nabaut na mekim bikpela mani na brukim lo bilong IPA.

Pas i askim Minista long givim strongpela oda long ol wokman bilong IPA long kamapim moa wok insait long sekim dispela hevi long Wau Bulolo eria.

I gat bikpela toktok olsem sampela waitman long hap i nogat pepa bilong kam wok long Papua Niugini. Na tu nogat pepa long soim olsem wanem kain bisnis o nem bilong kampani ol bai wok wantaim.

Olsem na singaut i go tu long dipatmen bilong Leba na Emploimen long sekim ol waitman wok na stap long Bulolo. Wau long soim ol pepa bilong ol long soim sapos ol i gat pepa bilong gavman we i tok orait long ol i ken kam na wok long PNG.

PNG kisim \$US500 milien long Wol Beng na IMF

PAPUA Niugini i kisim \$US300 milien (K810 milien) long Wol Beng na Intanesenel Monitari Fan (IMF) long dispela wik long karimaut ol rifom progrem bilong gavman.

Dispela helpim mani bai go bihainim ol rot na rifom progrem tupela bikpela beng ya i laikim, Wol Beng dairekta Klaus Rohland i tok.

Wol Beng na IMF i givim tu narapela \$US200 milien olsem ekstra helpim mani long gavman bilong Papua Niugini long ol wok bilong em. Dispela i mekim totol mani i kamap olsem \$US500 milien (K1,351 milien).

Wanpela pas i go long IMF i bin sain pinis long lusim \$US80 milien. Dispela mani bai i kam long wok bilong bris fainensing long Australia. Helpim bilong Esian Developmen

Beng (ADB) bai kam bihain long via 2000 bihainim ol wok bilong pablik sekta rifom, Mista Rohland i tok.

Em i tok Australia, Japan na Yuropien Union bai givim helpim i kam tasol gavman i mas stretim ol wok na rot bilong karimaut helpim mani bilong Wol Beng na IMF pastaim long lukim wok kamap bai i olsem wanem.

Mista Rohland i tok IMF na Wol Beng i gat bilip long ol plen na progrem bilong dispela gavman long kamapim gutpela wok insait long kantri. Na ol i ting PNG gavman i mekim samting stret bihainim gutpela rot na plen.

Minista bilong Plening, Moi Avei i tok gavman i sanap strong long kisim bek ol wok bisnis (ekonomi) na hevi bilong mani i kam bek long gutpela mak insait

long kantri.

Mista Avei i tok gavman i redi long wokim 2000 nesnel baset na ol tok klia long IMF na Wol Beng olsem bai gavman i kamapim gutpela na balens baset. Na gavman bai sanap long dispela tingting na mak, em i tok.

Antap long ol toktok mipela i sanap strong long en, mipela i no inap tu long prinim ol nupela mani, Mista Avei i tok.

Long dispela bung bilong IMF na Wol Beng wantaim PNG, tupela beng ya i wanbel long i noken egensim Rurel Developmen Fan (EDF) bilong ol wanwan memba bilong palamen. Bikos PNG gavman i tok bai i gat klia na stretpela rot bilong mekim dispela mani i wok long bringim sevis na developmen long ol pipel bilong ples.

PLIS RIPOT

MOSBI: Plis Komanda bilong Nesenel Kapital Distrik, Raphael Haufolo, i tokaut stong long dispela wik olsem ol plis man i no bin kilim dai wanpela yut long Kaugere Setelmen.

Mista Haufolo i tokaut strong bilong wanem ol wantok bilong dispela mangi Kerema husat i dai long Pot Mosbi long wiken i wok long sutim tok i go long ol plisman.

Mista Haufolo i tok olsem hevi ya we i bin bringim dai bilong dispela mangi i bin kamap long wiken na ol plis ino bin kisim wanpela ripot inap Mande.

Dispela hevi i bin kamap long Fraide nait long las wik. Ripot i kam olsem sampela lain i bin sutim dispela yut long baksait bilong em na dumpim bodi bilong em arere long wanpela kar.

HAGEN: Hetmasta bilong wanpela komyuniti skul long Hagen, wanpela mama na pikinini bilong em i slip nau long mog long Hagen.

Plis Komanda bilong Westen Hailans, Allan Kundi, i tok olsem ol dispela tripela lain i bin dai long las wik Fraide.

Mista Kundi i tok olsem taiya bilong pret bilong ka, karim dispela het masta i bin lus, ka ya i bin lus balens na kilim wanpela mama na pikinini bilong em husat i wok long wokabaut long rot long dispela taim.

Tisa ya i bin kamaut long ka ya tasol em i bin dai taim ol i kisim em i go long haus sik.

GOROKA: Plis long Goroka i sutim na kilim wanpela saspek long Tunde.

Ripot kam long ol plis long Isten Hailans i tok olsem dispela man Madang wantaim ol poro bilong em i bin hensapim wanpela stua na i laik ronawe taim dispela hevi i kamap.

Eking Komanda bilong Goroka, Sief Inspekta Edward Kinamun, i tok olsem plis long Goroka i wok long painim dispela man tu long sas bilong wankain trabel em i wokim long taim em i bungim dispela birua.

Mista Kinamun i tok saspek ya wantaim ol arapela poro bilong em i bin hensapim planti arapela stua long Goroka. Em i bin ronawe long han bilong ol plis na i bin wokim dispela trabel gen taim ol i bin sutim em.

MADANG: Plis long Madang i holim pasim na ban-sim gen tripela raskol husat i bin ronawe long Bion Haus Kalabus long las mun.

Ol i sutim olgeta ol dispela man. Ripot i kam long Plis Komanda bilong Madang, Tom Kulunda, olsem tupela i stap yet long hausik bilong wanem ol i kisim bikpela hevi taim ol plis i sutim ol na narapela i go bek gen long Bion.


Dispela tripela man i bin wokim sampela stil pasin taim toktok i go kamap long ol plis. Ol i tok olsem ol dispela tripela man wantaim ol poro bilong ol i bin karim ol gan samting tu wantaim ol.

Ol i bin open paia long ol plis na taim ol plis i bekim ol i sutim dispela tripela man.

Ripot i tok tu olsem ol arapela poro bilong ol dispela lain i bin ronawe i go insait long ol bus na ol i no kisim ol. Tasol ol i tok olsem ol i bin kisim bek sampela samting we dispela lain i bin stilim.

Kerevat papagraun laik wok wantaim NFS

JOE KANEKANE i raitim



• Demas Rongis man husat i go pas long ol supramatka len ona grup i sainim nem long sek mani. Joseph Badi bilong NFA i lukluk i stap. Dispela sek mani em royalti bilong ol papagraun we NFA i kisim taim em i salim Teak diwai. Foto: Joe Kanekane.

OL PAPAGRAUN bilong graun we teak plentesen i sanap long Kerevat i tokaut pinis olsem ol i gat bikpela laik long wok bun wantaim Nesenel Fores Atoriti long wanem olgeta lain i wanbel pinis long dispela tingting.

Long wanpela miting bilong ol wantaim NFA long Kerevat ol i tok olsem NFS mas no ken luksave long sampela lain husat i wok long raun nambaut na tok-tok wantaim ol loya olsem ol i papa graun tru.

John Tiniu, man husat i go pas long ol Bitagunan lain i tok longpela taim tumas ol papa graun i no kisim wanpela helpim i kam long dispela graun we plentesen i sanap long em na ol i redi long wok wantaim NFA olsem bai ol helpim i ken kam.

"Olgeta papagraun i sambai tasol long NFA long helpim mipela long luksave long ol rot we mipela i ken kisim ol halivim. Tru, mipela i kisim graun long kot tasol ol diwai i bilong NFA olsem na mipela i mas wok wantaim," em i tok.

Mista Tiniu i tok tu olsem em i kirap nogut olsem i gat sampela lain i wok long tok olsem ol i papa graun bilong dispel hap long wanem em i save olsem i nogat moa lain long wanem olgeta lain i wok bung wantaim.

Demas Rongis lida bilong ol Supramatka lain i strongin dispela toktok na em i askim NFS long noken suruk long ol edvais bilong ol loya.

Em i tok olgeta papa graun i stap wantaim ol namel man i wok long pulim toktok i go kam na NFA mas bhainim tingting bilong ol biklain.

"Mipela em ol tru tru papa graun olsem na mipela i kam aut long ples klia. Ol lain husat i wok long hait i no stap insait long dispela grup," em i tok.

Don Bakat, plentesen menesa bilong NFS i tok gutpela wok bung wantaim i kamap wantaim ol papa graun tasol NFS i nogat pawa long tok nogat long ol lain husat i go lukim ol loya.

Em i tok wanem kain hevi name long ol papagraun em ol yet i mas stretim long wanem sapos i gat moa hevi em bai hat long NFA long wokim wok bilong em.

"Olgeta samting i stap long yupela yet nau. Sapos yupela pait namel long yupela yet bai nogat halivim i kam long NFS, tasol dispela i no min olsem mipela no laik wok wantaim yupela, stretim ol hevi bilong yupela pastaim," em i tok.

Mista Bakat i tok em i amamas long lukim olgeta papagraun i wok bung wantaim na em i bilip olsem ol bai sanap olsem long kisim halivim i go long ol yet.

Kaunsil presiden laikim Asisten Kodineta wokman bilong ol stret

NELSIE GIRAURE SAYA i raitim

ASISTEN Kodineta bilong karimaut ol wok na sevis insait long ol lokol level gavman eria i mas wokman bilong dispela kaunsil eria yet long mekim isi wok bilong karimaut ol sevis, Livuan Reimber lokol level gavman presiden Joseph Barao i tok.

Mista Barao i askim provinsal atoriti long yusim gu ol publik sevans husat i wok pinis nau wantaim provinsal na nesenel dipatmen.

Mista Barao i tok maski long wanem kain wok bilong wanpela publik sevans, bikpela samting em publik sevans em mas bilong lokol level gavman eria. Ol i mas kisim trening stret bilong karimaut ol wok bilong ol olsem Asisten Kodineta insait long lokol gavman eria bilong ol.

Taim wanpela Asisten Kodineta i wok stret long lokol gavman-kaunsil eria bilong em stret, em i klia pinis long pasin na hevi na ol wok we eria bilong em i stap long en na em bai mekim wok bilong em stret bhainim ol dispela samting em i save, Mista Barao i tok.

Mista Barao i tok tu olsem sapos Asisten Kodineta tu i bilong dispela kaunsil eria, em bai mekim wok bilong stret bikos em i save long hevi bilong ol pipel bilong em na em bai wok hat long helpim ol pipel na i no inap tingim tumas long wanem wok mani bilong em.

Em i tok i gat planti gutpela publik sevans i wok pinis long ol dipatmen na ol i ken kisim trening long mekim dispela wok long wanwan kaunsil eria bilong ol stret.

Mista Barao tu i mekim tok amamas tu i go long eking Kodineta bilong em Andrew Reames na menesmen tim bilong em long Livuan Reimber lokol level gavman opis long gutpela wok ol i mekim long bringim helpim na sevis i go long ol pipel bilong ples.

Em i amamas tu na tokaut olsem Livuan Reimber lokol level gavman i bin mekim gutpela profit abrusim mak ol i ting long en long dispela yia.

Mista Barao i mekim bikpela tok amamas i go long olgeta kaunsila bilong em long lukim olsem ol sevis i wok long go long ol pipel bilong ples.

Pablik mas lukautim ol PMV bas

MATHIAS MALE i raitim

PLANTI bilong ol bas papa i no amamas tru long kain pasin we ol manmeri i mekim long ol PMV bas bilong ol.

Moa long 200 manmeri i bung long Waigani long autim belhvi bilong ol we sampela lain i mekim long ol bas na ol pasindia wantaim.

Dispela bung i kamap bhain long sampela man i stonim glas bilong wanpela PMV bas na pulim mani bilong bas kru olsem K160 na paitim draiva na boi kru. Dispela pasim i kamap long Kaugere long Mosbi yet.

Long bhainim dispela hevi, wanpela bas papa, David Kamba i tok, ol pipel i mas save olsem bas em i wanpela rot tasol we moa long 800 na 900 manmeri pikinini save raun go kam long wok, skul na ol arapela bisnis bilong ol. Mista Kamba tok, ol pipel mas lukautim gut ol PMV bas na noken mekim nabaut long ol bas bikos ol bas i save givim bikpela sevis tru long ol pipel.

Mista Kamba i tok moa olsem, ol bas bilong em planti taim ol i save kam long haus wantaim glas bruk, mani ol i stilim, katim ol sit bilong ol bas, putim kainkain mak na tok nogut long sit na long sait wantaim. "Dispela kain pasin we ol raskol na ol sampela longlong lain o manmeri i mekim long ol PMV bas em i no gutpela pasin tru," Mista Kamba i tok.

"Ol pablik mas tingim gut olsem ol PMV bas em i no save kostim liklik mani long baim."

Mista Kamba i tok. Em tok tu olsem sapos ol pipel i wok long mekim dispela kain pasin yet, em i luk olsem bai nogat

bas sevis moa long ol pablik.

Narapela meri tu Magareth Moeka i tok long dispela bung yet olsem, ol sit kava bilong ol bas tu i no liklik mani tasol ol sampela lain ol i wok long katim ol sit na raitim ol kainkain toktok antap long ol sit o insait long sait bilong ol bas. Dispela kain ol pasin em i no gutpela long ol pablik o ol lain i save kamapim ol dispela kain rabis pasin.

"Ol i mas tingim gut pastaim na wokim ol kain pasin bikos ol bas i save givim gutpela sevis tru long ol manmeri, na pikinini long go kam long skul, wok na ol arapela bisnis," Misis Moeka i tok.

Long dispela bung ol i tok long ol pipel i mas tokim ol pikinini bilong ol long noken mekim nabaut long ol PMV bas bikos ol i stap wok bai planti bilong ol manmeri bai kisim taim stret.

"Dispela kain pasin i no pik o dok mekim long ol PMV bas, em ol pikinini bilong man kamapim ol dispela kain hevi na ol papamama mas tokim ol o skulim ol long noken kamapim dispela ol rabis pasin," ol i tok.

Mista Kamba i tok dispela pasin i no long Mosbi tasol, long olgeta hap we PMV save raun olsem na pablik mas lukautim ol PMV long wanwan eria o long provins insait long Papua Niugini.

"Sapos ol papamama i skulim ol o lainim ol long gutpela we na pasin na wokabaut, em bhain ol bai kamap gutpela lida na sitisen tru bilong Papua Niugini," Mista Kamba i tok.

"Lukautim ol PMV bas em ol lek bilong yu we ol i ken kisim yu go long wanem hap yu laik long go," Mista Kamba i tok.

NCDC painim sampela hevi long rekot

WOK PAINIM aut we ol plis long Mosbi i wok long wokim, long sampela stil pasin insait long Pot Mosbi Sitihoi i soim olsem, Jimmy Reid, wanpela wokman i bin paulim na stilim K13, 500 bilong siti menesa, Jami Graham.

Mista Reid i bin wok olsem trenspot komisina long taim em i bin stilim dispela mani. Ripot i tok aut olsem em i bin stilim ol dispela mani long mun Jenyueri 8 na 20, 1998.

Plis komanda bilong Nesenel Kepitel Distrik na Sentrel, Raphael Haufolo, i bin go pas long dispela wok painim aut.

Long ripot bilong Mists Haufolo, em i tok aut olsem Mista Reid i bin yusim privet kampani bilong em, Waigani Auksen long salim tri-pela kar bilong NDC tasol mani em i bin kisim, taim em

i bin salim ol dispela kar i no go bek long NCDC.

Ripot i tok aut olsem ol lain long NCDC Wokas Union i bin baim ol dispela kar long aksen sel long K15,000.

Taim em i bin salim ol dispela kar oda i stap olsem i bai kisim 10 pe sen (K1,500) na K13, 500 i go bek long NCDC. Tasol mani i no bin go kamap long NCDC.

Mista Reid nau i stap long K500 beil na kot i surukim kot bilong em i go long neks wik Mande.

Mista Haufolo i tok aut tu olsem plis i bin holim olpela menesing dairekta bilong Telikom, Phillip Aki, long las wik Fraide na sasim em long paulim kampani ka bilong Telikom.

WANTOK

All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea



Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Ltd.

Acting General Manager and Group Editor in Chief:
Anna Solomon.
Acting Advertising Manager:
Jocko Oberleuter

Papers distributed by air throughout PNG.
Available by air mail subscription within Papua New Guinea and overseas
Email address:
word@global.net.pg

Editor of Wantok:
Yakam Kelo.

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

Lo na oda hevi long Mosbi i go daun, Wakon i tok

HEVI bilong lo na oda insait long Mosbi siti i wok long go daun nau, Plis Komisina John Wakon i tokaut. Mista Wakon i mekim dispela toktok taim em i sekim ol mobail yunit long Mc Gregor bareks na ol arapela spesel plis yunit long dispela wik.

Komisina Wakon i tok planti lain i toktok egensim wok bilong plis fos insait long siti tasol ol senis nau i soim tru wok bilong ol plis fos.

Em i tokim ol plisman olsem taim ol i kisim gutpela ripot long mekim gutpela wok bilong daunim lo na oda insait long siti, sait bilong em long edministresen i karim yet hevi bilong mani long lukautim wok bilong plis fos insait long kantri.

Tasol em i tok edministresen bilong em i wok hat long traim stretim sampela hevi bilong ol plisman olsem haus, ol yunifom na su na ol arapela samting moa we i hevi long wok bilong ol plisman na plismeri.

Mista Wakon dispela raun bilong em i go long Mc Gregor bareks olsem Komisina bilong plis em long lukim stret long wanem hevi na wok em i ken traim long mekim i kamap gut na yusim long bilong plis fos.

Em i tokim ol plisman olsem long neks yia, ol bai lukim sampela gutpela senis long sait bilong stretim ol hevi bilong ol.

Long dispela pereid bilong ol mobail skwat, ol i soim sampela eksen bilong ol long pasin bilong brukim ol manmeri i go nabaut long pablik ples taim hevi i kamap long pablik ples. Ol nesenelekyuriti yunit i soim we bilong ol long was long ol bikman na lukautim ol long ron na wokabaut bilong ol. Ol lain bilong Eabon tektikel yunit tu i soim we bilong ol tu long wanem kain wok ol i save mekim.

Stapim VAT ol pipel askim

TOUSEN manmeri insait long Lae siti i bung long wanpela bikpela protes mas long Tunde long strongim singaut bilong ol i go long gavman long rausim Velu Eded Takis (VAT).

Long dispela taim Gavana bilong Morobe, Luther Wenge, wantaim Enti-Vet Komiti bilong Morobe, i bin givim petisen bilong ol long gavman long rausim dispela takis lo.


Praim Minista, Sir Mekere Morauta, ino bin stap long dispela taim tasol man husat i bin karim maus bilong em, em Minista bilong Provinsal Afeas, Andrew Kumbakor.

Belhat bilong ol grasrut i bin stap ples klia tru long dispela taim. Toktok i kam olsem ol plis i bin tait long was long ol lain husat i bin mas long moning. Bilong wanem ol i pret nogut sampela trabel i kirap.


Man karim maus bilong ol grasruts, Jackson Baru, i bin wokim sampela pret toktok long dispela taim.

Mista Baru i tok "Sapos paliamen i no rausim dispela lo bai gat trabel. Ol hap ples we birua i bai kamap long en, em long Nadzab ples balus, Hailens Haiwe na men wof long Lae."


Lae Siti Plis Metropolitan Komanda, Awan Sete, na Deputyi Kostol na Boda



• Luther Wenge.



• Andrew Kumbakor.



• Se Mekere Morauta.

Komisen i tok aut olsem em i no ting ol kain trabel i bai kamap tasol em i tok olsem ol bai putim was.

Ol dispela tupela bikman bilong plis fos i tok aut olsem ol i no hamamas long ol dispela ol kain poret toktok, bilong wanem kain toktok i save sikirapim bel bilong ol man long wokim tru ol dispela samting.

Ol bikman bilong Morobe, ol non-gavman ogenaisesen, ol kominiti grup na tu ol skul i bin kamap tu long dispela bung long Eriku.

Ol Stua i bin pas long dispela taim tu na dispela i givim sans tu long ol sampela ol wokman long mas.

Dispela mas i bin stat long top taun i go olgeta long Eriku we, Mista Kumbakor i bin kisim ol petisen.

Siaman bilong Maus Morobe, Nimarobe Bonga, i bin givim ol dispela hap pepa

bilong ol Enti-VAT komiti bilong Morobe na ol sampela ol arapela senta tu i go long Minista Kumbakor.

Werim ol hap bruk klos nambaut, Mista Bongo i tok hevi bilong VAT i wokim na em i werim ol kain klos olsem.

As bilong dispela samting siaman ya i bin wokim em long soim piksa olsem, ol grasrut i wok long kisim taim tru.

Gavana bilong Morobe i tokim ol pipel olsem em i poret trabel i bai kirap sapos gavman ino harim kraik bilong ol pipel bilong wanem ol i wok long kisim taim na stap.

Long dispela taim, gavana i wokim singaut i go long gavman long rausim Sief Komisina bilong Intenel Revenyu Komisen (IRC) na wanwok bilong em John Lohberger bilong wanem em i tok dispela tupela man i giamanip ol pipol bilong kantri.

Mista Kumbakor long bekim ol dispela ol toktok olsem em bai wokim wok bilong em long karim ol dispela kraik i go long Praim Minista na kabinet bilong em long skelim.

Mista Kumbakor i tok olsem em i luk-save long dispela hevi na em i tok olsem paliamen bai traim long kamapim gutpela tokpait long dispela takis taim ol i bung long Novemba 30.

PNGTUC askim long blokim 2000 baset

YAKAM KELO i raitim

Papua Niugini Tred Yunion Kongres (PNGTUC) i askim ol memba bilong palamen na ol bisnis komyuniti long noken sapotim nesenele baset bilong yia 2000 inap nesenele gavman stretim gut toktok bilong praivetaisesen.

Jenerel Sekreteri bilong PNGTUC John Paska i tok dispela toktok bilong praivetaisesen em bikpela samting long interes bilong kantri olsem na gavman i mas stretim toktok na mekim klia long dispela samting pastaim long em i ken go het na kamapim baset bilong yia 2000.

Praivetaisesen em wanpela nupela polisi gavman bilong Sir

Mekere na Pundari i kamapim long salim olgeta bisnis bilong gavman na mekim ol i kamap olsem praiwet bisnis. Ol gavman bisnis olsem Air Niugini balus, PNGBC beng, PNG Habas Bot, Elcom, Telikom, Pos PNG, POSF na arapela moa. Gavman i laik salim ol dispela bisnis na mekim ol i kamap olsem praiwet kampani bilong ol yet na larim gavman i lukautim tasol ol bikpela sevis olsem helt, edukesen, rot, bris na ol sevis we pipel bai kisim helpim na sapot long en.

Tasol i bin gat planti toktok salens i kamap pinis long dispela polisi bilong gavman.

Presiden bilong Pablik Emplois Asosiesen (PEA) Napoleon Liosi i tokaut olsem dis-

pela praivetaisesen program i no inap long helpim planti pablik sevans wokmanmeri insait long kantri.

Mista Liosi i tok lo bilong dispela samting ino lukluk gut long sait bilong helpim ol wokmanmeri bilong gavman. Olsem na em i askim sapos moa toktok na kempen i mas kamap pastaim long ol manmeri i kisim save gut long hevi na gutpela bilong dispela program pastaim.

Dispela singaut bilong PEA presiden i kisim bikpela sapot long PNGTUC na ol wanlain asosiesen olsem insait long kantri.

Palamen bai sindaun long Novemba 30, long brukim baset bilong yia 2000 na singaut i kamap long ol memba i mas blokim baset inap dispela toktok bilong praivetaisesen i kamap gut pastaim.

Minista bilong Praivetaisesen em Vincenta Auali memba bilong Tambul Nebiliyer na menesa bilong dispela program em olpela memba bilong Kavieng open, Ben Micah.



Wokim mani long pikinini bilong Balsa Diwai

• Misis Nandores Kudek i brukim baksait long redim pikinini bilong Balsa Diwai. I gat sans long kisim mani long dispela. Foto: Joe Kanekane.



WANTOK

NIUSPEPA BILONG YUMI OL PAPUA NIUGINI STRET

Sapotim gavman long kamapim 2000 baset

PNG i kisim gutpela nius dispela wik taim ol dona kantri i givim mani i go long PNG long halivim em long 2000 baset.

Ol pipel i mas amamas olsem Prait Minista Sir Mekere i go pas long dispela pasin na mipela i kisim dispela K300 milien.

Em i kisim mipela longpela taim long kisim dispela mani long wanem Prait Minista bipo Bill Skate i bin traim tasol em i no kisim wanpela bekim na mipela laki olsem ol dispela lain i bai givim mani.

Bikpela salens i stap long ol memba bilong mipela long pasim dispela baset long wanem dispela i bai soim ol lain husat i givim mani olsem mipela olgeta i wanbel long dispela.

Ol unien na oposisen lain i mas wet pas-taim na bihain ol i ken wokim ol tok kros na ol arapela samting long wanem dispela gavman i mas pasim dispela baset.

Ol lain husat i givim mani bai sambai na was long wanem ol i laik givim mani sapos mipela i pasim baset, na sapos i gat ol hevi nambaut ating bai ol i no inap long givim mani get.

Ol Gred 10 sindaun long eksam

WESLEY PAGOT i raitim

MOA long 1000 sumatin insait long Is Nu Briten provins bai sindaun long mekim Gred 10 eksam bilong ol wantaim wanpela praivat skul, VunaBosco Permitted Private School.

Mak bilong olgeta sumatin i nap long 1,215. Planti bilong ol dispela sumatin bai resis wantaim ol narapela long kantri long kisim spes insait long ol bikpela skul long kantri na tu long provins yet. Ol dispela manki bai resis tu long kisim spes insait long Malabunga Sekonderi we bai enrolim tripela Gred 11 long yia 2000.

Edukesen edvaisa Boas Koro i tok Is Nu Briten edministresen i toktok wantaim

nesenel dipatmen pinis long kisim 75 pesen spes bilong ol sumatin bilong provins yet.

Dispela askim i kisim pinis topk orait na samting olsem 187 sumatin bilong Is Nu Briten yet bai kisim spes long Keravat nesenel hai skul sapos ol i mekim gut long Gred 10 eksam bilong ol.

Tasol long VunaBosco skul, 107 sumatin long hia bai stap na mekim Gred 11 bikos skul nau i kamap sekonderi skul. Ol narapela i ken go long Keravat ol long ol narapela nesenel hai skul insait long kantri.

Mista Koro i tok sapos ol gred i no mekim gut long eksam ol i ken go long ol planti vokesinel skul insait long provins husat i wok long kisim ol Gred 10 sumatin.

Nupela komanda bilong pis monitaring grup

PIS monitaring grup insait long Bogenvil i gat nupela komanda. Nem bilong em Brigadier Frank Roberts na em bilong Australian difens fos.

Las wik nupela komanda i holim wanpela konferens long toksave long ol komandin opisa long ol wok bilong ol.

Ol ripot i kam long Buka i tok konferens i givim sans long ol unit komandim opisa long toktok long ol planti samting na lukluk long ol plen bilong karim aut ol wok bilong ol.

Dispela konferens em i namba wan bilong Komanda Roberts husat i tekova olsem bos long pinis bilong mun Septemba.

Ripot i tok ol wankain konferens bai kamap long olgeta tupela mun long lukluk long ol wok i kamap insait long provins long dispela "Operesen bel isi 2".

Ol komandim opisa i kam long Australia, Nu Silan, Fiji na Vanuatu. Tem bilong nupela komanda i stat pinis long Oktoba na bai pinis long mun Epril 2000.

Ol meri painim we long rausim hombru

OL MERI insait long Siwai eria long Sautwes Bogenvil i wok long karim aut wanpela awenes kempen long rausim hombru long ol ples bilong ol.

Wanpela grup ol i kolim long Siwai distrik wimens pis na fridom grup i go pas long dispela kempein.

Grup ya i gat sapot bilong ol bikman na ol sios lida insait long ples. Ol dispela woksap i kamap aninit long aweanes kempein bai makim ol yangpela man husat i save mekim na dringim hombru na bagarapim ol bodi bilong ol na tu sindaun insait long ol ples.

Planti yangpela man husat i dringim hombru i

dai pinis. Ol ripot i kam long Siwai i tok long las wiken tasol tupela yangpela manki i bin dai gen bihain long ol i dring hombru. Wantok ripota Veronica Hatutasi husat ples bilong em long Siwai i tok tupela manki ya i bin dring hombru na i dai bihain long ol wantaim ol narapela i raun-raun long ka. Misis Hatutasi i tok wanpela bilong ol i bin spak nogut tru na i go sindaun antap long bonet bilong ka na em i pundaun na dai tasol.

Sampela i painim olsem ol i no nap long karim pikinini moa bikos hombru i bagarapim ol blut bilong ol.

Narapela asua tu i kamap long pasin bilong

dring hombru em long katim ol narapela man wantaim bus naip long taim bilong kros na pait.

Misis Hatutasi i tok planti taim ol manki i dring na sapos ol narapela i laik salensim ol o stretim we bilong ol na lus tingting long hombru ol bai kros na katim ol narapela long naip. Misis Hatutasi i tok nau yet planti long ol lain istap long Monoitu helt senta em ol i gat sua we ol man i spak wantaim hombru i katim ol long naip. Misis Hatutasi i tok problem bilong hombru insait long Siwai i moa yet long dispela taim.

Meri i go pas long ol dispela woksap em Misis Anna Rangi i tok

as tingting bilong dispela kempen em long skulim ol man husat i save dringim hombru long ol asua i ken kamap sapos yu kisim hombru i go insait long bodi bilong yu.

Dispela hombru em ol manki ya i save mekim wantaim wara bilong painapel, banana o kulau. Ol i save miksim wantaim suga na yis ol i baim long stua na larim i go inap wanpela wik, bihain ol i save kisim na dringim. Sampela taim ol i save baim tu. Dispela hombru i gat 60-90 pesen alkahal insait long em. Mak bilong prais bilong em i nap olsem K5 long wanpela 500mls Coca cola

botal.

Misis Rangi i tok strong tru olsem em i no laik lukim hombru long Siwai eria. Em i tok hombru i mekim na ol pikinini i no skul gut na i ranawe long skul. Dispela grup bilong em (Siwai district pis na fridem grup) i kamap long helpim bilong ol pis monitaring grup husat i stap insait long Bogenvil.

Long dispela wik yet bai i gat ol woksap insait long ol dispela ples olsem Katukuh, Mukakuru, Uso, Sininnai, Haisi, Ameo na Hari Yunaited Sios. Ol dispela woksap i stat pinis na bai pinis long Novemba 30.

WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko
Telepon namba: 325 2500
Feks namba: 325 2579

PE BILONG WANPELA YIA 52 NIUSPEPA

PLES	AIR
PNG	K 60.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00



K180,000 igo long Wes Nu Briten disasta sevis

DISASTA na imejensi sevis insait long Wes Nu Briten provins i kisim helpim i kam long nesenel gavman inap long K180,000. Dispela helpim i kamap bihain long wanpela askim em provin-sel gavman yet i bin putim i go long Nesenel Disasta Komiti.

Opis bilong Gavana Bernard Vogae i tok K100,000 long dispela mani bai go long baim wanpela imejensi bot. Dispela bot bai sanap was tasol sapos sampela samting bai kamap long Maunten Ulavun volkenu. Mista Vogae i tok narapela K80,000 bai go long helpim ol pipel insait long ol sampela ples na gavman institusen wantaim wara saplai program bilong ol.

Bialla haikul bai kisim bikpela mani long dispela inap long K34,061 long wara saplai projek bilong em. Mista Vogae i tok narapela K45,900 bai go long Porapora viles wara saplai insait long Hoskins lokel levul gavman, Warou ples wara saplai insait long Talasea na Kapo ailan wara saplai insait long Kove-Kalia lokel levul gavman eria. Wanwan projek long ol dispela ples bai kisim olsem K11,000.

Minista bilong Provinsel Afeas Andrew Kumkabor wantaim dipatmen seketeri bilong em Colin Travertz na Dairekta Jenerel bilong Nesenel Disasta na Imejensi Ludwid Kumbu i stap long Kimbe long las wik long luk-

luk raun long provins.

Minista i bin bung wantaim gavana Vogae na deputi bilong em Isidore Teli na givim aut ol dispela mani.

Pastaim long em i kambek long Pot Mosbi Minista i bung wantaim provinsel edministreta John Maela na ol sinia opisel long toktok long ol gavman rifom insait long ol provins.

Long ol narapela wok insait long provins Mista Vogae i askim ol tripela sinia memba bilong provinsel eksekutyu-tiv kaunsel long helpim em na karim aut ol sampela wok bilong em.

Mista Vogae i mekim dispela bikos em i sik na ol dokta i askim em long malolo liklik long wok bilong em.

Aninit long ol dispela senis presiden bilong Gasmata lokel levul gavman na Deputi Gavana Isidore Teli bai stap olsem ektim Gavana. Siaman bilong ekonomik sevis na presiden bilong Talasea lokel levul gavman Lucas Waka bai lukautim faimens komiti na Wilson Gela, sosel sevis, siaman na presiden bilong Hoskins lokel levul gavman bai lukautim lo na oda.

Mista Vogae bai stap yet olsem siaman bilong provinsel eksekutyu-tiv kaunsel na provinsel asembli.

Long wanpela liklik seremoni Mista Vogae i tok amamas long ol dispela lain na askim ol long wok hat na helpim provins bilong ol i go het.



Taim bilong amamas ... • Ol studen bilong Don Bosco long Vanimo i pinisim trening bilong ol na amamas long kisim setifiket. Foto: Ari Haba.

Olpela Wosera Gawi memba i no amamas long Turism Indastri

OLPELA nesenel memba bilong Wosera Gawi ilektoret long Is Sepik Matias Yambunpe i tok em i no amamas tru long lukim wok bilong Turism Promosen Atoriti long PNG.

Mista Yambunpe husat em hap bosman bilong Wewak Peninsula Inn Motel long Wewak i tokaut olsem em i les tru long lukim gavman i wok long senisim ol tingting na sapot bilong em long wok bilong turism. Taim senis long opis bilong Turism i kamap na kisim nupela nem Turism Promosen Atoriti, nogat wanpela gutpela senis i kamap long dispela indastri.

Mista Yambunpe i tok taim kain kain senis i kamap long dispela indastri, nogat gutpela rot i op long pulim ol bisnis invetsmen na dispela bisnis i no kisim gutpela sapot long kirap.

Em i tok Papua Niugini i gat plan-ti bikipela na gutpela risos i stap na

sapos gavman i ken mekim gutpela plen na kamapim gutpela developmen long dispela eria, bai gutpela mani na bisnis inap kamap long turis indastri.

Em i tok long bipo aninit long olpela wok na nem, Turism indastri i bin ron gut na i kamapim bikipela helpim i kam long kantri.

Mista Yambunpe i tok planti ovasis turis i save kam long PNG long lukim olk pasin tumbuna, kalsa na ol samting i stap long Papua Niugini. Olsem na sapos mipela i brukim kalsa long Turism, bai i nogat planti turis i laik kam long kantri bilong mipela long lukim ol samting.

Em i tok taim opis bilong Turism Promosen Atoriti i kisim dispela nem (TPA) em i no lukim yet wanpela gutpela plen na polisi bilong kirapim na strongim dispela indastri i go moa long bihain taim.

Indonesia plis holim tripela Vanimo yut long salim spak brus

INDONESIA Plis long Jayapura, Irian Jaya i wok long painim nau ol tripela Wes Sepik manki husat i bin ronawe lusim haus kalabus bilong ol plis long Abepura klostu long Jayapura tupela wik i go pinis.

Tripela yut ya ol i ting ol i bilong Vanimo husat plis long Jayapura i holim ol long taim ol i karim ol spak bruk ol smok mariwana i go salim long hap.

Plis long Jayapura itok ol triela yut ya i kam long Jayapura aninit long tredisenel boda krosing pas (TBC).

Plis i tok ol tripela yangpela ya i bin karim olsem 270 gren hevi bilong spak brus i go salim long Jayapura taim ol plis i holim pasim ol. Tasol ol plis long Jayapura i tok ol i ting olsem ol tripela yut i mas salim bikipela hap bilong dispela smok pinis na plis i holim ol bihain.

Plis long Jayapura i tok ol i bin kism ripot long sampela wan pisin long Abepura na hariap tasol ol holim ol tripela na putim long sel long Abepura.

Plis i tok tu olsem ol tripela Vanimo yut ya i bin stap long sel inap tupela wik we ol plis (CID) i wok long painim

long stretim ol kot pepa bilong ol. Tasol taim ol CID plisman i wok long mekim dispela i stap, tripela manki ya i ronawe lusim haus kalabus.

Tasol plis i tok i mas gat sampela paul pasin i bin kamap long wanpinis plis bilong Irian Jaya we i mekim isi long tripela Vanimo manki ya long ronawe.

Wanpela diuti plis opisa long Vanimo i tok ol plisman long Vanimo i wok long mekim sampela wok painimaut tu long ol dispela tripela manki ya. Vanimo plis i tok dispela tripela manki em ol i bilong ples Yako long Wes Kos.

Taim plis i toktok wantaim ol Foren Afeas opis na plis long boda, ol i hariap go long ples Yako na holim pasim tripela manki ya na askim, na ol tripela tok yesa tasol long dispela sas bilong ol.

Tripela manki ya i stap nau long plis sel long Vanimo tasol i nogat wanpela samting ol plis long Jayapura o Vanimo i mekim yet long ol tripela yangpela ya.

Dispela wok i stap namel long han bilong Vanimo plis na Jayapura plis long stretim.

Mamose turism woka i kisim moa trening

MAMOSE rijon i wok long go pas long Papua Niugini long wok trening bilong turism we i gat progrem i karampim Madang, Morobe, Is Sepik na Wes Sepik provins.

Insait long wanpela bikipela trening progrem, ol wokman bilong hotel, wokman bilong balus na ol sapot sevis eria i bin sindaun wantaim ol gavman wokman long kisim save long dispela.

Ol eria we dispela woksop i lukluk strong long en em, hotel, lods, ges haus, kalsa senta, provinsal turism opis na ol papa bilong risos we ol i kisim save long wok na eria bilong ol, ol i ken mekim insait long dispela bisnis bilong wok turism.

Insait long ol dispela trening kos, ol trening olsem gutpela kastoma sevis, turism awenes na trenim trena, kalsarel

awenes, kastoma sevis bilong ol menesa, buk kiping na smol bisnis menesmen, eben na edvensa tua gaid, hospitaliti menesmen wantaim bas na resturen sevis, hap Japan tokples ra pasin bilong kamapim miting, miting na ol semina.

Turism Promosen Atoriti (TPA) rijinel menesa Erigere Singin, trena Steven Mago, Nathan Kumin na Kamioka Shibamura bilong TPA opis long Mosbi i bin kamapim dispela woksop.

Misis Singin i tok trening em bikipela samting long kamapim wanpela bikipela sevis we i gat luksave long en insait long Papua Niugini olgeta. Yumi i ken gat olgeta samting i redi long go insait long dispela wok bilong turism tasol sapos yumi no givim inap trening long redim ol wokman bilong yumi, dispela wok i no inap go long wanpela hap, em

i tok. Misis Singin i tok Turism em indastri bilong ol pipel na wok ol i save mekmi olsem na long rijon bilong em (Mamoase), em i laik kamapim moa trening long ol papa bilong ol risos.

Insait long dispela trening, ol i putim wanpela wokman bilong ol (TPA) long wok insait long Madang Smugglers Hotel we i save sanap long kaunta, risepsen eria, haus kiping eria, konferens senta na arapela eria moa long hotel. Em i save werim hotel yunifom na wok klostu wantaim ol hotel lain long traim putim aut sampela samting em i lainim long woksop na lukim sapos ol samting em i lainim i wok.

Dispela woksop long Smuggler Hotel em TPA opis wantaim Smugglers Hotel i go pas long sponsarim na kamapim woksop ya.



• Ol Turism Promosen Atoriti opisa husat i go pas long kamapim woksop bilong wok turis insait long Momase rijon.

BEEF CRACKERS

IGAT kick!

HEPI BIRTHDAY

25% MORE

5 BISKETS INSIDE-1 FREE

Ol Suine tingim Santu Maria

ADAM ELLIOT i raitim

MOA long 1000 pipel i bung long Suine long selebretim pinis bilong mun bilong Santu Maria. Insait long las mun olgeta Katolik bilip manmeri long Papua Niugini i bin beten korona bilong tingim ol hat-wok Santu Maria i bin mekim olsem mama bilong Jisas.

St Francis Katolik sios long 9 Mail i amamasim pestude

SAMUEL PAPSII i raitim

OL Katolik manmeri bilong St Francis Katolik Sios long 9 Mail ausait long Mosbi i amamasim pestude long las wik Sande. St Peter Katolik Sios long 9 Mail i wanpela bilong ol arapela austesin bilong Holi Nem long Bomana. Long dispela austesin, ol pater na sumatin bilong SVD koles long Bomana save go na mekim ol pastorel wok wantaim ol Katolik manmeri long en.

Long Sande 24 de bilong dispela mun, ol pipel i amamasim pestude bilong haus lotu bilong ol. Dispela pestude i bin bung wantaim narapela bikpela pestude bilong Katolik Sios, em Misin Sande. Long dispela Sande, ol Katolik long olgeta hap bilong graun i save pre long ol misinari na kism o kolektim mani samting bilong helpim long mekim wok misin.

Long dispela misa, peris pris bilong Holi Nem, Pater Bill Linden MSC i bin go pas long misa wantaim Pater James Uravil SVD. Pater James wantaim ol sumatin i save lukautim ol lotu bilong olgeta Sande long dispela austesin.

Ol pipel i amamas tru long bung wantaim olsem wanpela famili na amamasim dispela de wantaim bikpela kaikai bihain long lotu. Long dispela misa, moa long 100 manmeri na pikinini i bin kamap. Namel long ol pipel, i gat Katolik Yut Kodineta bilong Mosbi na ol SVD suamtin bilong Bomana husat i save kam mekim ol pastorel wok wantaim ol kristen manmeri.

Insait long dispela lotu misa. Pater Linden i makim planti ol gutpela tok skul bilong strongim bilip na long pasin bilong mekim wok misin insait long penis, famili na komyuniti. "Em i tok wok misin em i no bilong ol pater, bruda, seminarin na sista tasol, nogat. Em wok bilong mipela olgeta kristen manmeri. Olsem na olgeta wanwan komyuniti i gat wok bilong helpim narapela komyuniti long pasin bilong beten na givim samting sapos ol i sot long en. Dispeal em i as tingting tru bilong Misin Sande."

Sapos yumi wanwan i bilip tru long dispela as tingting na inap long mekim wok bilong helpim yumi yet, em bai yumi inap long daunim sampela kain hevi insait long famili na komyuniti bilong yumi.

Suine peris em i stap olsem wan na hap awa is long Aitape taun na arere long Aitape Daiosis.

Pater bilong Suine peris, Pater Augustine Kulmana i tok ol pipel bilong em i holim strong bilip na pasin bilong lotuim God long beten korona.

"Ol mama i gat bikpela ples insait long Papua Niugini bikos ol meri i save lukautim ol famili bilong ol na lukautim ol pikinini. Ol pipel i luksave long dispela taim ol i beten korona na tingim pasin Santu Maria i mekim olsem wanpela mama taim em i bin stap long graun na lukautim pikinini bilong em Jisas," Pater Kulmana i tok.

Em i tok ol i bin statim mun bilong Santu Maria long karim statu bilong Santu Maria na proseso i go long olgeta ples insait long peris bilong em. Ol i bin go long samting olsem 30 ples olgeta.

"Mipela i pinisim proseso long Sande 31 Oktoba. Dispela em i bikpela pestode bilong tingim olgeta samting mipela i bin mekim long dispela mun," em i tok.

Pater Kulmana i tok i gat samting olsem 8000 pipel i stap long Suine peris. Planti bilong ol i kam long ol ples i longwe long rot bilong ka na ol i bin wokabout longpela

taim bilong kamap long selebretim Misa long Sande i go pinis.

"Mi bin redim ka bilong sampela ol pipel tasol bilong ples Yakomol na Matapau. Ol dispela ples i stap long boda bilong Is Sepik na Sandaun Provins," em i tok.

Em i tok ol pipel yet i redim planti samting long mun i go pinis. Ol i redim kaikai tu na Misa na dispela pasin bilong wok bung i bungim olgeta wantaim.

"Mi lukim dispela olsem taim we ol pipel i save kam bung wantaim long bilip pasin. Ol pipel i save luksave olsem i gat gutpela as bilong nam bung wantaim we ol inap kism gutpela samting long en," Pater Kulmana i tok.

Em i tok insait long las 10-pela yia ol pipel i luksave long pasin bilong beten korona long mun bilong Santu Maria na dispela pasin i kamap strong tude.

Em i tok ol pipel i luksave olsem pasin bilong Sios i olsem wanpela pasin insait long laip bilong ol.

Pater Kulmana i tok ol pipel bilong peris bilong em bai redi nau long selebretim Jubili 2000.

"Toksava i go pinis long ol lida long kam bung wantaim na redim program bilong selebretim yia 2000," Pater Kulmana i tok.

Skulboi penim piksa bilong han

LONG wanpela de ol praimer skulboi na skulmeri i wok long droim ol piksa bikos de bilong tenkyu i laik kamap, ol i mas droim piksa bilong wanpela spesel samting ol i laik tenkyu long God long en.

Sampela liklik boi na meri i droim piksa bilong haus na ka na kaikai na kain kain gutpela samting long famili bilong ol. Tasol wanpela boi em i droim wanpela han nating, i luk olsem han tambu. Bihain ol sumatin i wok long painimaut em i han bilong husat. Bilong God? Bilong plisman i save helpim ol? Bilong fama i groim kaikai? Tasol ol i no inap; na liklik boi i no laik tokim ol.

Bihain ol sumatin i go bek long stadi bilong ol, tisa i kamap long dispela liklik boi na i helpim em long wokabout. Long wanem, boi ya i lek nogut. Na planti taim tu tisa i bin holim bairo na skulim boi long raitim nem bilong em.

Olsem liklik boi long stori i tenkyu long tisa long han bilong em, yumi tu i mas tenkyu long God long han bilong yumi. Han i winim olgeta hap bilong bodi long kain kain wok em inap mekim. Tupela han bilong yumi i save givim kaikai long yumi, i save

TU MINIT TINGTING



FRANK MIHALIC i raitim

wasim yumi, i save komim gras, i save karim nabaut ol samting, i save litimapim olkain samting, i save wokim kanu na bilum na banara na haus, i save redim kaikai, na planim kaikai, na kamautim kaikai na kukim.

Han i save dro na rait na bungim ol samting na fiksime ol kain samting.

Sapos yu brukim wanpela pinga o skru bilong han bilong yu, na dokta i karamapim han long simen - nau tasol bai yu painimaut yu no inap mekim 78 kain kain wok wantaim han bilong yu.

Namba wan tingting em i dispela: "Yumi stap long han bilong God."

Reveren William Kurtz bai helpim Asbisop bilong Madang daiosis

APOSTOLIK Nunsietisa bilong Papua Niugini i tokaut olsem Pop John Paul i makim pinis Reveren William Kurtz bilong Sosaiti ov Divine Word long Kundiawa olsem Kodjuta Asbisop bilong Madang.

Mama i bin karim Asbisop William Kurtz long Kepa daiosis bilong Opole long Polen long Me 28 1935. Em i bin skul i go kamap long Nesenel Hai Skul long Nysa long Polen yet.

Long 1952 em i mekim wok misin bilong em wantaim Sosaiti bilong Divine Word long Polen. Em i mekim namba wan wok lotu bilong em long 1954. Em i kism moa save long wok pisoloji na tioloji long Maja Seminari long Pieniezno long Polen. Em i kamap olsem Pater long Januari 28 1962.

Bihain long em i bin wok tupela krismas olsem asisten paris Pris long Bytom paris, em i go long Gorna Grupa we em i karimaut pastorel wok long narapela tupela krismas. Long 1967 Mons Kurtz i kamap long Papua Niugini na i go holim wok long Goglime paris olsem asisten paris Pris. Bihain long dispela krismas, em i bin wok hat long kamapim nupela paris long Mai long Simbu provins.



• Ol manmeri i bung long Wewak long kism bodi bilong biknem Bisop, Bisop Leo Arkfeld taim em i dai long dispela yia.

Long mun Me 1981 em i kamap Vika Jenerel long daiosis bilong Goroka we long dispela taim Kundiawa i hap bilong dispela daiosis. Em i bin stap olsem paris pris bilong Sen Michael insait

long Koge.

Long Jun 8 1982, daiosis bilong Kundiawa i bin kamap na Mons Kurtz i kamap namba wan Bisop.



Hailans Nius

Zeming laik Woks Sekreteri long sekim Waghi bris


•JOE KANEKANE i raitim

MINISTA bilong Woks Mao Zeming i askim pinis sekreteri bilong Woks Mickey Tamarua long karim wanpela wok painim aut i go long as bilong bris i bin bruk we planti pipel i bin dai long wanpela fut bris long Westen Hailans.

Ol niuspela ripot i kam aut olsem dispela bris i bin bruk long taim memba bilong Not Waghi Dokta Fabian Pok i bin laik go lukim ol pipel bilong em long wik en.

Mista Zeming i tok em i sore tru long ol lain husat i bin lusim ol wanpisin bilong ol long dispela birua na em tok em bai wokim olgeta samting inap long pawa bilong em long painim aut as tru we dispela bris i bin bruk.

"Mi askim yu long painim wanem rot tru em ol lain i bin yusim long wokim dispela fut bris and long wanem as dispela bris i



• Mao Zeming.

bin bruk," em i tok.

Mista Zeming i tok dispela birua i givim nem nogut i go long Woks dipatmen na pablik bai save olsem bihain sapos wanpela wok we

dipatmen i wokim bai ol i nogat bilip moa.

"Dispela kain birua i soim olsem mipela i gat sampela ol enjinia husat i no save givim taim long wok bilong ol na long dispela kain pasin yumi lukim kain birua i kamap long ol pipel bilong mipela," em i tok.

Em i tok em i laikim wanpela ripot i mas kamap long em kwik taim tru na sapos dispela ripot i painim olsem ol Woks enjinia i bin asua orait ol i mas pinis long wok bilong ol.

"Mi laikim olsem dispela kain birua i mas pinis na olgeta ripot i mas kam long opis bilong mi kwik taim.

Dispela bris i stap arere tasol long nupela enjinia ami bes long Kerowil arere tasol long Banz taun.

Ol pipel i bin redi long go lukim memba bilong ol taim dispela hevi i bin bungim ol.

Waghi bris i bruk kamapim planti hevi

BIKPELA wara i bin tait long Waghi eria long Westen Hailans provins i bin kamapim birua pinis long planti lain we ol i lusim laip bilong ol.

Ol ripot i kamap pinis olsem ol manmeri i bin go long opim dispela bris long Waghi taim bris ya i bruk na ol manmeri i pundaun. Wara i bin ron strong tu na kamapim birua long planti lain manmeri.

Dispela bris i bin kamap long helpim bilong memba bilong Not Waghi Dokta Fabian Pok olsem sevis bilong em long ilektoret.

Em i bin inap go long opim dispela bris tasol birua i bin kamap long bris ya.

Minista bilong Woks Mao Zeming i bin mekim strong tokok tru long ol wokman bilong Woks i mas sekim dispela hevi na painimaut wanem as tru na dispela bris i bruk. Na sapos i gat hevi long sait bilong

wok enjinia, ol i mas pinisim ol dispela enjinia long wok.

Ripot i kamap tu olsem namel long ol lain i bin pundaun long dispela wara, sampela lain i bin sevim laip bilong tripela meri long wara. Ol i strong olsem bikos ol i sevim laip bilong ol dispela meri, ol bai kisim ol na maritim ol olsem pe bilong ol long sevim laip bilong ol.

I gat narapela ripot tu i kamap olsem ol pipel bilong dispela hap yet i bin tromoi sampela lain we ol i bilip i gat sik nogut, AIDS i go daun long wara long ol i mas dai. Ripot i tok ol dispela lain i traim long holim ol gras o ol samting arere long wara long kam bek, tasol ol lain bilong ol i katim han bilong ol na pusim ol i go bek long wara we wara i karim ol i go.

Ol piis long Hagen i no mekim klia wanpela ripot yet long dispela hevi. Bikos ol i no kisim gut ful ripot yet long dispela ol hevi na birua.

Samapim su em wok mani

•MATHIAS MALE i raitim

PLANTI hap long PNG nau ol man i wokim kainkain we o wok long sampela kain we we ol i ken lukautim ol yet na famili bilong ol.

Wanpela we em ol man i wok long samapim su long ol strit, maket na long ol pablik ples long ol taun na siti long wokim mani. Na em i kamap olsem wok mani bilong ol nau.

Mista Benson Kiaro bilong Asaro viles insait long Goroka, Isten Hailans provins i bin tokim Wantok Niuspepa olsem, kain wok bilong em save samapim su em i wanpela bikpela salens na gutpela we bilong em long wokim mani. Em i tok moa olsem bihain long em i lusim wok em i statim dispela liklik wok we nau em i mekim long samapim su o su. Mista Kiaro i tok em i kam long Mosbi long 1982 na em i wok wantaim Smol Industri Kampani inap long 3-pela yia na em lusim. Em i tok dispela Smol Industri Kampani we em bin wok ya em i save samapim ol su, sendol na ol sipas na em i bin wok long wokim dispela wok na em i lusim, Mista Benson i tok.

Mista Kiaro tok, bihain long em

i lusim wok hariap tasol em i statim dispela liklik wok bilong em olsem su meka o samapim su bikos em i gat bikpela save na eksperiens long dispela wok taim em i stap wok wantaim Smol Industri. "Mi save gut long dispela wok na mi no painim hat long statim dispela liklik wok nau mi mekim long en," Mista Kiaro i tok.

Wanpela bikpela as tingting bilong em long em i laik salens wantaim ol stoa we ol i salim ol su, bikos taim ol manmeri i baim ol su i save bruk hariap na ol i no yusim o werim longpela taim." Long dispela pasin ol su meka o ol man bilong samapim su ol i yusim strongpela string we ol manmeri ken yusim longpela taim.

"Ol Saina na ol waitman i salim ol lo kawaliti su na ol i save paulim yumi stap na long dispela as tingting tasol i save samapim su we ol manmeri ken yusim longpela taim liklik," Mista Kiaro i tok.

Mista Kiaro i tok tu olsem bipo em wok mani taim em i gat mani long fotnait Fraide tasol na Sarere i go narapela 2-pela wik gen nogat mani long poket. "Tasol nau em i amamas na i

pilim em i orait bikos liklik toea kam long em olgeta taim," Mista Kiaro i tok.

Mista Kiaro nau i gat wanpela brata bilong em nau i helpim em long dispela wok bilong em. Brata bilong em Peter Manus Kiaro i helpim em long wok na wok i go bikpela pinis na tupela i gat planti kastoma i kam long ol.

Mista Kiaro i tok long dispela mani we em save kisim long dispela wok em save painim isi tru long baim kaikai, kolos, balus tiket go, kam na kain laip i isi liklik na em i no save wari planti.

"Ol yangpela mas traim na yusim tingting na save we ol i lainim long skul na wokim sampela kain we bilong lukautim ol yet na kamap gutpela lida na sitisen tru bilong kantri bilong yumi PNG," Mista Kiaro i tok.

Em i tok tu olsem taim ol yangpela i feil o ol i nogat sans long go stadi moa ol i save stil na wokim kain pasin nabaut tasol mani i no stap long opis wok tasol, mani stap wantaim ol yet long han na tingting bilong ol.

"Prais bilong ol su bilong samapim dposit K5 na long kam kisim taim K3 total K8 long ol wanwan su," Mista Kiaro i tok.

BIKPELA TOKSAVE




NIU
PRAIS

30t

WANTAIM VAT

TASOL PRAIS LONG DISPELA INO SENIS



20t

WANTAIM VAT




10t

WANTAIM VAT

NOKEN BAIM MOA LONG OLGETA STUA

Madang Nius



PPC mas stretim hevi bilong Bukbuk setelmen na ol Enga

WANPELA kominiti lida long Bukbuk setelmen ausait long Madang taun i laikim gutpela we long stapim hevi.

Dispela em bihain long Madang plis i tokim ol lain long setelmen long givim K3,000 olsem kompensesen i go long ol famili bilong man Enga ol lain long Bukbuk setelmen i paitim bihain long em i bamim wanpela man na tupela pikinini bilong em. Dispela i bin kamap long Oktoba 31.

Man husat ka i bamim i save stap long Bukbuk setelmen. Ol i bin kisim em i go long haus sik na nau em i orait.

Komiti lida Luke Kaloka tok, ol lain

long setelmen nau stap wantaim poret bihain long ol lain Enga i kukim wanpela haus long setelmen.

Mista Kaloka tok plis i saptim ol lain Enga na ol i givim em taim o dedlain long baim dispela K3,000 kompensesen mani.

Em i tok ol plis i mas stap namel long dispela hevi na skelim gut wanem we tru bai ol i kamapim belisi namel long olgeta lain.

Mista Kaloka i tok tu olsem plis mas lukluk insait long stori bilong tupela lain wantaim bilong wanem draiva bilong ka i nogat laisens bilong draiv na tu ka i no gat registresen.

Plen long wokim kompaun bilong Ramu main

LONG kamapim gut wok long ronim Ramu nikel main long Madang, kampani i go pas long dispela wok long painim kopa na nikel, Highlands Pasific bai kamapim wanpela kem klostu long main olsem haus slip bilong ol wokman na ples bilong putim ol masin.

Na bai ol i bildim wanpela kompaun long Madang taun we ol wokmanmeri na famili bilong ol bai stap.

Highlands Pacific na Kaerver Boulderstone Hornibrook, ol papa bilong dispela projek i tok dispela kain pasin bai mekim ol wokmanmeri amamas long ol i stap wantaim

na wok wantaim long mekim gut wok.

Ol disain bilong ol haus em ol i wokim long Brisbane, Australia na kampani i tingting long mekim olsem bai ol timba na ol ain bilong wokim haus bai isi long kisim i kam long Madang na tu bai ol i stap long taim.

Tupela kampani tu bai lukluk long lanim ol asples manmeri long ol kainkain wok we i bai kamap long main na taim wok i stat long rausim ol nikel na kobalt ol tu bai go stap insait long ol dispela na ol arapela wok.

Mike Small, mausman bilong tupela kampani ya tok olsem ol kontrak na enjiniring kampani i save wokim ol dispela wok long lukluk long ol arapela main tasol ol i no save wokim ol dispela wok gut.

Ol lain long Highlands Pasifik laikim ol wokmanmeri bilong ol mas save long ol dispela wok na ol bai wokim.

Mista Small i tok tupela kampani i amamas long tes na ol wok i wok long kamap we i soim olsem ol i redi gut long go pas na digim na kamautim ol nikel na kobalt long yia 2002.

Kwapun ples i redi long yia 2000

SAKARAI ANTON i raitim

TAIM olgeta hap long dispela wol i redim ol yet long kainkain rot bilong bungim yia 2000, wanpela liklik ples insait long Wes Kos bilong Wewak, Is Sepik provins i redim 300 pipel bilong em long bungim yia 2000 wantaim lotu bilong tok sori, sekan na wanbel (Rekonsiliesen).

Wirui Peris (insait long Wewak) wantaim ol arapela perists insait long Wewak Daiosis olsem, Kubalia, Yangoru, Drekkir na ol arapela i bin kisim dispela wanbel ritrit long mun Epril i go inap Me long dispela yia 1999, samting olsem 10-pela wik olgeta, ol dispela pipel na komyuniti bai i save na pilim dispela kain mangal i stap insait long bel taim yumi sekan tru, tru wantaim bel, lewa na spirit bilong tok sori. Tanim bel na kisim Jisas olsem Lod na Sevia bilong yumi wanwan em i no isipela samting.

Mista Maming Jiramie bilong ples Kwapun em i siaman bilong

Kwapun Rekonsiliesen Selebresen Komiti wantaim tripela komiti memba bilong em i redim dispela komyuniti progrem insait long tripela wik stat long pinis bilong mun Septemba. Mista Jiramie i tok, astingting bilong dispela bung em i olsem, tude long ples i nogat gutpela sindaun olsem bipo. Tude i nogat moa pasin bilong tok sori na sekan olsem na taim em i tingim yia 2000 dispela i givim em dispela ples bilong kamapim wanbel we komyuniti i saptim tru.

Insait long dispela progrem bai i gat tupela hap.

Long Fraide 29 de bilong Oktoba long 8 kilok moning i go inap 6 kilok apinun ol lapun man na meri, krismas bilong ol inap olsem 50 (faivpela ten) yia na i go antap bai i mekim penens na prea-taim bilong ol. Dispela em bilong redim ol lapun long bikpela lotu long Sarere apinun.

Komiti siaman, Maming Jiramie i tok, ol lain i go pas long proseso bai karim Mama Maria na dispela bai stat long Kwapun hed ples

(long-sait san kamap) na go wantaim prea inap ol i kamap long pinis bilong pels (long-sait sandaun). Long arere bilong dispela ples Kwapun ol lapun bai stap long (ritrit) o kwait taim long wanpela raun wara ol i kolim Lima.

Long Sarere namba 30 de bilong Oktoba bai olgeta lapun wantaim olgeta yangpela na ol lida bilong ples, sios, gavman na ol arapela komyuniti insait long Boikin peris bai bung wantaim olgeta 300 pipel bilong ples Kwapun long bikpela Rekonsiliesen misa. Dispela de tu i mekim de bilong tingim ol sols o tingim ol lain idai pinis. Lotu bai stat long 1:30pm long apinun, bihain tasol long lotu bai i gat tok tok i kam long spesol ges spika bilong progrem em Sir Anthony Siaguru husat i wanpela bikman na pikinini blong ples Kwapun. Peris Pris bilong Boikin peris Pater Caspar Talmi bai i go pas long dispela lotu.

Bihain long ol toktok i gat bung kaikai wantaim pipel na sampela pilai na drama i go inap 5 kilok long

apinun. Long 7 kilok nait em nau ol pipel bilong Kwapun komyuniti bai stap isnait long bikpela pre-miting long givim tok tenkyu long God papa long dispela Rekonsiliesen lotu bilong pipel bilong Kwapun (Boikin peris).

Wanpela olupela tisa na bikman long ples Mista Ignas Kokol husat i wanpela bilong ol dispela lain lapun bilong dispela taim i tok:

Bihain long wok tisa inap 32 yia na tu long laip eksperiens bilong mi, long taim mi gat 10-pela krismas long yia 1942 i kamap inap nau mi i gat 6-pela ten (60) krismas mi no lukim dispela kain bung o rot bilong redim pipel long tenis o sekan insait olsem wanpela ples olgeta! Mi save pre na ritim baibel long rum bilong mi, tasol mi no save go long lotu o bung long prea wnataim ol arapela. Na tu mi no konfes long 18-pela yia inap man long namba 19 de bilong mun Oktoba. Taim mi kisim toktok bilong komiti long dispela Rekonsiliesen lotu, mi kisim nara-pela kain hamamas na dispela i

kirapim bel bilong mi long go mekim nambawan kompesio gen na redim mi long kisim Jisas olsem Lod na Sevia bilong mi long bungim yia 2000.

Insait long dispela 300 pipel bilong Kwapun i gat faivpela bilong ol em ol i gat eitpela ten (80) krismas. Wanpela bilong ol em lapun papa bilong, Sir Anthony Siaguru, nem bilong em Petrus Siaguru, lapun Petrus Siaguru i wanpela gut taim katekis na strongpela memba bilong Lijin bilong mama Maria husat bai go pas long pre wantaim ol lapun bilong ples Kwapun.

Long kamapim dispela bung, komiti bilong Mista Jiramie wantaim komiti insait long tripela wik i wok hat tru na i kamapim mak bilong mani olsem K1,200.00 pinis. Em i tok dispela kain mani i kamap long ol dispela rot; em K10.00 kontribusen bilong ol lapun stret, eksen basket wantaim K5.00 na arapela donesin i kam long ol pipel bilong Kwapun insait long ol arapela senta olsem Mosbi, Lae na Wewak.




BOROKO Foodworld

SPESOL BILONG DISPELA WIK

Roots Rice 1kg	K1.27	Milo Soft Pack 200 gr	K3.35
Power Rice 1kg	K1.67	Globe C/B Round 300 gr	K2.45
Power Rice 10kg	K15.27	Gold Nuggets - Cheese, Chicken, Cheese	
Suncrush Cordial 2 litres	K3.95	Onion 25 gr	.30
Maggi Noodles 85gr	.45	Arrow Beef 85 gr	.40
Sunshine Milk UHT 1 litre	K2.34	Paradise Scotch Finger 200 gr	K2.08
		Paradise Sunprut/Peanut Wafer 45 gr	.58

Planti moa kaikai prais i go daun long en!
Ph: 325 7566, 325 0863 Fax: 325 7096



Lae Nius



Baret namel long maniman na rabisman

LONG kantri bilong yumi Papua Niugini, i gat wanpela bikpela hevi i wok long kamap isi isi na bagaram-pim-sindaun bilong yumi. Dispela samting em i baret namel long rits na pua we em kamap isi isi na mekim planti manmeri i kamap rabis.

Sampela saveman long intanesinol level i bin mekim wok painimaut long dispela na ol i bin raitim ripot na dispela ripot i soim wanpela tok piksa olsem. Ol bikpela bikpela kampani i olsem ol bikpela pis olsem sak na ol i save daunim ol liklik piis na long dispela rot ol i save i stap laip, em i min olsem ol bikpela kampani i save kilim na daunim ol liklik kampani bilong ol liklik grasrut manmeri.

Na tu i no long taim i go pinis yumi harim long niuspepa olsem



BILUM
waniam
Sir
Getake Gan

Yunaited Nesen i tok PNG em i pua kantri insait long Pasifik Rijen. Mipela i kirap nogut long dispela kain ripot. Bai yumi bekim dispela ripot olsem wanem?

Tru, kantri bilong yumi em i pua o nogat? Sapos yumi skelim dispela tok bai yumi luksave olsem i tru planti manmeri bilong PNG i stap nogut na sot tru' long kaikai na mani samting.

I gat planti-giaman pasin i stap

long hap bilong wok bisnis na tingting long kamap rits man hariap. Ol rits lain i bringim ol kampani i kam insait long kantri na ol i kamap olsem bikpela pis na daunim ol liklik piis na pinisim ol. Em i wanpela as bilong PNG i kamap pua kantri.

Yumi lukim pe bilong ol samting long stua em antap tumas olsem na liklik mani bilong yumi i go long ol dispela bikpela pis na narapela bikpela pis em i Gavman bilong yumi. Ol yet i stap long sait bilong rits lain. PNG em i wanpela pua kantri long Pasifik Rijen em i tru. Yumi lukim long taun na siti we planti manmeri i nogat wok na nogat mani na i stap nogat tru. Yumi lukim long taun na siti we planti manmeri i nogat wok na nogat mani na i stap nogat tru.

Yumi lukim planti pasin nogut i wok long kamap. Hevi bilong lo na oda i go bikpela na ol katim ol pikinini long skulim long wanem, ol i no baim skul fi. Na long ples ol kamapim planti pikinini na nogat inap graun long planim kaikai na prais bilong kes krop bilong ol i no gutpela. Ol bikpela pis i daunim ol liklik piis yet.

Sampela stia tok mas kamap long Gavman bilong helpim ol liklik bisnis manmeri bilong PNG stret bilong ol i ken kamapim gut mani bilong mekim ol i stap isi na wok bisnis na i noken opim rot bilong ol bikpela pis i kam na daunim ol. Tok piksa olsem. Gavman sapos em i wari long pipel bilong em, em i mas skelim gen sampela polisi olsem Look North na arapela polisi bilong givim stia na

bosim na strongim wok bisnis na arapela samting bilong PNG manmeri stret.

Dipatmen bilong wok didiman i mas gat progrem bilong ol i sut long pua manmeri long ples long kamapim ol gutpela kaikai na bilong salim na kisim mani. Ol didiman opisa i no moa wok patrol i go long helpim ol grasrut manmeri long ples olsem bipo.

Mi yet i no amamas long harim dispela tok Papua Niugini em i pua kantri long Pasifik Rijen. Mi ting God i givim yumi moa blesing long arapela kantri. Tasol yumi yet i no yusim gut ol dispela blesing. Inap yumi senisim tingting na rausim dispela baret namel long rits na pua na kisim nem olsem PNG em i rits kantri?

Pait long rausim VAT i go het yet

ROSALYN ALBANIEL i raitim

GAVANA bilong Morobe, Luther Wenge, na komiti bilong em bai go het yet wantaim pait bilong ol long rausim lo bilong Velyu Eded Takis (VAT) we gavamn i bin kamapim long Julai 1999.

Mista Wenge na komiti bilong em i bilip olsem planti grasruts insait long kantri i wok long kisim taim long dispela takis, olsem na em wantaim Enti-VAT komiti bilong em i wok long pait strong long rausim.

Long strongim dispela ol i kamapim tripela atkek plen:

- Namba wan, autim bel hevi long Suprim Kot na larim ol i skelim na tok aut sapos dispela Takis lo i gutpela o nogat;

- Namba tu, kamapim wanpela Praivet Memba's lo; na

- Namba tri, long askim gavman long daunim liklik mak bilong takis.

Pait long suprim kot i wok long go het yet nogat wanpela kaikai i kamap yet. Narapela rot we ol i lukluk long em nau em long traim long kamapim Privet Memba's lo.

As bilong dispela em long traim long kisim sapot o namba long palimen long traim long surukim dispela lo i go long sampela taim bihain, taim ekonomi o sindan bilong kantri i gutpela liklik.

Gavman i luksave pinis long dispela lo we Mista Wenge wantaim komiti bilong em i laik kamapim. Tasol toktok we ol i kamapim em long gavana bilong Morobe long kamapim dispela lo ino olsem Privet Memba's lo tasol olsem Gavman lo.

Gavman i ting olsem sapos em i kamapim aninit long nem bilong ol i bai gat bikpela sapot bihain long dispela taim ol i tok-pait long dispela takis.


Laspela atek plen we ol i wok long holim stap yet na bai traim tu em long traim long askim gavman sapos ol i nonap rausim o surukim dispela takis i go sampela taim bihain long traim long daunim mak bilong dispela takis.

Nau yet mak i stap long 10 pen sen ol i laik bai gavman i surukim dispela i go daun long tri-pe sen.

Morobe na Enti-VAT komiti bilong em i no sanap ol yet long dispela pait bilong ol. Planti arapela ol senta tu i givim sapot bilong ol.

I bin gat wanpela bikpela mas i bin kamap long Lae long Tunde. Long dispela taim olgeta ol arapela senta husat tu i gat Enti-VAT komiti, i bin kisim dispela sans long givim petisen bilong ol tu long gavman.

Praim Minista i no bin stap long dispela taim long harim na kisim ol dispela samting, tasol dispela i no stopim ol lain long Lae long go het wantaim dispela mas.



• Gavana bilong Morobe, Luther Wenge.

Minista bilong provinsol Afes, Andrew Kumbakor, i bin makim praim minista long dispela de. Ol arapela senta tu husat i bin putim petisen bilong ol tu long dispela taim em: Westen Hailens, Wes Niu Briten, Esten Hailens na Sentrol.

Morobe gavman pait yet long K22 milien baset mani

YAKAM KELO i raitim

NESENEL Kot long dispela wik i nesanel gavman i brukim lo long ino givim K22 milien bilong Morobe provinsal gavman.

Nesanel Kot Jas Kubulan Los i skelim olsem nesanel gavman i brukim lo aninit long Ogenik Lo we i luksave long mani bilong provinsal gavman em i mas kisim stret.

Morobe provinsal gavman i bin kamapim dispela kot egensim nesanel gavman long Februari dispela yia bikos aninit long 1999 nesanel baset, em i no kisim stret ful mani bilong provinsal stret bihainim Ogenik Lo long Provinsal na Lokol Level Gavman.

Gavana bilong Morobe provins, Luther Wenge i tok dispela disisen

bilong kot em bikpela samting tru bikos dispela i ken soim rot nau long bihain taim nesanel gavman ino ken brukim dispela lo long givim mani bilong ol provins insait long baset bilong ol.

Mista Wenge i tok dispela mani em bilong karimaut ol wok edministresen na stafing gren, taun sevis gren, ekonomik gren na developmen gren.

Mista Wenge i mekim tok amamas i go long Kot long kamap wantaim dispela disisen na tu amamas i go long loya bilong em Alfred Manase bilong Pato loya long pait strong long dispela kot.

Gavana Wenge i askim ol pipel bilong Morobe long wet isi long Desemba 3, 1999 tasim Kot i tokaut long wanem eksen gavman i mas mekim bihainim dispela disisen.

Nupela edpos i kamap long Seko kaunsil eria

OL pipel bilong Geraon na Tosin insait long Seko lokol gavman kaunsil eria long Kabwum distrik, Morobe provins i gat nupela edpos. Dispela edpos bai sevim ol pipel bilong Geraon, Komban, Wanam, Lama Gaseng na Tosin eria olgeta wantaim ol marasin na ol arapela helt sevis.

Dispela projek o edpos em wanpela kaikai bilong wok bilong rifom i kamap insait log Seko lokol gavman kaunsil eria long Kabwum distrik. Ol lida na pipel bilong Seko, ol wokman bilong Kabwum distrik opis na memba bilong Kabwum Ginson Saonu i bin kamap long witnessim opening bilong dispela edpos long Oktoba 29, 1999.

Memba bilong Kabwum Mista Saonu i tokim ol manmeri bilong Geraon na Tosin long save olsem rifom Lo ol i kamapim long nesanel palamen long kamapim kain komyuniti projek olsem i ken kamap long wanwan ples insait long kantri. Nau em kaikai bilong dispela rifom Lo yupela kisim namba wan projek olsem edpos. Planti samting long rifom i no orait tasol nau yet Konstitusenen Developmen Komisin (CDC) wanpela komiti bilong kamapim lo bai skelim na sretim ol lo i no wok na strongim ol lo i wok, Mista Saonu i tokim ol pipel.



• Ol pipel bilong Seko lokol gavman kaunsil eria long Kabwum distrik i amamas long nupela edpos klinik bilong ol i kamap long sevim ol sikmanmeri na pikinini bilong ol.

Mista Saonu i tokim ol kaunsil lida bilong Seko long rispektim wok bilong ol yet na bilong kaunsil presiden na nesanel memba na wok bung wantaim long bringim gutpela sevis olsem i go long ol pipel.


Em i tok klia long ol long i no ken resis long kisim biknem olsem kaunsil presiden o memba bilong palamen. Wanem wok o posisen yu holim pinis em yu mas mekim gut wok long dispela mak na pinisim gut wok bilong yu long sevim ol pipel

wantaim kain sevis olsem, memba i tok.

Em i tok long dispela rot bai ol pipel i gat bilip long yu. Nogut yupela i no wok gut na resis long kisim biknem na lus tupela taim, memba i tok.

Moa long 500 manmeri i kam olsem long Tosin, Konge na Indagen eria bilong Kabwum long lukim dispela nupela edpos we ol bikman i opim bilong givim sevis bilong haus sik long ol pipel.

Novemba 9 makim pundaun bilong Is na Wes Jemeni



• Novemba 9, 1999 i makim 10-pela yia bihain long pundaun bilong Berlin Wall long Jemeni. Dispela i mekim kamap Is na Wes Jemeni olsem wanpela kantri. Long dispela taim i kam inap nau, kainkain senis i wok long kamap. Sampela gutpela na sampela i no gutpela tumas. Tasol aninit long dispela, tupela kantri ya i stap longwe yet long kamap olsem wanpela kantri. Sindaun na laipstail bilong ol i narakain olgeta na planti lain long Is Jemeni bipo i no laikim ol senis i wok long kamap. Na tu taim tupela kantri i bin bung wantaim, Es Germany bipo i gat planti lain i nogat wok na mani olsem ol wantok bilong ol long Wes. Planti i bilip olsem ol pikinini bilong bihain taim bai strongim pasin bilong bung wantaim. - THE WEEKEND AUSTRALIAN

Ol famili tok gutbai long pasindia dai long balus

OL famili na wan pisin long Sande tok gutbai long ol lain husat i dai long Egypt Air Balus 900 taim em i bungim birua na pundaun i go insait long solwara long Massachusetts, Amerika las wik. 217 pipel insait long balus i bin dai.

Lotu i bin kamap arere long solwara long Newport, Rhode Ailan.

250 manmeri olgeta i kamp long dispela lotu we i lukim ol lida bilong tripela lotu grup, ol Ju, Kristen na Islam i kauntim prea na singsing na ridim ol tok long Baibel na Koran.

Ambasada bilong Ijip long Amerika i tokim ol lain i stap long sori olsem, sori ol i pilim long lusim ol famili bilong ol i sut i go insait tru long lewa bilong ol tasol ol i mas stap wantaim bel isi na amamas long gutpela taim ol i bin sindaun wantaim ol dispela lain ol i lusim nau.

Na long solwara, ol nevi i kisim moa helpim long kisim kamap a hap

hap bodi bilong balus wantaim ol mak long kompiuta long wanem ol samting i kamap bipo long balus i go daun na ol toktok bilong pilot na ol wokbanmeri bilong em.

Wanpela sip wantaim nupela remot kontrol masin man (robot) i go pinis long hap balus i pundaun long en.

Deputi Praim Minista bilong Kanada Herb Gray, Trenspot Seketeri bilong Amerika Rodney Slater na Federel Eviasean Edministreta Jane Garvey wantaim Gavana bilong Rhode Ailan Lincoln Almond wantaim ol arapela lida i stap long dispela memorial lotu.

Abdulla el-Mahrouky, susa bilong em Maha el-Mahrouky husat i bin ea hostes long dispela balus tok bihain long lotu olsem i hat long em i go nating na i no kisim bodi bilong susa bilong em. Em i laik save gut long wanem samting i bin kamapim dispela birua. - AAP

Sophia Loren: lapun wantaim stail

LONG ol lain husat i abrusim 50 Krismas, dispela nius bai mekim ol amamas.

Bilong wanem, Sophia Loren husat i gat 65 krismas, em wanpela stadi i makim em olsem em i smat moa na stap nambawan long lista long wol (10 most beautiful woman in the world).

Em i winim ol yangpela model na ol ekta meri na model olsem Gwyneth Paltrow, Catherine Zeta-Jones na Liz Hurley.

Moa long 3000 manmeri husat krismas bilong ol 20 i go inap 40 krismas long olgeta hap long Briten i bin kisim askim long makim husat ol i ting em smat moa yet long wol.

Long lista tu, ol pela meri olsem Joanna Lumley, 53, Raquel Welch, 58 na Dolly Parton, 63 i bin stap.

Long ol man, ekta Richard Gere i winim titel olsem "Sexiest Man Alive".

Rui bilong Vatican

Tupela taim long dispela yia, Vatican i bin tanim tingting bilong Katolik Bisop bilong Australia, dispela taim em long givim rum bilong givim sut (injecting rooms) long ol lain husat i save kisim drag ol i kolim heroin (heroin addicts).

OL Sisters of Charity ting olsem ol i mekim wok bilong God taim ol i kamapim wanpela rum bilong ol lain i save kisim drag o simuk nogut long helpim ol long stapim dispela pasin nogut. Dispela em olsem tes tasol St Vincent's Haus sik long Sidni i kamapim long dispela yia long helpim ol kain lain olsem long lusim dispela pasin.

Tasol Pop i tok nogat.

Bikpela askim bilong ol lain long Australia em bilong wanem Pop i kam namel long dispela toktok we em i samting bilong ol Australia yet na ol bos lain bilong ol sios i ken luksave na givim tokorait o nogat.

Ol strong het bilong sios nau i soim olsem ol i gat ol save lain long Rom na ol i abrusim ol bisop long asples yet na kotim ol pinis long Pop. Dispela pasin i soim olsem ol dispela lain i les long lukim ol kainkain senis long sios na larim sios mas stap yet long pasin bilong bipo.

Tasol i gat ol arapela husat i laikim senis long kamap long sut long helpim ol turangu husat i stap long hevi long kisim spak brus na ol marasin nogut na tu tokaut long tok politiks, fogivim ol rong bilong ol pipel na long strongim wok misin sut long lukautim ol sipsip bilong sios.

Wok bilong lukautim on sipsip em hap wok bilong ol Sisters of Charity. Planti wok em ol i save wokim long rot we ol i save lukautim ol lain husat i stap long hevi bilong kisim spak brus na laik lusim dispela pasin.

Na ol i lukim dispela wok long kamapim wanpela rum olsem tes bilong givim sut em i wanpela gutpela we long strongim dispela wok helpim bilong ol. Long kamapim wanpela rum, ol bai stapim ol dispela lain i save kisim spak brus long dai nabaut long rot, tasol ol hevi i stap em long saplai bilong drag na tingting bilong wanwan manmeri (moral dilemma); kain pasin em helpim ol lain kisim drag long stap yet long dispela pasin.

Dispela tes em long strongim wanpela stadi we i soim long ol arapela kantri olsem em i gutpela long helpim ol lain i save kisim drag long lusim dispela pasin. Long Australia dispela stadi i no pinis na long kampim dispela rum bilong sut bai soim gut we ol i ken tok orait long yusim dispela long olgeta lain i gat dispela hevi.

Ol Sista i go pas long dispela wok long sapot bilong sios, tasol ol strongpela het Katolik egensim ol tru. Ol wokim kainkain tok egensim Asbisop bilong Sidni, Kadinel Edward Clancy na ol raitim pas i go long Rom na tokaut long Vatican long dispela samting.

Mausman bilong Kadinel Clancy, Pater Brian Lucas tokaut olsem Clancy i no bin traim long stapim ol sista long wokim dispela tes na tu Clancy i no amamas olsem dispela toktok i go hariap tru long Rom na i no long em.

Ol sista i kisim tok long Vatican long stapim dispela wok, na ol i tok ol i no amamas long dispela.

Sr Annette Cunliffe tok em i no amamas long ol i stapim wok bilong ol sista bilong em.

Em i tok ating ol Vatican i no save gut olsem dispela em tes tasol na i no samting tru.

Ol sut rum tes bai stap yet tasol ol sista bai i no stap insait long dispela projek.

I luk olsem tok pait namel long ol lida bilong sios long rot sios bai kisim bihain taim bai i go yet.

- THE COURIER MAIL



Koiari lokol gavman helpim Sogeri skul

SOGERI Praimeri Skul insait long Sentrel provins las wik Trinde ol kism K7,000 long presiden bilong Koiari Lokol Level Gavman Kaunsil Mista Vovoi Selu. Em bin givim i go long skul hetmasta John Kaikere.

Taim long presentim dispela mani Mista Selu tokim ol sumatin long skul gut harim gut ol tisa long wanem lesen ol givim

bikos wanem samting ol givim bai i gat gutpela kaikai bilong em long bihain taim.

Tu em tokim ol sumatin long harim tok bilong papamama bilong ol. Em i tok, kaunsil bilong em luk-save olsem ol bai givim edukesen moa sapot.

Em bai wok wantaim ol wod kaunsila bilong em long traim na givim wanem helpim ol i inap givim i go

long Praimeri na Elementri skul. Em tok Sogeri Praimeri Skul em wanpela laki skul insait long Sentrel provins long kism dispela kain mani.

Mani em i no isi long kism nating long kain taim olsem, we nau kantri em bungim hevi long mani.

Sogeri kaunsila Mista Ogi David husat witesim dispela presentim i tokim skul long yusim gut mani

na rekodim gutpela rekot bilong em yusim ol mani.

Em i tok, em gat tras bai skul bai yusim gut mani.

Skul hetmasta Mista John Kaikere long makim skul bod na skul tok bikpela amamas long KLLGC long painim dispela mani.

Em tok sampela bilong dispela mani bai ol i yusim long baim skul laibri buks bilong skul.

Tia ges bagarapim moa long 500 pipel

MATHIAS MALE i raitim

WANPELA bikpela pasin krangi we planti ol manmeri i no bin laikim i bin kamap long Mosbi siti long Trinde long Godens maket.

Pasin ya i bin kamap namel long ol plis na long ol lain we ol i ronim dispela haia kas bisnis long namel bilong Godens maket.

Long dispela apinun ol plis i tromoi tia ges long traim long rausim ol dispela kas lain na tromoi tia ges i go na smok bilong ges i karamapim maket olgeta na planti ol pipel i kism bikpela taim stret.

Ol pipel i traim long ron i go long we wara save stap long en tasol em i longwe tru na planti ol i kism bikpela taim na bagarap tru.

Wanpela meri, Misis Rachael Tamuke i komplon olsem ol plis ol i rong long tromoi tia ges long kain pablik ples, bikos planti em ol lain i kam long maket long baim kaikai na tu em ples pablik we ol plis i no tingim dispela pasin we ol i wokim long kain bikpela maket olsem.

Misis Tamuke i tok ol plis i laik stopim ol dispela kain pasin ol i mas arestim ol o kalabusim o sanapim sekyuriti long lukluk na was long dispela kain pilai kas o pasi.

"Kain pasin we ol plis i wokim em i gutpela long rausim ol dispela pilai kas lain, tasol ol i no tingim ol trangu lain manmeri, pikinini na ol pablik we dispela tia ges i bagarapim ol nogut tru," Misis Tamuke i tok. Em i tok tu olsem planti ol liklik pikinini i kism bikpela taim na sot win.

Narapela man tu em Mista John Yapu na meri bilong em Misis Mata i tok long dispela taim ol plis i tromoi tia ges taim planti ol maket lain i lusim kaikai bilong ol wantaim mani na ol i painim ples bilong kism wara na planti samting i lus.

Mista Yapu i tok em i lusim ol kakaruk na lemb flep we em i salim long em na em wantaim meri bilong em i go painim wara na ol planti kakaruk na lemb flep i lus nabaut.

"Bihainim dispela hevi, em i tok ol plis i mekim gutpela wok long stopim dispela kain haia-kas bisnis tasol ol i mas tingim gut pastaim long ol pablik na tromoi ges nogut olsem," Mista Yapu i tok.

Planti manmeri kism taim long ges nogut na maket i aut long 5 kilok na ol i go nabaut.

Koiari pipel helpim ol yet

KENNEDY EDENE i raitim

KOMYUNITI Selp Help Progrem insait long ol sampela hap bilong Koiari Lokol Level Gavman Kaunsil (KLLGC) i wok long ron gut.

Nupela wod insait long, Sogeri Eben Kaunsil kaunsila Mista Ogi David em statim wok pinis long ol projek bilong em pinis.

Tupela bikpela progrem em nau em stap long lis bilong em long nau i go inap long yia i pinis.

Namba wan projek em long konstraktim Madunumu na Sogeri Nesenel hai skul fut bris na namba tu em long bildim nupela maket klostu long Sogeri stua.

Bris em ol wokim pinis, longpela bilong em, em 15 mita we ol pinisim long las wik.

Dispela bris em ol pipel yet ol tingim ol yet na ol bildim long diwai bilong bus na yusim rop bilong bus long taitim na tu

ol man yet pulim long bus i kam long hap ol i wokim bris.

Em kism tupela de long wokim dispela bris. Long pinisim dispela bris, kaunsila bilong ol Mista Ogi David tok amamas long ol komyuniti bilong ol long gutpela wok bilong ol.

Em i tok, kantri em gat bikpela wari long mani, yumi mas soim na wokim wok yumi yet, na tu em tokim ol pipel long noken i gat tingting long pe bilong wok.

Em i tok, dispela wok yumi wokim em wok bilong yumi ol komyuniti yet bikos em bai helpim yumi long yusim taim bilong wara tait na mekim isi long wokabout bilong yumi long kism sot kat.

Bris bai ol i yusim long karim maket kago bilong ol na mekim sot kat i go long Sogeri Nesenel Hai Skul na mein rot.

Long namba tu projek long bildim maket em tok, ol meteriels olsem kapa na timba em redi pinis, bai ol i stat tupela wik bihain.

ELA MOTORS HANKOOK TYRES

Planti stail long ol kualiti Hankook tyres long fitim ol kain kain kar na trak

Kisim ol long Ela Motors Pats dipatman na ol Tyre senta long olgeta hap.

HANKOOK
TYRES

KOLIM MIPELA NAU!



Ela Motors
LONG OLGETA HAP

HEAD OFFICE PH 3229614 PORT MORESBY 3229414 LAE 4722322 KOKOPO 9829100 RABAUL 9821988 MADANG 8522188 GOROKA 7321844
MT HAGEN 5421888 WEWAK 8562255 KAVIENG 9842132 KIMBE 9835155 TABUBIL 5489050 VANIMO 8571254
PORGERA 5479367 KUTUBU 5496685 BUKA 9739017 LIHIR 9864099 ALOTAU 6410100

Pasin bilong lukautim gut bodi

Skelim gut wanem ol samting bodi i mas gat

Ol yangpela pikinini bai laikim planti gutpela samting long kamap bikpela. Traim mekim ol samting inap long ol i helpim yu. Ekseksais na pilai inap long skel bilong bodi. Traim long kisim malolo pastaim na yu ekseksais.

Bihainim ol dispela samting long helpim yu.

- Kisim planti kaikai olsem rais, kon na bret, mit, pis, ol prut na kumu olgeta de' long strongim yu taim yu pilai na ekseksais. Yu mas kaikai gut tripela taim long wanwan de. Malolo gut taim yu pilai na ekseksais pinis.

- Yu mas slip gut long kisim inap stong long neks de. Bodi bilong yu bai stap gutpela na yu inap mekim planti samting olsem pilai na ekseksais.

Ekseksais na pilai gut long helpim bodi bilong yu.

Wasim bodi bilong yu gut long olgeta de.

Bodi bilong yu i mas stap klin long olgeta de. Taim bodi i no stap klin, sampela kain makmak i save kamap long skin. Ol pren bilong yu bai amamas long toktok wantaim yu sapos bodi bilong yu i stap klin. Na tu, ol binatang bilong givim sik i no inap stap klostu long yu.

Long lukautim gut gras long het bilong yu, yu mas traime logn yusim sampela spesel sumpu o sop long wasim gut gras sapos laus i stap pinis long het bilong yu. Yu ken yusim kokonas wel miks wantaim pauda long rausim laus. Yu wasim gras pinis, wasim gut wantaim planti wara. Yusim kom bilong yu yet long komim gras bilong yu.

Long mekim bodi na skin bilong yu i stap klin smat na sain olgeta, yu mas wasim olgeta hap bodi bilong yu wantaim sop na wara. Wasim pes na klinim gut tu. Noken sikirapim pimpel nogut ol makmak bai kamap long pes bihain Yu waswas pinis, yusim tawel bilong yu

yet long klinim bodi bilong yu.

Long mekim finga nil bilong yu i stap klin, yu mas brosim finga bilong yu long sopwara na rinsim gut. Katim finga nil bilong yu i go sot tru. Ol binatang nogut bai inap hait insait long finga nil bilong yu na givim yu sik.

Traim na helpim yu yet long mekim ol gutpela samting long yu stap longpela taim. Lukautim gut bodi bilong yu na amamas laip.

Ol yangpela i mas noken tingting long marit hariap.

Pasin bilong marit i bikpela samting tru na i save kamap namel long man na meri. Tupela mas luksave long tupela yet. Tru tumas pasin bilong marit i bikpela samting tasol i gat ol asua bilong em na ol man na meri i mas skelim gut pastaim.

Tingting gut sapos yu laik slip wantaim narapela. Sapos yu meri, yu bai kisim bel klostu. Taim yangpela meri i kisim bel, dispela i no save helpim em long wanpela samting. Bodi bilong ol i no redi long karim pikinini. Ol yangpela man i no redi tumas long lukautim na sapotim wanpela famili bilong ol yet. Ol yangpela man na meri i mas noken tingting long marit hariap. Tingting na save i stap long yu yet.

- Toktok wantaim papa na mama long givim gutpela toktok long yu.

- Tingting gut taim yu laik slip wantaim narapela. Noken mekim pren nating wantaim wanpela man o meri na tu, hariap tru long slip wanaim em. Ol gutpela pren bai no nap mekim dispela kain pasin long yu.

- Yu bai inap long kisim ol sik nogut olsem sik AIDS, gonoria, sipilis na arapela moa sapos yu no yusim kondom na slip wantaim meri. Meri tu bai kisim ol dispela sik na em tu bai kisim bel taim yu slip nating na i no yusim kondom.

Tingting gut olsem i gat bikpela taim i stap yet long yu marit na statim wanpela famili bilong yu.

Gutpela rot bilong famili plening

Bihainim ol rot bilong spesim pikinini.

Planti man na meri ol yet i save long hamas pikinini ol i laikim long en. Wanpela bikpela as bilong dispela kain tingting i olsem ol papamam ai laikim tumas olsem ol pikinini i mas kaikai na groa gut. Planti man na meri i wok long yusim famili plening long spesim pikinini. Ol meri tu i yusim long stapim ol kisim bel klostu klostu.

Sapos wanpela famili i gat planti pikinini, planti hevi bai kamap. Em bai hat tru long lukautim ol pikinini na ol bai i no inap kisim ol kaikai gut. Planti pikinini em mama i save karim klostu klostu i no save groa gut na papamama i no save lukautim ol gut.

Taim mama i karim pikinini klostu klostu, dispela bai i no inap hepim bodi bilong em na em bai i no inap lukautim gut ol arapela pikinini. Ol famili i mas traime na helpim mama taim em i no laik karim pikinini moa. Kisim mama i go long wanpela famili plening klin na kisim toktok long ol helt woka.

Klia gut long ol dispela samting taim yu laik spesim pikinini.

Ol pasin bilong painim gutpela sindaun

Bihainim gut ol lo bilong rot.

Sapos yu wanpela draiva o yu man nating wokabaut tasol long rot, yu mas bihainim gut ol lo bilong rot. Ol bikpela birua long rot i save kamap taim draiva i no draivim gut ka, na ka yet i gat ol hevi long ol hap bilong en. Yu bai bungim birua long rot tu, taim ol liklik pikinini i no lukim ka i ron i kam na ol i katim rot. Yu mas lukluk gut long rot na draiv o taim yu wokabaut long rot.

Sapos yu draiva bilong ka, yu mas sekim gut ka bilong yu olgeta taim. Nogut wanpela samting long ka i no stap stret na i go bagarap pinis. Yu mas lukluk gut long ol notis na sain i stap long rot.

Ol liklik pikinini tu i save wokabaut nabaut i stap long rot, em yu mas lukaut gut. Yu mas noken spitim ka tumas. Draivim ka long mak bilong gutpela spit tasol. I no gutpela long yu dringim bia na draivim ka.

- I nogat wanpela rot bilong spesim pikinini i save orait long planti manmeri long binainim. Wanem rot yu ting i gutpela yu mas bihainim. Toktok gut wantaim man o meri bilong yu taim yu laik bihainim wanpela rot bilong spesim pikinini.

- Skelim gut wanem rot bilong spesim pikinini i wok gut long yu. Yu ken yusim kain marasin olsem pil, IUD, na diaram bilong spesim pikinini. Yu ken yusim kondom na ol narapela kain wei olsem ritem na mukas na widrowel. Sapos yu no laikim long karim pikinini moa, yu ken lukim dokta bai ol i pasim bel bilong yu.

- Skelim gut wanem rot bilong spesim pikinini i moa gutpela long yu. Toktok wantaim ol helt woka na dokta long dispela.

- Bikpela toktok nau long famili plening em spesim pikinini. Yumi ken tok olsem, yu yet skelim na mipela bai helpim yu.

Lukautim yu yet gut taim yu kisim bel pinis.

Taim yu wet stap long karim pikinini, i gutpela sapos yu bihainim gut sampela pasin we ol ba inap long helpim yu. Yu mekim

olsem bai yu helpim yu yet na liklik bebi long bel.

Kisim gutpela kaikai taim yu i gat bel na stap. Kisim planti slip. Toktok gut wantaim man bilong yu long helpim yu. Yu mas kisim gutpela toktok long ol narapela meri tu.

Yu mas go na lukim wanpela dokta na helt woka kwik sapos yu ting olsem yu kisim bel pinis. Sapos ol i tokim yu olsem i tru, yu mas bihainim ol dispela samting.

- Taim ol lain long haus sik tokim yu pinis olsem yu i gat bel, tokim man bilong yu hariap. Man bilong yu i mas helpim na sapotim yu long olgeta samting.

- Kisim olgeta tambu sut long haus sik taim yu i gat bel.

- Go na lukim wanpela helt woka sapos yu kisim blut, hevi (weit) bilong yu i wok long go bikpela na bel i pen. Noken kisim marasin long laik bilong yu yet.

- Kisim ol gutpela kaikai long helpim yu long olgeta de. Dringim planti wara na suga ken, susu na kulau bilong kokonas. Noken dringim bia, kopi na ti na noken smokim smok brus.

- Noken kisim X-Ray long taim yu kisim bel i go inap faivpela mun i go pinis.

- Noken go klostu i ong ol manmeri husat i gat ik nogut olsem misel na taipoid. Yu mas kisim tambu sut bai yu na bebi bai i no inap kisim sik bihain.

- Taim wanpela mun i stap yet-long yu karim pikinini, yu malolo na slip gut. Mekm sampela liklik ekseksais olsem wokabaut long gaden. wasim bodi gut wantaim sop na klinpela wara.

- Givim susu tasol long bebi.
- Spesim pikinini tupela krismas bihain long yu karim narapela gen.

Givim pikinini bilong yu gutpela taim - stat long stap gut.

trukai
RICE
That's right





2000

NATIONAL CENSUS

Kaunim mi tu!

Senses 2000 - Kaunim mi tu

... karamapim olgeta Papua Niugini

TAIM bilong kaunim ol pipel long olgeta kona bilong kantri i gat bikpela namba, wankain tasol olsem taim bilong holim nesanel ileksen.

Nesanel populesen senses (kaunim pipel) i save kamap bihain long olgeta 10-pela yia. Olsem na long Julai 5, 2000, Papua Niugini bai holim namba 5 nesanel populesen (na hausing) senses bilong en.

Wanpela lo em Nesanel Eksekutiv Kaunsi i bin autim long Epril 14, 1999 i oraitim tingting bilong holim nesanel populesen na hausing senses long Yia 2000. Na NEC i tokaut tu olsem dispela taim bilong kaunim ol pipel em i wanpela bikpela samting long kalenda bilong kantri.

NEC i salim toksave tu i go long olgeta opis bilong ol minista wantaim ol dipatmen long helpim Nesanel Stetistikel Opis long mekim dispela wok.

Wok bilong kaunim ol pipel i no isi. Insait tasol long taim em ol i makim, opis bilong NSO i mas pinisim dispela wok bilong kaunim ol pipel. Dispela i min ol opisa i mas kisim olgeta toktok long krismas bilong wan wan man, meri na pikinini, sapos ol i marit o nogat, mak bilong skul em ol i winim na kain wok em ol i mekim.

Long taim ol opisa i wokabout raun, ol bai traim painimaut long:

- HAMAS pipel i stap insait long wanpela hap;
- NAMBA bilong ol man na meri bihainim krismas bilong ol; na
- NAMBA bilong ol pipel na wanem kain wok ol i mekim na grup ol i stap long en.

Ol dispela toktok, namba na samting i kamap long taim bilong nesanel populesen na hausing senses bai helpim gavman long luksave na tilim ol wok, projek na mani samting bilong helpim ol pipel.

Aninit long ol nupela provinsal na lokal level gavman rifom, i gat bikpela nid nau olsem oltaim ol dispela kain toktok, namba na toksave i mas kamap. Nesanel populesen na hausing senses tasol em i wanpela rot bilong bungim ol dispela samting.

Em i bikpela samting tru olsem wok bilong kaunim ol pipel na kisim toktok bilong ol long Yia 2000 i mas kamap stret. Ol opisa

bilong mekim dispela wok i mas kaunim na kisim toktok bilong wanpela man, meri o pikinini wanpela taim tasol. Na olgeta dispela samting i mas kamap bihainim ol lo nau i stap pinis.

Wok bilong kaunim pipel long PNG i sotpela tru. Namba wan nesanel populesen senses i bin kamap long 1966, orait bihain long 1971, 1980 na long 1990. Olgeta dispela senses i bin yusim ol lo na stail bilong ol yet. Olsem na planti samting i stap paul yet na long planti taim kain kain krangki toktok i save kamap.

Yia 2000 senses bai brukim liklik na bihainim stail bilong ol wok bilong kaunim pipel em i bin kamap long 1990. Ol pipel bai pulimapim wanpela fom tasol, na bai i nogat planti askim. Bikos gavman i laikim olsem Yia 2000 senses i mas luk isi tru bilong ol pipel long bihainim na givim ol toktok. Na dispela bai bihainim olkain stail, toktok na lo em i bin kamap long wanpela senses kibung we i bin kamap long 1988.

Populesen senses i save karamapim bikpela hap na kosim bikpela mani insait long sotpela taim tasol. Long wol, Papua Niugini i gat nem olsem wanpela hatpela hap stret bilong mekim kain wok bilong bungim ol namba na ol toktok na mak bilong ol pipel na ples em i gat long en. Long wanem, maski wanem hap yu go, i gat bikpela maunten, bikbus na tais i stap long banisim wokabout bilong ka, sip na man. Olsem na kos bilong traim brukim ol dispela maunten, tais na bikbus tasol inap pinisim hamas mani i stap insait long hanpaus bilong holim senses.

Aninit long Stetistikel Sevises Ekt (1980), NSO tasol bai lukautim olgeta wok bilong holim 2000 nesanel populesen na hausing senses long mun Julai. Insait long populesen na sosol stetistiks divisen i gat wanpela grup i kamap pinis bilong lukautim na go pas long ol wok long kaunim ol pipel long dispela yia. Long mun Mas (1998) gavman i bin makim wanpela senses dairekta bilong lukautim olgeta wok insait long grup. I gat tu wanpela senses menesmen edvaisa husat i save wok klostu wantaim dairekta. Na ol i bin makim em long mun Februari bilong dispela yia.

Ol i makim tu pinis ol narapela



• Mipela i mas helpim olgeta man.

man bilong lukautim ol wan wan wok insait long opis bilong NSO. Ol dispela lain bai lukautim ol wok plening, kodinesen, pablisiti, fil operesen na data prosesing.

Olgeta wok bilong kaunim ol pipel insait long provins bai kam aninit long lukaut bilong ol provinsal opisa (provinsal senses kodineta - PCC) husat em gavman i bin makim long mun Epril 1998. Na ol dispela lain PCC bai wok aninit long NSO long taim bilong kaunim ol pipel. Long olgeta provins ol PCC bai kisim helpim i kam long Provinsal Senses Stiaring Komiti husat bai mekim wok wankain olsem Nesanel Senses Stiaring Komiti.

I gat kain kain komiti nau i wok long kamap bilong mekim ol wok i go inap long taim bilong kaunim ol pipel i pinis. Ol dispela komiti em:

* NESENEL SENSES STIARING KOMITI (NCSC)

Dispela em biknem komiti na ol memba bilong em i kam namel long ol bos bilong ol gavman dipatmen. Bikpela wok bilong dispela komiti em bilong lukim olsem NSO i mas kisim olgeta helpim em i nidim long em bilong mekim ol wok bilong senses 2000.

* YUSA EDVAISORI KOMITI (UAC)

Dispela komiti bai helpim NSO long raitim, stretim na kamapim askim-pepa bilong yusim long taim bilong kaunim ol pipel. Ol memba bilong komiti bai kam long ol gavman ejensi, ol skul na rises institusen.

* OL ARAPELA SAB-KOMITI

Kain kain sab-komiti tu bai kamap bilong mekim ol wok

Olgeta mas helpim

2000 Senses em wanpela wok we i nidim stret sapat long olgeta man meri long mekim ol samting i kamap gut.

Ol lain husat bai halivim long wok senses em ol kain gavman dipatmen olsem edukesen, helt, provinsel Afes na ol provinsel na distrikt administreta na ol lokal level gavman.

Toksava na skul long senses em wanpela namba wan samting stret ol gavman i wok long yusim long lainim ol man long senses.

Wan wan provins i mas makim ol man husat bai lukautim o go pas long senses wok long provins o hap bilong ol.

NSO i gat namba wan wok long go pas ol kautim ol man long ol provins. Wok bilong ol em long bosim ol narapela kodinaita na long was gut long wok bilong ol long taim bilong senses.

Wan wan provins i mas mekim 2000 baset bifo ol i mekim ol ol wok bilong ol. Ol provinsel gavman bilong wan wan provins i mas givim ol lain bilong senses lik lik opis spes bilong ol we bai ol i ken yusim long taim senses i kamap long Julai neks yia.

Olgeta provins i mas halivim long taim bilong senses.

bilong pablisiti, stretim mep, ol arapela wok helpim na sekyuriti. Ol dispela komiti bai kamap long kain kain taim.

* SENSES PLENING NA MONITORING KOMITI

Ol memba bilong dispela komiti em Nesanel Stetistisen, Senses Dairekta, Senses Menesmen Edvaisa na ol arapela bikman na bikmeri insait long NSO.


Plantil wok bilong redi long Senses 2000 i stap bihain tru inap long samting olsem 12-pela mun. Hap asua bilong dispela em bikos tok orait bilong NEC bilong redi long Senses 2000 i no bin kamap inap long Epril 14, 1999. Dispela i min tu olsem sampela ol wok samting i no bin kamap las yia i mas kamap long dispela yia.

Sampela ol provins i bin go het pinis long kirapim ol wok bilong redi long Yia 2000 nesanel populesen na hausing senses. Wanpela bilong olkain lain olsem em Nesanel Kapitel Distrik

Komisen. Plantil arapela provins i ting olsem dispela em i wok long Nesanel Gavman na i no laik givim tumas helpim. Olsem na wok kamap bilong redi long Senses 2000 long olgeta provins i no go het wankain long ol arapela.

Sapos 2000 nesanel populesen na hausing senses bai kamap gut, i gat bikpela wok i stap nau bilong lukim olsem ol wok kamap bilong redi long Julai 2000 i mas kamap wankain na stret long taim. Ol memba bilong NCSC i mas luksave long taim olsem bikpela samting bilong helpim wok bilong kaunim ol pipel i ran gut.

Taim tu i sot pinis, long wanem i gat samting olsem 9-pela mun tasol i stap pastaim long ol wok bilong kaunim ol pipel bai stat. Olsem na NSO bai nidim olgeta helpim em inap kisim long ol memba oganaisesen bilong mekim ol wok i kamap na ron gut i go inap long mun Julai, 2000.



Kaunim mi tu!

April 14 lo oraitim wok bilong kaunim ol pipel

LONG April 14, 1999 Nesenel Eksekutiv Kaunsil i bin oraitim lo bilong kaunim olgeta pipel na ol hauslain long yia 2000. Na kaunsil i tokaut tu olsem dispela wok bai kamap long olgeta kona bilong Papua Niugini.

Long wankain taim tu, NEC i bin toksave long olgeta gavman dipatmen na opis bilong ol ministar long givim olgeta helpim em Nesenel Statistikal Opis (NSO) i laikim long em.

Wanem samting em dispela Senses?

Populesen Senses em taim bilong kaunim olgeta pipel insait long kantri. Senses bai karamapim olgeta man, meri na pikinini. Long wankain taim tu, ol wokman na wokmeri bai kisim tu ol arapela toktok long hamas hauslain i stap, wanem kain ol wok bisnis i save kamap long wampela hap na ol arapela wankain toktok olsem.

Wok bilong 2000 Senses

Long taim bilong kaunim ol pipel, ol wokman na wokmeri bai go insait long olgeta ples na stesin na taun na siti long kantri. Taim ol i kaunim olgeta pipel pinis, dispela bai givim sampela kain klia tingting long gavman taim em i laik tilim ol wok kamap na projek. Olgeta toktok na arapela samting em NSO i bungim wantaim long dispela taim bai stap long olgeta provinsal, distrik na lokal level gavman opis.

Long Papua Niugini wok bilong nesenel senses i gat bikpela astingting tru. Em tasol i rot bilong tokaut klia long hamas man, meri na pikinini i stap long wampela hap na wanem kain wok kamap ol i nidim.

Wanem nid bilong holim senses long Yia 2000

Senses 2000 bai kamap bikos olgeta namba na arapela toktok bilong ol senses long bipo i olupela pinis. Olsem na ol saveman bilong gavman wantaim ol arapela lain i no inap yusim ol dispela olupela namba na toktok save bilong makim ol projek na wok kamap insait long kantri. I gat bikpela nid long ol nupela toktok, namba na arapela samting we i karamapim sindaun na laip bilong ol pipel bilong yumi long olgeta hap bilong Papua Niugini.

Bikpela Senses Opis bai stap long NSO long Waigani. Wok bilong NSO em long holim ol senses (kaunim man, meri na pikinini). Tasol wok bilong NSO nau i no karamapim ol lain daun-

bilong nesenel mak. Tru i gat wok i save go long ol provins, tasol planti taim nogat man (o meri) i save toktok wantaim Nesenel Statistisen olsem na nogat man i save husat i save mekim wanem kain wok stret.

Wankain hevi tu i save kamap long taim bilong bringim ol samting bilong wok i go long ples bilong kaunim ol pipel na hauslain. Dispela em olkain samting olsem ol wokman (wokmeri) na ol fom o pepa bilong ol pipel long pulimapim.

Ol toktok bilong Nupela Milenium

Namba bilong ol pipel na hamas hauslain i stap na kain wok ol i mekim em NSO i bungim bai helpim wok bilong redi long Yia 2000 na ol yia i kam bihain. Planti gavman dipatmen na ol arapela grup i nogat stretpela toktok na namba i stap bilong helpim ol long mekim wok. Na dispela samting i kamap strong moa taim nupela Mama Lo i brukim wok gavman i go long provins, distrik na lokal level gavman.


Provinsal Plening na Data Sistem

Mama Lo i tok tu olsem wan wan provins long kantri i mas gat opis bilong lukautim olkain wok bilong kisim na stretim ol namba bilong ol pipel, ol hauslain na olkain wok ol pipel i mekim long em. Bikpela astingting bilong Senses 2000 em long luksave long hamas pipel nau i stap long Papua Niugini na, long wankain taim, Senses 2000 tu bai helpim wan wan provins long yusim ol dispela namba na luksave long rot em senis i wok long kamap insait na namel long ol pipel.


Ol helpim

Taim wok bilong kaunim ol pipel na hauslain long Yia 2000 i kamap gut, em bai givim kik long ol arapela wok kamap insait long kantri. Dispela tu bai bihainim stret astingting bilong gavman long kirapim, stretim na kamapim gutpela sindaun namel long ol pipel. Senses 2000 bai:

- * HELPIM wok bilong plenim na kamapim ol sevis na arapela wok projek;
- * MEKIM isi long wok bilong tilim mani na olkain samting olsem i go long ol provins na lokal level gavman;
- * HELPIM long taim PNG i holim gen nesenel ileksen bilong en, long Yia 2002;
- * AUTIM klia hamas manmeri



• Bos bilong Rises na Plen Divisenel Kit Ronga (raithan) na Madang Provinsel Edministreta Clant Alok long lonsing bilong 2000 Senses long Pot Mosbi.



• Wampela senses wokman toktok wantaim wampela famili long Nu Ailan provins.

na pikinini i stap long wampela hap na long taim i gat hevi bilong graun i bruk, guria o maunten i paia na bikpela solwara, gavman bai isi tru long lukluk long ol dispela namba na givim helpim;

- * LUKSAVE klia long wanem kain helpim tru em ol wok kamap projek i wok long mekim insait long Papua Niugini; na
- * HELPIM gavman long luksave long wanem kain wok bisnis em inap kamap long wan wan hap bilong helpim ol pipel.

Kirapim 2000 Senses Nesenel Stia Komiti
Nesenel Eksekutiv Kaunsil i

bin pasim toktok na kirapim 2000 Senses Nesenel Stia Komiti long April 14, 1999.

Na man husat bai sindaun olsem siaman bilong dispela komiti em Seketeri long Dipatmen bilong Treseri na Plening. Na em bai go pas long raitim lo (tem ov referens) bilong komiti.

Ol memba bilong dispela komiti bai kam long ol sampela dipatmen na ejensi: Dipatmen bilong Prais Ministar; Dipatmen bilong Treseri na Plening (OP&I na NSO); Dipatmen bilong Pesenel Menesmen; Dipatmen bilong Provinsal Afeas; Dipatmen bilong Atoni Jenerel; Dipatmen bilong

Edukesen; Dipatmen bilong Emploimen na Yut; Dipatmen bilong Helt; Dipatmen bilong Egrikalsa na Laipstok; Dipatmen bilong Lens; Plis Fos; Dipatmen bilong Difens; CIS; Elektorel Komisen; ol provinsal edministresen; Nesenel Meping Biru; Pos na Telekomyunikesen; Nesenel Fores Atorit; Nesenel Brodkasting Komisen; Opis bilong Trensport; Air Niugini; Employas Federesen bilong PNG; ol mausman bilong Employas Federesen; ol tred yunien; Univesiti bilong PNG; Kristen Midia Network; ol sios na NGO; EMTV; Nesenel niuspepa; Pos-Kuria; Indipenden na Wantok niuspepa.



Kaunim mi tu!

Populesen senses em wanem samting?

POPULESEN senses em i wok bilong kaunim olgeta pipel, man, meri na pikinini i stap insait long wanpela kantri. Wanwan kantri i gat taim bilong em we lo i makim pinis long mekim dispela wok. Wok bilong populesen senses em i bikpela wok tru na kainkain wok i stap. I gat wok bilong kamapim senses ogenaísesen, senses baset, senses plen na tok orait i mas kam long Nesenel Eksekutiv Kaunsel (National Executive Council, NEC) long mekim dispela wok.

Senses ogenaísesen

Nesenel Stetistikel Opis (National Statistical NSO) i gat pawa aninit long Stetistikel Sevases Ekt (Statistical Services Act) long karim aut senses bilong kantri sapos taim bilong senses i kamap. Aninit long dispela Ekt tu, NSO i olsem bodi i stap namel na olgeta wok i laik kamap i mas kamap raunim dispela bodi.

Senses operesen em i wanpela bikpela wok tru olsem na i mas gat wanpela narapela bodi yet olsem senses ogenaísesen i stap insait long NSO. Planti lain husat bai wok insait long senses ogenaísesen i stap wok pinis long divisen bilong populesen na sosel stetistiks.

Aninit long lukaut bilong nesenel stetistisien, bai i gat apoinmen bilong wanpela senses dairekta husat bai stap olsem man i go pas long olgeta wok bilong senses.

Wok bilong senses dairekta wok em long lukluk long olgeta wok bilong senses. Olsem ol narapela senses i go pinis, man husat i het long populesen na stetistikel divisen bai kisim wok olsem senses dairekta.

Apoimen bilong senses dairekta i bin kamap long mun Mas 1998 yet. Long Februari 1999 i bin gat apoinmen bilong menesmen advaisa, husat bai wok wantaim senses dairekta.

Insait long tenpela yias i go pinis NSO i mekim gutpela wok long sait bilong developim humen risos program bilong em, moa yet long sait bilong sevei disain na pasin bilong kaunim ol pipel. Olsem na NSO i gat planti lain i gat save long mekim dispela wok bilong senses o kaunim olgeta pipel insait long kantri. Long dispela tasol na i gat risen long bilip olsem wantaim ol dispela gutpela nesenel opisa 2000 senses bai kamap gut na gutpela wok bilong 1990 senses i stap yet long NSO na tu long ol provins.

Ligel otoriti i karamapim wok bilong senses

Wok bilong kaunim olgeta pipel i mas kam aninit long lo. Dispela lo bai karamapim wok bilong senses i mas luksave long ol wok bilong ogenaísesen. 2000 Senses bai kamap aninit long ligel otoriti bilong 1980 Stetistikel Sevases Ekt. Dispela Ekt i givim pawa long nesenel stetistisien long mekim wok senses.

Senses baset

Wok bilong plenim na karimaut dispela wok senses i no isi. Olgeta wok i mas kamap insait long taim ol i makim na aninit long baset. Sapos i gat sampela senis long wok bilong senses, baset tu bai i gat senis. Sapos mani i no stap long mekim ol sampela wok bilong senses em bai stopim olgeta wok, dispela bai

Wok bilong ol Senses kodineta na komiti

Long stat yet yumi mas luksave olsem dispela senses em bilong olgeta man long kantri na Nesenel Stetistikel Opis (NSO) bai mekim dispela wok.

Ol namba na ol tok tok ol bai kisim long ol man meri long PNG na ol bai putim wanpela ripot. Dispela ripot bai helpim olgeta man meri, maski yu stap long gavman o long praivet sekta.

NSO em i nidim helpim bilong olgeta man long i mekim sensas.

Ol i kamapim ol komiti long helpim ol NSO. Wan wan komiti i gat wok bilong ol.

Nesenel Senses Stiaring Komiti

Dispela komiti em i wanpela bikpela komiti. Ol man i stap long dispela grup em ol bikman bilong gavman, ol stetutori bodi na ol non gavman grup.

Siaman bilong grup ya em bos bilong dipatmen bilong plening.

Wok bilong dispela komiti em long mek so olsem NSO i kisim gutpela sapot long ol i mekim dispela wok senses.

Ol lain husat i stap long dispela komiti em Nesenel Stetisen, Senses Dairekta and ol sampela bikman bilong Populesen na Sosel Stetisen divisen.

Namba wan wok bilong em long kamapim ol senses plen na luk luk gut long senses wok.

Opis bilong ol i stap long Mosbi na i bin kamap long 1998.

Yusas advaisori komiti

Wok bilong dispela komiti em long helpim NSO long luk luk long ol kain kain senses askim long putim long askim long ol.

Dispela komiti bai luk luk long ol kain kain tok tok ol i ken kisim long ol askim ol bai givim ol man long taim bilong senses.

Ol lain husat i stap long komiti:

- NSO;
- Opis bilong Plening;

bagarapim ol narapela wok bilong senses. Mak bilong baset bilong karimaut 2000 senses i stap long K27 milien. Populesen senses i nesenel projek olsem na bikpela hap bilong baset em gavman yet i mas painim long karimaut ol wok bilong dispela 2000 senses.

Ol dona lain tu i redi stap long givim sapot na helpim long sait bilong mani. Ol bai lukluk long wanem kain projek i stap na ol yet bai givim helpim wantaim mani.

Long 2000 senses NSO i putim wanpela askim i go long gavman bilong Australia (Aus AID) long helpim wantaim baset.

Senses det

2000 senses bai kamap long mun Julai na taim i wok long pinis nau na planti wok redi i stap yet.

Sensas kalenda

Olgeta liklik hap wok bilong senses, wanem taim ol bai kamap na husat bai go het long ol i stap long wanpela kalenda. Insait long dispela senses kalenda ogenaísesen i makim pinis taim bilong karimaut ol wok bilong senses. Wanpela masta

- Nesenel Risets Institut;
- Dipatmen bilong Helt;
- Yunivesiti bilong PNG;
- Dipatmen bilong Edukesen;
- Nesenel Hausing Komisen;
- Opis bilong Yuth na Hom Afeas;
- Dipatmen bilong Egrikalsa na laivstok;
- Ol Sios na ol NGO;
- Povinsel Afeas; na
- Provinsel Edministresen.

Sab komiti

Ol liklik komiti o sab komiti i gat ol wok tu long mekim long taim bilong senses na tu long helpim Nesenel Stiaring Komiti.

Long taim bilong 1990 senses ol i bin kamapim tripela komiti ol i kolim;

- Pablisiti sab komiti
- Meping sab komiti
- Logistiks na sekuriti sab komiti.

Pablisiti sab komiti

Dispela komiti em bai lukautim sait bilong toksave long ol man meri insait long kantri long ol wok bilong senses. Planti long ol man husat i stap long dispela komiti em ol lain husat i stap long midia o ol nius man.

Ol husat i stap long dispela komiti em:

- NSO;
- Dipatmen bilong edukesen;
- Nesenel Brodkasting Komisen;
- Post na Telikomunikesen;
- Kristen Midia Network;
- Post Courier;
- National (Pacific Star);
- The Independent na Wantok (Word Publishing);
- EM TV;
- Provinsel Afes; na
- Provinsel edministresin.

Meping sab komiti

Dispela komiti bai redim ol mep

long soim ol boda o mak bilong ol wan wan ples. Ol lain husat i stap long dispela komiti em:

- NSO;
- Nesenel Meping Biru;
- Dipatmen bilong Egrikalsa;
- Nesenel Fores Atoriti;
- Dipatmen bilong Lens;
- Dipatmen bilong Difens;
- Yunivesiti bilong PNG
- Dipatmen bilong Provinsel Afeas; na
- Elektorel Komisen.

Logistiks na Sekuriti sab komiti

Dispela sab komiti bai redim operesen plen. Ol bai lukautim trenspot na sekyuriti bilong ol man husat bai mekim senses wok.

Ol lain husat i stap long dispela komiti em:

- NSO;
- Opis bilong Nesenel Plening;
- Ol Polls;
- Dipatmen bilong Difens;
- Dipatmen bilong Helt;
- Dipatmen bilong Provinsel Afeas;

• CIS;

Dipatmen bilong Pesenel Menejmen;

- Dipatmen bilong Praim Minista;
- Dipatmen bilong Edukesen;
- Dipatmen bilong Egrikalsa;
- Opis bilong Trenspot;
- Air Niugini;
- Sios na ol NGO; na
- Employas Fediresen bilong PNG.

Wan wan provins tu i mas kamapim ol wankain komiti bilong ol long lukautim senses wok long provins bilong ol. Taim i wok long sot nau na ol komiti i mas wok hariap long redim ol samting past-taim long senses i stat neks yia.

As tingting bilong dispela woksap em long mekim 2000 senses i kamap long olgeta hap, kaunim i mas kamapim gut long olgeta hap bilong kantri. Bihain long rifom, NSO i mas lukluk gen long ol namba insait long wanwan lokel levul gavman.

Bikos long dispela na i gat ol provinsel data sistem na ol rekot kat bilong kaunim ol hauslain.

Apoimen bilong ol senses lain long hetkota

Apoimen bilong senses dairekta i bin kamap long mun Mas 1998. Olgeta narapela opisa tu i save pinis husat bai mekim wanem kain wok.

Apoimen bilong provinsel senses kodineta

Long mun Epril 1998 i bin gat apoinmen bilong 20 provinsel senses kodineta. Nau yet ol dispela kodineta i kamap long hetkota long Waigani na wok aninit long NSO inap long taim 2000 senses bai pinis. Wok bilong kodinetim senses insait long ol provins em i bikpela wok tru na ol provinsel senses kodineta bai mas gat sapot

long olgeta hap bilong provinsel edministresenna ol narapela ejensi insait long provins.

Woksap bilong ol provinsel senses kodineta

Ol provinsel senses kodineta bai stap olsem namel bilong olgeta senses wok insait long ol provins na olgeta wok bilong ol i mas kliia gut tru. Namba wan woksap bilong ol dispela kodineta i bin kamap long Granville Motel long Jun. Long dispela woksap olgeta kodineta i bin kamap long luksave long wanpela narapela na wanema kain wok tru ol bai mekim long taim bilong redi na taim bilong senses trutru.

Ol wok bilong stretim ol senses yunits na ol regista insait long ol provins na ol wok bilong save gut long pasin bilong basetim gut mani, olgeta dispela wok i kamap long wok bilong kamapim gutpela senses wok.

Sapot na helpim i mas kam long olgeta hap sapos wok bilong senses bai kamap gut. Senses ogenaísesen wantaim provinsel edministresen i mas wok bung wantaim bai nogat planti hevi i kamap.

Ol sampela tes bilong senses

Ol sampela tes i bin kamap long Milne Bay, Enga, Is Nu Briten na Westen hailans long 1998. Ol tes long ENB na Mt Hagen i bin kamap long painim ol mak bilong ol wanwan senses yunits aninit long rifom.

Bihain long dispela ol tes wanpela provinsel data sistem pailot projek i bin kamap long Nu Ailan long lukluk moa kiostu long ol we bilong kaunim long taim bilong senses stret.

Dispela tes i bin soim olsem;

- Sampela ples insait long ol provins em ol senses lain i no bin kaunim long senses bilong 1990. Dispela em tes i kamap long Maramatana LLG long Milne Bay provins i soim;

- Long sampela hap bilong hailans, ol i kaunim ol pipel moa long wanpela taim;

- Planti pipel i no save long givim ol bikpela inpomesen olsem hamas krismas yu gat na wanem yia yu bon. Ol provins olsem Is Nu Briten na Nu Ailan we yumi ting olsem planti pipel bai rit na rait i no givim gutpela ansa long ol dispela askim;

- Ol planti setelmen i wok long kamap insait long ol taun na siti na i nogat gutpela mak long luksave long dispela hap olsem rurel o eben eria;

- Ol LLG na ol wod i kamap aninit long nupela rifom na i no stret wantaim ol pasin bilong kaunim ol senses yunits, dispela i soim olsem i gat nid long painim narapela rot o we long mekim wok senses na;

- Olgeta ples i mas kamap long wanpela map. Tes i soim olsem planti ples i no stap long map.

Ol askim


Wanpela samting i kamap long wok redi bilong 2000 senses em long kamapim ol het tok bilong ol askim bai stap insait long taim bilong senses.

Nau yet ol lain i go pas i wok long lukluk long ol sampela askim. Ol askim i mas isi long ol pipel bai ol i ken givim gutpela ansa long kisim ol gutpela inpomesen. Komiti i stap long kamapim ol dispela askim em long Yuses Advaisori Komiti (Users Advisory Committee). Nau yet komiti bai karim aut sampela tes long kamapim ol askim.



Kaunim mi tu!

Tok tok bilong Praim Minista
Se Mekere Morauta



Senses em bilong makim developmen

PLANTI bilong yumi i save ting olsem Senses em i bilog kaunim ol pipel bilong Papua Niugini tasol.

Olgeta inpomesen bai kam long dispela senses bai stap long plen bilong gavman. Em bai kamapim piksa bilong populesen o hamas man na meri i stap long dispela kantri na soim tru pasin bilong stap bilong yumi.

Sapos gavman i laik go hetim developmen bilong Papua Niugini, sapos ol pipel bai painim gutpela sindaun long ol dispela wok olsem sensas, yumi i mas save moa long yumi yet. Na yumi i ken mekim dispela long wanpela rot tasol, em long mekim wok bilong senses.

2000 nesanel populesen senses em i stap namba tri stat long taim Papua Niugini i kisim Indipendens na i kam nap nau. Tasol em i narakain liklik bikos long dispela taim ol pipel bai pulapim wanpela askim pepa long taim bilong senses. Dispela askim pepa bai gat moa inpomesen we bai helpim yumi long plen gut long bihain taim bilong kantri bilong yumi.

Dispela senses bai stat long mun Julai long yia 2000 na wok reri i stat pinis long mekim kamap bilong senses i ron gut tasol.

Senses em i wanpela bikpela wok tru na yumi olgeta bai i mas helpim long mekim wok i kamap gut, nogat hevi tumas.

Olgeta liklik hap bilong gavman na bisnis sekta na wanwan man wantaim i mas putim han wantaim na wok bung long mekim wok bilong senses i kamap gut.

Gavman i strongim pinis wok long sait bilong ol provins taim em i kamapim dispela ol provin-sel senses stiarng komiti we bai wok aninit long nesanel stiarng komiti i stap long Waigani, Pot Mosbi. O dispela opis insait long ol provins bai helpim tru long kisim ol planti kainkain inpomesen long ol provins na salim kam antap long nesanel opis.

Dispela senses bai kamap wantaim helpim bilong Australia aninit long AusAID. Long dispela as na mi laik bai em i mas kamap gut tasol. Mi tok amamas long wok bilong Nesanel senses opis na gavman bilong Australia long dispela sapot bilong em.

NSO bai mekim



• Nesanel Stetisen Nick Suvulo i toktok long taim long lonsim 2000 Senses long Sepemba 29, 1999. Foto: Joe Ivaharia.

Tok tok bilong Nesanel Stetisen Nick Suvulo long taim bilong lonsing Nesanel Senses long Septemba 29, 1999.

LONG nem bilong ol wokman bilong Nesanel Stetisikel Opis (NSO) mi laik tok amamas long yupela long kam long lonsing bilong 2000 Nesanel Populesen Senses.

Opis bilong mi i gat bikpela wok stret long mekim long sait bilong kaunim ol man na ol arapela infomesen we ol bai yusim long plenim bihain taim bilong kantri.

Mi hamamas long Nesanel Eksektiv Kaunsel long oraitim dispela 2000 Nesanel Senses.

Gavman i givim tok orait long NSO long plenim na mekim ol oparesin bilong 2000 Senses.

Yupela olgeta i save pinis olsem NSO i namba wan opis husat save lukautim ol sense long kantri.

Mipela i laik mekim gutpela wok long taim bilong senses na mi laik tok olsem olgeta wok long olgeta provins i stat pinis.

Long helpim opis bilong mi long taim bilong senses i gat wanpela komiti ol i statim long Jun 14, 1999. Nem bilong dispela komiti em Nesanel Senses Komiti.

Siaman bilong komiti em sekreteri bilong fainans na tresari. Ol narapela memba bilong komiti em ol bos bilong ol gavman dipatmen na ol koporet bodi.

Long helpim dispela komiti em ol lik lik sab komiti. Nem bilong ol em, Yusas edvaisori komiti, pabilisiti komiti, meping komiti na logistiks na sekuriti sab-komiti.



• Lonsing bilong 2000 Censu.



Kaunim mi tu!

wok senses

Olgeta komiti i save bung wantaim na ol i wok putim ol plen bilong ol long helpim Nesenel Statiskel Opis long mekim 2000 Populesen Senses.

Mipela i askim ol provins long kamapim ol provinsel stirring komiti long mek so olsem olgeta man long provins bai helpim long taim bilong senses. Sampela provins i setim pinis ol komiti bilong ol na sampela i wok long mekim yet.

Mipela i luksave long helpim Australia i givim aninit long AusAid program na meneging kontreta, SAGRIC Intanesenel.

Mi hamamas long long komitmen bilong ol. Ol i makim pinis 2000 Senses Edvaisa, Reg Gilbert husat i bin dairekta bilong 1980 senses.

Mi bilip olsem wantaim dispela helpim opis bilong mi bai i nap long mekim gut wok na pinisim stret senses long taim stret.

PNG i no gat planti eksperiens long senses. Ol fes senses ol i bin holim long kantri em long 1966 na 1971. Dispela tupela senses i bin kamap sem taim wantem senses bilong Australia.

Bihain long independens i bin gat tupela senses gen long 1980 na long 1990.

Kantri bilong mipela em wanpela hap we i save hat tru long mekim ol senses. Dispela

em bikos i gat bikipela mauten i save pasim ol ples na tu ol man i stap nabaut long ol bik bus na ol lik lik ailan.

Tasol maski ol dispela samting mipela i save mekim ol senses yet.

Ol kain kain infomesen ol bai kisim long taim bilong senses, olsem krismas bilong ol man sapos ol i marit o nogat, sapos ol i man or ol meri, wanem kain save ol i gat na wok bilong ol.

I gat planti we mipela i ken kisim dispela kain infomesen. I bin gat ol toktok singaut long ol save man olsem ol lokal level gavman. Dispela 2000 Senses bai wokim ol dispela wok.

Dispela bai helpim ol provinsel administreta o ol lokal level gavman long plenim gut ol developmen program bilong ol.

Mipela i makim pinis mani bilong senses.

Opis bilong mi i nidim K6.2 million long gavman long pinisim ol wok. Mi laikim gavman i mas putim inap moni bilong mipela taim ol i givim 2000 baset. Totel long baset bilong mipela i sanap olsem K27 milien.

Mipela i amamas long helpim bilong Australia long sait long moni na trening bilong ol senses wokman.

Sampela provinsel gavman i soim laik pinis long 2000 senses na sampela i wok long

helpim na ol i makim moni pinis long ol senses wok long provins bilong ol. Em bai gutpela sapos ol narapela provins i mekim tu.

Dispela senses em olgeta man i mas lukim olsem wanpela nesenel samting bilong olgeta man long PNG na i no bilong Waigani tasol. Long dispela nesenel gavman i mas givim gutpela helpim wantaim mani bikos ol risal bilong em bai helpim stret olgeta lokal gavman long PNG.

I gat 20 pela provinsel senses kodineta husat i makim olgeta provins long kantri na long dispela as ol provinsel gavman i mas sapotim wok bilong ol.

Nesenel Statistikel Opis em i komited long mekim Nesenel Populesen Senses long Julai 2000. Mipela i no nap mekim mipela yet, mipela i nidim sapot bilong olgeta man na meri.

Sapos yumi laikim senses long kamap gut yumi mas putim ol save bilong mipela wantaim na mekim 2000 senses i kamap gut.

Mi laikim tru ol lida na ol bik man long go pas na helpim ol wok man bilong mi long dispela wok.

Mi gat bikipela bilip olsem mipela i ken mekim i kamap wantaim sapot bilong yupela olgeta.

Australia i givim K20 milien long 2000 Senses

GAVMAN bilong Australia i amamas tru long givim sapot i kam long Papua Niugini long dispela: 2000 nesenel senses.

Senses em i wanpela bikipela samting tru. Em i wanpela we tasol i stap long kaunim ol pipel insait long wanpela kantri.

Inpomesen i kamap long dispela senses em gavman i ken yusim long plenim gut ol kainkain samting bilong ol pipel long bihain taim bilong ol.

Em bai gutpela tru sapos Papua Niugini gavman i redim gut ol moni samting bilong mekim kamap dispela 2000 nesenel senses.

Ol lain i go pas long plenim i mas save gut bai ol i ken skelim gut ol moni samting long sait bilong skul, helt, ol rot na long sait bilong komyunikesen.

Senses em i givim gutpela inpomesen we bai yumi ken save hamas man i stap long wanpela hap olsem long taim nogut olsem long taim bilong sunami bilong 1998 na ples i drai long yia 1997.

Tasol wok bilong kisim Senses em i no liklik wok, nogat em i bikipela wok tru.

Gavman bilong Australia bai sapotim 2000 Senses bilong Papua Niugini, em bai givim samting olsem K20 milien. Dispela bai lukautim ol wok bilong teknikal asistens, printing, training, trenspot na wok bilong makim ol ples insait long ol lokal level gavman eria.

Nau yet AusAID i wok wantaim opis bilong kaunim ol pipel (National Statistical Office, NSO) na ol narapela gavman dipatmen long mekim bai wok i go gut tasol.

Komitmen em i stap olsem wanpela bikipela samting tru na olgeta dipatmen i mas wok wantaim na kamapim gut dispela wok bilong kaunim ol pipel long 2000 senses.


Bikipela wok i stap yet tasol mi gat bilip olsem olgeta man bai i ken sanap wantaim bai wok i go gut tasol.

Wok bilong senses bai kisim taim bilong planti pipel, man, meri na ol pikinini tu insait long ol taun na ol ples tu.

Olgeta man i mas stap long taim bilong kaunim. Mipela i gat bilip olsem helpim bilong Australia bai helpim tru dispela wok bilong 2000 senses.

Mi laik tok amamas long NSO, ol lain long provins na olgeta lain husat i wok long 2000 Senses long ol wok ol i mekim pinis na mipela i wisim yupela gutpela taim long ol dispela mun i kam.

Tok tok bilong Hai Komisina bilong Australia Nick Warner




• Praim Minista Se Mekere Morauta, minista bilong Plening na Implimentesen, Moi Avei (namel) na Hai Komisina bilong Australia Nick Warner long taim bilong lonsim 2000 Senses.



Kaunim mi tu!

Fil operesen plen



• Ol senses kodineta long Nu Ailan i mekim wanpela kos.

LONG karim aut gut wok senses o wok bilong kaunim ol pipel, i mas gat gutpela plen i stap long soim ol wokman husat i go pas long wanem kain rot ol i mas bihainim na wanem kain samting ol i mas mekim bai wok i kamap gut.

Wok bilong kaunim oigeta pipel insait long kantri i no isi wok. Em i hat wok tru.

Nesenol Stetistiks Opis (National Statistical Office - NSO) i tok aut olsem wanwan haus long ai bilong ol i impoten bilong wanem ol bai inap long wokim dispela wok i isi liklik long ol.

Long dispela as i mas gat fowet plening i stap. Ol wokman i mas stat long plenim dispela wok 12 mun bipo long taim NSO i laik go het wantaim dispela wok. Dispela i save kamap pas long het opis long Mosbi na bihain suruk i go daun long ol provinsel opis.

Wok bilong stretim ol meping em i wanpela bikpela hap tu insait long fowet plening bilong wanem ol wokman i mas save tu long ol mak bilong stat na pinis bilong ol distrik na Lokel Level Gavman (LLG) is stap.

NSO i wok bung wantaim ol lain long Nesenol Meping Opis na tu wantaim ol lain long provinsel affeas long helpim NSO long sait bilong makim ol dispela mak.

As bilong dispela wok bung wantaim em long traun na mekim dispela bikpela wok long ron gut na tu long mekim bai isi long taim dispela bikpela dei i kamap.

NSO i holim sampela woksop long ol wanwan provins long skulim ol provinsel senses kodineta long ol plen na rot we ol i mas bihainim long karim aut senses 2000.

Wok bilong stretim senses 2000 i stat pinis long ol provins tasol NSO i tok aut olsem dispela i wok long ron isi bilong wanem ol i sot liklik long mani.

Bikpela wok long go het nau, em wanpela pailot senses projek. Dispela i stat long mun Ogas na i wok long go het yet.

NSO i tok aut pinis olsem ol i stretim pinis ol kain samting olsem: ol askim bilong ol, ol hap tok save pepa, na tu ol hap rot nambaut we ol i bai bihainim long karim aut dispela pailot projek.

NSO i tok aut olsem ol risal bilong dispela pailot projek bai helpim long redim long dispela

bikpela wok we bai kamap long yia 2000.

Pablisiti Plen

Olsem ol arapela bikpela wok insait long kantri, wok awenes o toksave i mas stap. NSO i tok aut olsem dispela em bai wanpela bikpela samting we ol bai lukluk long em.

Planti pipel insait long Papua Niugini i no save long rit o rait na long dispela as, em bai hat liklik long karim aut awenes. Wok nau i stap wantaim NSO long traun long painim sampela arapela rot, kain olsem kibung nambaut, long traun long kisim toksave bilong wok senses i go long ol pipel bai ol i ken save na redim ol yet tu, bai dispela wok bai isi long ol sait bilong ol wok man meri husat i bai go pas long en.

NSO i kirapim wanpela hap seksen insait long opis bilong ol we i bai lukluk na go pas long dispela sait. Insait long dispela seksen i gat wanpela arapela liklik komiti tu i stap. Wok bilong dispela sabkomiti em bai long wok bung wantaim ol lain long niuspepa, redio na tu long TV long karim aut ol dispela ol toksave bilong NSO.

Trening program

Sapos NSO i laikim dispela senses long kamap gut ol i mas trenim o skulim gut ol dispela lain husat ol i bai kisim long go pas long dispela wok.

NSO i luksave long dispela na nau yet ol i wok long kamapim ol trening program bilong ol long stretim ol wokman bilong ol bipo dispela wok i kirap.

Ol infomesen we ol i kisim long dispela taim i bikpela samting bilong wanem dispela i bai helpim gavman tu long ol pien bilong ol. Olsem tu na olgeta samting i mas stap stret. Nau yet ol i wokim ol liklik toksave buk long stiarim ol wokman long taim bilong senses.

Enyumeresen plen

Ron bilong senses i bai kisim wan wik. Senses 2000 bai stat na pinis long wanpela taim long olgeta provins.

Long 1990 senses, NSO i bin kisim planti wokman na meri long karim aut senses, tasol dispela senses i no bin kamap gut ol i tok. Long dispela as NSO i wok long lukluk long sampela arapela rot we

ol bai inap long bihainim, bai senses 2000 i ken kamap gutpela moa na winim ol arapela we kantri i holim pinis.

Dispela i go bek gen long wanem kain ol pipel NSO i kisim long karim aut dispela ol wok.

NSO i bin kisim planti ol sumatin na ol tisa long karim aut 1990 senses. Ol dispela lain pipol i bin wok aninit long ol wokman bilong gavman.

NSO i tingting long bihainim dispela rot gen long senses 2000. Ol i bilip em i bai wok tasol ol i tok olsem ol i ting dispela i bai hat liklik long hailans.

Nau yet ol i wok long lukluk long ol sampela arapela rot we ol bai inap long bihainim sapos ol i bungim sampela hevi nambaut long taim senses i kamap.

Ol i tok ol i bai surukim ol trening program bilong ol i go inap taim bilong senses.

Enyumeresen prosidia

Papua Niugini em i wanpela kain kantri we i gat kankain maunten na bikbus na planti hap i no gat rot. Dispela i wokim na planti hap i no gat gutpela sevis. NSO i luksave long dispela bikpela hevi. Narapela bikpela hevi we NSO ting ol i bai bungim em long sait bilong ol hauslain. Yumi olgeta i save olsem long wanwan ples yumi olgeta i gat wanwan stail long sanapim ol hauslain bilong yumi. Long sait bilong ol nambis lain, sampela i save sanapim haus long arere long solwara na tu long bikbus. Aniap long hailans em i narapela kain tu. NSO i ting nau olsem dispela i bai kamapim sampela liklik hevi long ol woklain bilong ol bilong wanem ol i bai tait liklik long traun long painim na kaunim olgeta lain.

Long dispela as tu ol i wok long sindaun nau na stretim sampela hap rot we ol i ken bihainim bai ol i ken abrusim sampela bilong ol hevi ol senses wokman i bin bungim long 1990 senses.

Wanpela rot we ol i kamapim pinis na tok aut long en, em long wokim ol wokman wokim haus tu haus raun. Long nambis, wanwan man i bai gat wanwan hap kona

we ol i bai raun na kaunim ol hauslain. Tasol antap long hailans ol i bai raun long grup. Ol i bilip olsem sapos ol i wokim olsem bai ol i ken abrusim asua bilong kaunim ol haus lain tupela taim.

Tebyulesen plen

Long taim bilong 2000 senses wanpela samting we i mas stap em wanpela risal tebol. Dispela i mas bihainim ol askim bilong NSO na bekim bilong ol haus lain. Dispela tupela hap samting i mas oltaim wok wantaim. Tupela oltaim i mas stap wanpela. Sapos tebol i givim wanpela kain resal na ol askim pepa narapela, dispela i bai soim olsem sampela samting i rong.

NSO i bai rekodim olgeta bekim bilong ol haus lain long ol dispela rekod pepa.

Data prosesing plen

Bihain long taim kauntim i kamap, bai gat narapela bikpela wok gen i stap. Dispela em long sait bilong putim olgeta bekim bilong ol haus lain i go insait long ol rekod bilong NSO.

Bikos dispela i wanpela impoten samting long bihain taim bilong kantri i gat bikpela nid bilong ol wokman long sekim gut ol risal ol wokman i kisim long fil tupela o tripela taim. Ol senses supavaisa na ol edta bai go pas long dispela long fil, na taim dispela ol risal long fil i kamap long opis ol lain ol i kolim ol kotas i bai tekova long lukluk long ol dispela ol risals. Dipela i bai helpim ol NSO long traun long abrusim ol asua we bin kamap long 1990 senses.

Long taim senses i kamap ol wokman i bai tilim ol askim bilong ol long ol hap pepa i go long ol wanwan haus lain. Ol haus lain nau bai kisim ol dispela ol hap pepa na bekim, Bihain long ol i pinisim ol dispela bekim ol wokman bilong senses i bai kisim ol dispela ol hap pepa na kisim ol i go bek long hetkota bilong ol. Wok bilong ol kotas nau i bai stat long ol wanwan provins.

Long 1990 senses NSO i bin yusim Intagreted Maikro Prosesing Sistem (IMPS) long stretim ol senses risals.

Dispela kompyuta sistem we ol i bin yusim i stap yet. NSO i ken yusim dispela yet sapos ol i laik long senses 2000. Sapos ol i senisim tingting bilong ol, ol i ken baim nupela kompyuta hadwea, testim pastaim long luksave sapos em i bai ron gut o nogat long taim kaunim i kamap.

NSO i ting olsem wok bilong stretim ol bekim bilong ol lain long olgeta provins i bai kisim siks o nain mun samting long pinis.

Ol senses resal i bai redi long ol pablik long lukim taim dispela wok i pinis.

Plen bilong stretim, skelim, rekodim na tilim infomesen

Pablik bai inap long luksave long as, ol kantri save karim aut wok bilong popyulesen senses taim olgeta wok i pinis na ol i tilim ol risal bilong dispela bikpela projek.

Luksave i stap pinis olsem taim ol dispela inpomesen i stap hait long taim tumas long opis na ino go aut long pablik, i save abrusim as na kaikai bilong em.

NSO i luksave long dispela na bai traun long rilisim ol dispela infomesen kwik. Ol namba bilong wanwan provins bai kamap long wanem taim ol bai redi tasol namba bilong olgeta wantaim bai kamap bihain long siks mun. Ol ripot bai kamap bai karim namba bilong ol liklik ples tu olsem wod na senses yunit.

Olgeta wok i kamap long taim bilong senses bai stap long rekot. Olgeta tebol na het tok bai stap long ripot. NSO i ting long yusim wanpela stail ol i bin yusim long 1990 senses.

Ol risal bai no inap long kamap long wanpela taim tasol nogat. Olgeta namba na ripot go long olgeta gavman dipatmen na ol narapela ogenaisesen we i save nidim dispela kain inpomesen. Sampela woksop bai kamap gen bilong ol plena na ol edministreta insait long ol provins na gavman. NSO i gat tingting tu long yusim wanpela we em i mekim long 1990 senses long salim ol dispela inpomesen i go aut long ol provins na olgeta gavman dipatmen na ol narapela ogenaisesen we i laikim ol dispela inpomesen.



Kaunim mi tu!

Taim bilong Senses i kamap klostu

Taim bilong nesanel senses i kamap klostu nau. Ol i makim pinis Julai 2000 long taim bilong senses. Ol lain bilong Nesanel Stetistikel Opis (NSO) i laikim yu long save long dispela na yu ken toksave long ol lain wantok bilong yu.

Dispela senses i no bilong ol NSO tasol em bilong olgeta manmeri long PNG, na long dispela as ol i laik olgeta manmeri long helpim long taim bilong wok senses.

Ol namba wan risos i no nap yu makim wantaim mani. Em i no gol na ges we mipela i save kisim long graun. Dispela bikpela risos i-no ol diwai i stap long bus bilong mipela na i no pis i stap long sol wara. Nogat namba wan risos bilong kantri bilong mipela em ol pipel yet.

Senses em taim kantri i save kaunim ol man meri insait long kantri.

Dispela wok em bai helpim gavman i save hamas man i stap insait long ol wan wan ples. Bihain ol i ken save hamas mani o ol sevis i ken go long ol pipol.

Gavman i mas save hamas krismas bilong ol man, wanem kain haus ol stap long en, kain wok bilong ol, hamas pikinini ol i gat na ol samting ol pipel i nidim.

Stori bilong Senses

Hao i bin stat

Senses i no wanpela nupela samting. Ol Roman i bin ol fes man long kaunim ol pipel bilong ol.

Long insait bilong baibel ol i stori long Joseph na Mary husat i bin go long Betlehem long regista long senses, bikos dispela i bin ples bilong Joseph. Nau yet long taim bilong senses ol man i ken stap tasol long hap ol i stap long em na ol senses lain bai kam na kaunim ol. Bipo



• Senses bai helpim long plenim futsa bilong yu.

sapos yu stap long narapela ples na senses i kamap yu mas go long ples bilong yu, long hap mama i bin karim yu.

Long taim bilong ol Roman ol i bin save kaunim ol man meri bikos ol i ken save hamas takis ol ken sasim long ol man na

tu long save hamas yangpela man ol i ken kisim long joinin ami.

Ol senses bilong nau i no olsem bipo bikos nau as bilong senses i long sait bilong plening na developmen na i no long takis na ol ami.

Olsem wanem senses save helpim

Sapos yu wanpela plena edukesin na yu wok long mekim wanpela faiv yia plen. Yu laik save hamas komyuniti skul yu bai nidim insait long faivpela yia na ol wanem provins o ples i nidim stret ol skul. Yu mas save:

- I gat hamas pri skul i stap nau?
- Hamas skul mangi i nogat skul long go long en nau?
- Ol dispela pikinini i stap long we, wanem distrik na provins?.

Na yu mas ting ting long ol tisa tu:

- Hamas tisa bai yu nidim?
- Yumi trening i nap tisa long wok long ol skul o nogat?
- Hamas tisa husat ol i lapun bai pinis insait long faivpela yia?

Yu nidim ol dispela kain infomesen sapos yu laik plenim gut bihain taim bilong kantri.

Wantaim senses yu ken kisim ol kain infomesin yu nidim sapos yu laik plen long ol samting. Maski yu wok yu stap long taun o ples, yu wok long gavman o praiwet kampani wok senses em bilong helpim yumi olgeta.

Sampela askim na bekim bilong senses

Mama na papa bilong mi ol i save stap long ples. Na i no bin gat wanpela skul long hap taim ol i bin yanpela na ol i no save long rit na rait. Olsem wanem bai ol i pulimapim ol pepa bilong senses?

I no gat nid long yupela i pulmapim ol senses pepa. Ol wok man bilong senses yet bai askim na raitimol bekim i go daun.

Sapos wanpela man i stap long wanpela olpela gavman haus na i no save baim moni long gavman long silip long dispela haus ol wok man bilong senses bai kotim em tu long Hausing Komisen o nogat?

Nogat, tru mipela bai no inap kot. Ol tok tok ol senses man i save kisim em praiwet na i no nap oli i tok aut long sikret bilong ol man meri i go long narapela lain. Taim ol lain bilong senses i raitim ripot ol bai raitim long ol grup tasol ol bai no nap raitim stori bilong wan wan man na ol nem bilong ol. Ol senses wok man i no nap tru tokaut long ol praiwet o sikret tok tok bilong yu.

Sampela wantok bilong ol meri bilong mi i wok long stap wantem mi hamas pela mun nau. Ol bai mekim wanem long taim bilong



• Ol wokman na meri bilong senses bai bekim ol askim yu gat long senses 2000.

senses, - go bek long ples o bai ol i stap tasol mipela na putim nem bilong ol o bai ol i lusim haus taim ol senses wok man i kam?

Ol wok man bilong senses ol i trenim ol gut long rekodim ol nem bilong ol man maski ol man i save

raun tasol long haus o oli save stap ful taim long haus. Em i impotent stret long ol i kisim nem bilong olgeta man i stap long haus bilong yu maski ol i stap long haus o nogat. Long senses pepa i gat spes ol i putim pinis long putim ol nem bilong ol visita husat i stap

long haus bilong yu. Noken pret long ol askim ol wok man bilong senses sapos yu paul lik lik.

Olsem wanem na ol man meri bai save long senses na wanem taim bai ol senses wok man i kam lukim ol. Planti man meri i stap

long ples na ol i no save harim radio na ridim niuspepa.

Ol gavman ofisa long olgeta dipatmen husat i stap long ol aut stesin i ken helpim yu. Ol dispela man meri i save gut long ol ples na we ol man i stap long en. Ol wok man bilong senses i laik wok wantem ol bikos ol i save gut long ol as ples man meri.

Mi wanpela gavman wokman in sait long bus na sampela taim mi save pilim olsem mi lik lik tumas. Mi laik helpim tasol em save hat long kisim ol toktok o infomesen. Bai mi mekim wanem?

Wan wan provins i gat senses opis. Sapos yu laik kisim sampela tok tok o infomesen go long provinsel senses opis bilong yu. O sapos yu gat ol narapela askim rait i go long NSO opis long Mosbi. Mipela i save ol i komyukesen i hat tasol mipela bai traim hat long bekim ol askim bilong yu.



Kaunim mi tu!

Senses ripot bilong Is Nu Briten Provins

SENSES wok insait long Is Nu Briten provins i wok long kamap gut. Aninit em wanpela lik lik ripot we i soim ol wok i kamap insait long provins long redim senses yia long 2000.

Olgeta senses grup long provins i stretim pinis ol mep bilong provins na ol lokel level eria. Olgeta man i wok bung wantaim long stretim ol mep wantaim ol lain bilong provinsel efeas.

Ol lokel level gavman ofisel ol i tren na ol i luksave pinis long ol mep bilong ol wan wan ples. Ol i bin mekim dispela long taim bilong wanpela woksop bilong ol lokel level gavman kodinetas long Julai 20-22. long Bitapaka Lokel Level Gavman semba opis.

Wanpela senses yunit i bungim wanpela we long putim ol nem bilong olgeta man na ol arapela samting olsem ol sevis stesin long provins, ol skul, ol tred stoa na ol fektori. Ol narapela wok insait long ol ples i no stap long list tasol ol i makim pinis long mep.

As bilong bungim ol dispela nem bilong ol man na ol arapela sevis em long;

- Helpim ol senses man long painim hariap ol haus bilong ol man na askim ol sampela askim;
- Mek so oslem ol bai lukim olgeta man;
- Stretim gut wok bilong senses wokman; na
- Helpim ol senses plenas long plenim gut ol mani bilong wok bilong ol.

I gat tupela kain listing ol bai mekim insait long provins yet. Namba wan em bilong ol lain bilong ol taun. Dispela ol i bin pinisim long Julai long dispela yia. Namba tu em bilong ol lain husat i stap long ples o ausait long ol taun. Dispela em ol bai pinisim long Desemba.

Is Nu Briten 2000 Senses projek tras fan ol i bin setim up long Julai, 1999 long sapatim long projek bilong 2000 Senses insait long provins.

Siaman wantem provinsel plena na provinsel senses kodineta i wok long lukautim dispela akaun.

Ol i painim pinis opis spes insait long plening na risets divisen long Is Nu Briten Provinsel Gavman. Dispela opis bai lukautim olgeta senses wok insait long long provins.

AusAid i baim pinis wanpela fex fon bilong dispela opis na nau ol Telikom bai instalim. AusAid tu bai makim bilong baim kar bilong ol senses wokman long wan wan provins.

CENSUS FACTS SHEET


Population Distribution by Provinces 1980, 1990, Estimates 1995 -2000

	1980	1990	Growth Rate	1995	2000
Papua New Guinea	3,010,727	3,761,954	2.3	4,240,978	4,796,176
Western	78,575	110,420	2.9	127,650	147,568
Gulf	64,120	68,737	0.6	70,830	72,987
Central	116,964	141,195	2.0	156,045	172,456
NCD	123,624	195,570	5.3	254,912	332,260
Oro	77,442	96,462	2.3	108,251	121,444
Southern Highlands	236,052	317,437	3.1	370,658	432,802
Enga	164,534	235,561	3.1	275,055	321,170
Western Highlands	265,656	336,178	2.5	380,940	431,661
Simbu	178,290	183,849	0.3	186,628	189,448
Eastern Highlands	276,726	300,648	0.9	314,486	328,961
Morobe	310,622	380,117	2.2	424,316	437,655
Madang	211,069	253,195	1.9	278,428	306,176
East Sepik	221,890	254,371	1.4	272,715	292,596
West Sepik	114,192	139,917	2.0	154,632	170,895
Manus	26,036	32,840	2.4	37,027	41,748
New Ireland	66,028	86,999	2.8	100,073	115,111
East New Britain	133,197	185,459	3.5	220,927	263,179
West New Britain	88,941	130,190	4.0	159,014	194,221
North Solomons	128,794	154,000	2.1	171,049	189,986

Population Distribution by Sectors - 1990

Total Population	Number	Percentage
All Areas	3,607,954	100.0
Urban Areas	554,751	15.4
Rural Areas	3,053,203	84.6
Citizen Population		
All Areas	3,582,333	99.3
Urban Areas	539,331	15.0
Rural Areas	3,043,002	84.3
Non Citizen Population		
All Areas	25,621	0.7
Urban Areas	15,420	0.4
Rural Areas	10,201	0.3

Estimated Population Distribution by Regions - 2000



Data Source - 1990 Census

Senses ripot bilong Wes Nu Briten

WES Nu Briten i gat tupela distrik. Talasea na Kandrian. Insait long Talasea distrikt i gat siks-pela lokel levil gavman na Kandrian yet i gat faiv pela lokel level gavman. Long olgeta yet i gat olsem 11 pela lokel level gavman insait long provins.

Wanpela LLG tasol, Kimbe em wanpela eben or taun LLG na ol narapela ol bilong ol liklik ples ausait long taun. I gat siks-pela taun LLG tu i stap insait long provins.

Ol bikpela wok insait long Wes Nu Briten bilong Senses 2000 projek em long:

- Apdetim senses yunit regista;
- Apdetim ol mep bilong

- provins;
- Kamapim opis spes bilong dispela projek;
- Kamapim provinsel senses stiarng komiti;
- Mekim fes level trening;
- Mekim eben o taun operesen long stretim ol mep na nem bilong ol man;
- Mekim oparesen bilong ol man i stap ausait long taun;
- Mekim sosio-ekonomik stadi;
- Mekim seken level trening; na
- Pablisiti.

Olgeta senses yunit ol i makim pinis na ol regista ol i apdetim pinis. Mep bilong Wes Nu Briten

ol i stretim pinis na olgeta hap we ol wok man bilong senses bai go ol i makim pinis. Ol boda o mak bilong ol lokel level gavman ol i stretim pinis.

Ol i painim pinis wanpela opis spes pinis tasol provinsel senses komiti i wok long painim yet wanpela bikpela opis pastaim long Senses operesen stat long Julai 2000.

Provinsel Eksekutiv Kaunsel i tok orait pinis long i kamapim provinsel senses komiti na provinsel edministreta Mista Maela em i siaman bilong dispela komiti. Dispela komiti i bin bung tripela taim las mun.

Fes level trening ol i bin mekim long Julai 13 na olgeta lokel level

gavman i bin kamap. As bilong dispela trening em long lainim na soim ol ofisas long ol operesen ol bai mekim.

Long sait bilong makim ol nem bilong ol man, long ol siks-pela taun insait long provins faivpela i mekim pinis wok bilong ol.

Long ol hap ausait long taun tripela i mekim pinis wok bilong ol. Ol arapela 7-pela i wok long mekim yet.

Wanpela sosio-ekonomik stadi i bin kamap long tripela lokel level gavman long sait bilong bungim ol nem bilong ol man na droim gut mep. Namba tu level trening ol i mekim pinis long topela lokel level gavman.

Lokel level gavman bilong taun na tripela bilong ples ol i mekim pinis lis bilong ol man insait long hap bilong ol. Ol tu ol i stretim pinis mep bilong ol.

Long sait bilong pablisiti o tok-save i go long ol man ol i mekim pinis ol pablik posta o notis. Ol i wok long printim ol siot tu.

Provinsel senses stiarng komiti i makim pinis asisten menija bilong Redio WNB O. Raka long lukautim pablisiti o ol pablik toksave. Edvaisa bilong edukesen Mista Luvongit bai helpim Mista Raka.

Ol lising bilong ol nem bilong ol man long ausait long taun i no pinis yet bikos ol i no printim yet ol ripot kat.

LAI PSTAIL

REKS Ben i no dai yet

YAKAM KELO i raitim

REKS Ben bilong Finsafen Morobe provins i kamaut nau bihain long longpela taim em ino bin mekim wanpela nois long musik resis bilong Papua Niugini.

Tupela krismas nau Reks Ben i stapim musik bilong em bihain long dai bilong drama bilong em Don Avini long 1997. Dispela hevi i mekim Reks Ben i sindaun sori na pinisim olgeta wari bilong em long ben memba bilong em pinis na dispela yia em i redi long kukim Papua Niugini gen wantaim ol stail pairap bilong musik em i save pilaim na kirapim bel bilong olgeta manmeri bilong Papua Niugini.

Ben lida bilong Reks Ben Bongas Nango i tokaut olsem ol sapota na fen bilong Reks Ben i no ken lusim tingting long Reks Ben. Bikos Reks i redi long kam

bek long neks yia. Reks i laikim olgeta sapota na fen bilong em i mas putim was na sambai tasol long harim krai bilong stail bilong musik bilong ol bai i kamap gen.

Long dispela wik Bongas bai pinisim wanpela solo rekoding bilong em wantaim Pacific Gold Studio long Mosbi. Bongas i tok dispela solo kaset em wankain tasol olsem Reks Ben na i nogat samting i narakain.


Bongas i tok olgeta singsing long dispela kaset em long tok ples Finsafen na tu long tok pisin yet. I gat wanpela singsing ol enjinia bilong Pacific Gold Studio i tok bai mekim bikpela pairap long Papua Niugini. Dispela song em RQ, long tok ples em tais wara, Bongas i tok.

Dispela kaset bai karim nem RQ na bai kamaut long neks yia 2000. Bongas i bilip olsem ol singsing long dispela kaset em gutpela na nais tru long ol manmeri i harim, na krai bilong kaset em olsem Reks Ben tasol.

Long dispela taim yet ol nupela yangpela blut bilong Finsafen i wok long kilim skin long trening klostu wantaim Bongas long traime kisim strong na save stret long strail na pairap bilong Reks Ben. Bongas yet i wok strong nau long Gagidu taun i stap long bungim ol dispela yangpela boi wantaim na ol i wok long trening na wanem taim ol i redi, bai ol i kamap long Mosbi Pacific Gold Studio na katim kaset bilong Reks Ben stret.

Bongas i tok bikpela samting em ol yangpela boi ya i wok hat long traime kamap long mak na level we Reks Ben i bin stap long en tupela krismas i go pinis. Taim olgeta krai bilong musik na nek bilong song na stail bilong ol i kisim mak stret bilong Reks, em nau bai ol boi nogut bilong Finsafen bai kamaut.

Bongas i laik tokim ol manmeri husat i save laikim musik bilong Reks Ben long noken wari na lus tingting long Reks. Bikos Reks i no dai yet. Reks i wok long redim



• Bongas Nango, Rek ben lida wantaim Makili Gaegaming bilong Komowagi ben. Bongas i autim namba 2 kaset bilong em na i wok long stretim Reks ben long kam bek.

Kusai Studios autim Junior Cliff

LEO WAFIWA i raitim

NUPELA Kusai studios bilong Kavieng long Nu Ailan i autim pinis wanpela nupela kaset bilong ben, Junior Cliff, em CHM Super Sound Studio i salim nau long ol manmeri long kantri long baim.

Kusai studio i katim gut dispela kaset we planti manmeri husat save laikim ol Tolai na Kavieng stail musik bai amamas long harim.

Ol singsing long kaset i stori long laip na sindaun long ples, tokpilai na bilas bilong ol manmeri na pikinini long ples, na tu promotim ol hap long Nu Ailan olsem Kavieng taun na Namatanai.

I gat 10-pela singsing olgeta long kaset em 6-pela ben memba yet i raitim long tokples Kuanua na Tok Pisin. Planti singsing em ol i singim long miks Kuanua na Tok Pisin. Olsem na yu manmeri bilong narapela hap husat i no save long tokples Kuanua i no inap paul long mining bilong ol singsing.

Ol ben memba olsem Isidor Natina, Blasius Willie, Fidelis Mate, John Waninara, Pius Minut, Manuel Tarcy wantaim sapot bilong ben menesa Tarcy Tiban i katim gut dispela kaset wantaim sapot bilong ol studio musikman o ensinia olsem Melton Matala na Richard Nannek.

Ol song o singsing long Sait A bilong kaset we i gat

stail bilong holimpas lewa bilong ol manmeri em *Mistake na Griks*.

Tupela singsing ya i gat stail bilong Tolai musik stret. Dispela em stail bilong dans long poinim finga i go daun long graun na sutim i go antap long skai olsem ol Tolai save mekim.

Song *Mistake* i stori long ol yangpela o manmeri long ples i saspek nating long yangpela man wantaim pren bilong em long sampela asua olsem long pasin bilong pren.

Sait B i gat ol song bilong katim lewa tu olsem *Tokbilas na Nusa* (nem bilong ailan).


Song *Tokbilas* i stori long ol manmeri i tokbilas long tupela yangpela. Tasol tupela yangpela i bekim: "Nogat sore long yupela, na yupela i bin mekim olsem. Mipela i no wari na mipela i no bisi ..."

Song *Nusa* i gutpela long mekim vidio clip bilong soim long EM TV, we bai soim naispela Kavieng taun. Song ya ol i raitim long stail we na i go olsem:

Nusa (ailan)

"Yangpela mangi, yangpela meri, Lapun meri, yu laik go we Mi kalap long bot i go raun liklik.

"Long kamap long wes kos Namatanai.



Stap malolo liklik long bihainim haiwe, Mangi ples i kam kisim em i go.

"Long kamap long Kavieng taun. Raunim olgeta liklik kona, na sanap long bris long maket

Lukluk go daun long solwara.

"Lukim stret ailan Nusa.

Ol ben memba i dediketim dispela kaset i go long poro na pren bilong ol, Dominic Kilda na tu long ol famili na pren bilong ol i stap long kainkain hap bilong Papua Niugini."

yet long kam bek long musik indastri bilong Papua Niugini long stretim bel na tingting na laik bilong ol sapota na fen bilong em.

Dispela solo kaset bilong Bongas tu bai kamap olsem wanpela sapot bilong kirapim bel bilong ol yangpela bois ya long kirapim na bring bek Reks Ben i kam bek long laip.

Bongas i tok dispela solo kaset bilong em RQ em stat bilong pulim tingting bilong ol sapota na fens i kam bek na tingim Reks Ben na bai Reks Ben i kamaut long neks yia tu wantaim.


Em i tok taim Reks i kam bek neks yia, ol bai wok strong long holim dispela stail na musik bilong Reks Ben bilong Finsafen i stap olsem i go.

Planti manmeri i bin toktok nabaut pinis na askim nabaut olsem Reks Ben i pinis nau o ol askim Reks Ben i go we. Olsem na ben lida Bongas Nango i laik tokaut olsem Reks i pinisim olgeta wari na sore bilong em long dai bilong ben memba bilong ol Don Avini husat i bin dai long 1997, na nau ol i redi long kam bek. Olsem na Bongas i tok, tingim Reks Ben na stap sambai tasol long Reks bai kam bek.

FRI BAIBEL KOS LONG PAS

I kam long wanpela pren long America sapos yu laikim fri kos salim nem na adres igo long:

**WOL BAIBEL SKUL
WBS - PNG 12,
P.O. Box 9346,
Austin, TX 78766 USA.**



Liklik brata kilim tewel man



LONG bipo bipo tru long ples Tambale long hap bilong Sio long Morobe Provins igat wanpela tewel man save i stap long wanpela bikpela maunten. Dispela tewel man em i save kilim ol manmeri na kaikaim ol long dispela hap ples sapos ol i kain klostu long maunten o kem bilong en.

long dispela as olgeta manmeri long ples i lusim dispela hap na i go i stap long we na wokim nupela kem. Long dispela hap tu i gat wanpela ples we ol 11 pela brata i stap long en. Dispela ol brata tasol i stap bihain long ol arapela ples manmeri i lusim ples na i go.

Wanpela taim long bik moning yet tulait ino bruk gut bikpela brata i kisim bunara spia na bilum bilong em na tekov i go long bus long painim mango. Em i go painim igo na kamap long wanpela mango diwai we i stap stret long as bilong maunten we tewel man ya save stap. Man em i lukim ol dispela mango ya i redi gut tru na mekim na em daunim spet bilong em. Em i lus tingting long tewel man na hariap tasol i kuapim dispela diwai mango na kisim mango na stat kaikai. Taim em wok long kaikai em i putim sampela tu i go insait long bilum long karim igo bek long ples long ol arapela brata bilong em.

Em i mekim isi tasol nogat nois na hariap tasol i tekov i go long ples. Taim em i kamap long ples ol brata i askim long wanem hap em i kisim dispela ol mango. Na em i otkim olsem em i kisim mango long as bilong maunten we tewel man save istap. Em i givim ol dispela mango we em i karim igo na ol i kaikai. man taim ol i kaikaim dispela mango ol i pilim em i swit moa yet na kirapim tingting bilong ol long go na painim moa.

Wanpela taim gen ol brata i

hait long las brata na tekov i go long painim mango long wanem ol i poret nogut liklik brata igo wantaim bai tewel bai kilim em. Ol i save mekim olsem planti lusim liklik brata long ples na ol yet save go painim mango. ol i mekim olsem i go na liklik brata wanpela taim i hait na bihainim ol i go luk stil long wanem hap ol i save ksim mango. Em luk stil long ol pinis na hariap tasol i go bek long ples olsem em ino save long wanpela samting. Long wanpela bik moning stret taim ol brata i wok long silip yet istap liklik brata i tekov i go long maunten na go kaikaim mango i stap. Em i amamas tru long mango na lus tingting olgeta long tewel man na stat long singsing antap long diwai istap. Ino long taim em tewel man ya i harim nek bilong boi ya a kam stret long as mango na lukim dispela las brata i sindaun antap long mango na kaikai i stap. Tewel i singaut long boi ya long kam daun na tokim olsem

yu dispela liklik rat yu save stilim mango bilong mi, nau bai yu go we bai mi kilim yu na kaikaim yu stret. yu em gutpela abus stret. tarangu liklik boi ya nogat toktok na save olsem tete bai tewel i kilim em. Wantu wanpela tingting kam long het bilong em na i tokim tewel olsem bai em i kalap long banana bilong em na ronawe. Tewel man ya i harim olsem na wantu i silip banana igo daun long graun. Boi ya i kirap na tok bai mi kalap long kapiak diwai bilong yu, tewel i wokim wankain long kapiak. boi ya i stat long kolim olgeta samting long gaden o arere long mango diwai na tewel i no givim sans na silipim olgeta samting long graun.

Man olgeta samting pinis na mango diwai em wanpela tasol i sanap. tewel i tokim boi ya olgeta samting yu kolim em mi katim pinis na em bai yu kam daun na bai mi kaikaim yu.

Liklik boi ya i kus pundaun na stat long krai long wanem mango

tasol i stap we em bai katim na kilim em. tasol taim em i wari istap em kisim wanpela tingting na tokim tewel bai mi kalap long hrt bilong yu na ronawe. man tewel ting olsem em i tok tru na wantu brukim het bilong en long ston na tamiok na em i pundaun i dai. hariap tasol boi ya kam daun na ksim tamiok na katim katim tewel ya na i da olgeta.

Em ron go antap long maunten na singaut i go long ples long brata bilong em long kam lukim dispela tewel man ya em i kilim pinis. Ol brata i harim singaut na ron i go long maunten na lukim tewel man ya i dai istap amamas na krai wantaim long las brata bilong ol we ol i ting tewel i kilim na kaikai pinis. Ol i salim tok igo long ol manmeri long nupela ples na ol i kam bek gen na istap gut long pela taim inap nau.

Bottong Nongom Bialla

PENPREN

Nem: Naomi Charles
Krismas: 16 meri
Adres: Gabensis Komunity skul, P.O. Box 315 Lae. Morobe Provins
Save laikim: Go waswas long wara, pilai basketbal, lukim TV na go long skul.

Nem: John Seth
Krismas: 21 man
Adres: P.O. Box 2913, Lae. Morobe Provins.
Save laikim: Wok gaden, wokim bisnis, pilai soka na raitim pas long pen.

Nem: Richards Henry
Krismas: 13 man
Adres: Simbari komyniti skul, P.O. Box 240 Goroka EHP.
Save laikim: Pilai soka, harim musik. painim pis na abus long bus na go long sios.


Nem: Newton Winjua
Adres: St Marys Primeri skul, P.O. Box 503, Wewak. ESP
Save laikim: Pilai geita, go long skul, lukim T V na raitim pas long pen.

Nem: Philip Gilmai (GP) Gornem
Krismas: 18 man
Adres: Yombar catholic mission, P.O. Box 127 Kundiawa Simbu Provins.
Save laikim: Pilai spot olsem ragbi, volibol na tas, raitim pas long pen.

Nem: Pea Charles
Krismas: 16 meri
Adres: Gabensis komyniti skul, P.O. Box 315, Lae Morobe Provins
Save laikim: Go lotu, lainim tambourine danis, waswas long wara, harim sios musik na go long skul.

Nem: Brucelee Simax
Krismas: 16 man
Adres: Kombolopa hai skul, P.O. Box 1422, Mt Hagen WHP.
Save laikim: Pilai spot na go lotu na laikim mekim pren.

Bel hat o kros nating taim ol samting i no kamap stret



LAIPPLAIN

Dia LAIPPLAIN,
Mipela em nupela yangpela marit we meri bilong mi em 4 mun bilong em i gat bel.

Em i save gat planti pen long bodi bilong em, bikpela peri tru save kamap long beksait bilong em.

Sampela taim em i save bel hat o kros nating taim ol samting

ing i no stret long ai bilong em. Wanem em gutpela kaikai em i ken kaikai o samting em inap long mekim long abrusim ol dispela pen o i no ken long kros nating?

CARING HUSBAND

Dia PREN,

Wanem luv bilong yu soim long meri bilong yu em gutpela marasin tru em meri bilong yu ken kism tasol yu mas lusim em i go long (ante-natal) klinik long sek hap olgeta taim.

Em inap long mekim ol wok olsem long klinim haus, wasim plet kap na ol liklik wok nabaut long haus tasol em i mas noken tru long karim ol hevi samting.

Sapos sista o nes long klinik ting olsem em i fit o strong inap orait em ken go het long mekim ol ara-

pela wok olsem long opis wok o go long stua inap long 4 o 6 wiks bipo long bebi i kamap.

Em i mas noken tu pilai spot o kalapim ol long pela leda o maunten.

Em i mas kaikai ol gutpela kaikai bilong maket olsem , fis , mit na kiau bilong kakaruk we bai helpim em na bebi long kamap strong.Sapos meri save laikim long drink planti susu; em i gutpela long mekim tit bilong bebi bai kamap strong gut. Long ol gutpela helii blut sista long klinik bai givim marasin (iron tablet) na tu givim sampela toksave long ol gutpela kaikai long kaikai long helpim long gutpela blut.

Taim yangepla meri i gat bel em ino isi long wanem ol yangpela i laik mekim samting long laik bilong ol we nogat man bai mas stapim ol. sapos wanem samting i stapim ol em bai mekim kros belhat.

Long taim mama i gat bel ol join

long bodi bilong em i save i go malamala we bai mekim bebi long kam aut we dispela save givim pen long mamz. Ol wara long bodi save senis long taim mama i gat bel long amamas i go long kros.

Mama we krismas bilong em i stap olsem 20 yia o moa em i orait liklik long yangpela mama long wanem em inap long holim ol dispela senis, tasol yangpela mama em bai kros taim ol samting em laik long mekim bai sot.

Sapos yu tupela istap long we long ol papamama na ples bilong yupela, dispela tu

em wanpela hevi tu meri em nambawan taim na em i poret we em i laik mama mas stap klostu long em taim em i laik karim.

Long mekim em i ken pilim olsem em i stap klostu long ol femili yu ken bringim wanpela femil memba i kam stap wantaim em long taim bilong karim pikinini o nogat wanpela sios memba bilong

yupela long kam stap wantaim na mekim em amamas na noken wari na poret.

Meri bilong yu bai nogat wari long wanem em bai amamas long taim bilong yu na sapot yu givim long nupela ekprens bilong en. God i ken givim yu joy na amamas long nupela wok bai yu mekim olsem papa.

LAIPPLAIN.

Sapos yu gat hevi , raitim pas long LIFELINE. P.O. Box 6047, Boroko o ring long telefon 326 0011. Taim yu raitim pas long mipela . raitim nem na adres bilong yu. Mipela inap bekim pas bilong yu stret sapos yu raitim adres na adres bilong yu stret stret. Long dispela seksen, yumi save toktok stret long ol hevi na wari stret tasol tru nem na arapela samting long yu em mipela ino save soim.

KANAGE

"Em nau, narapela wik bilong mi ken"



Kanage em i wanpela mekenik. Tasol em i save stap long ples na i go wok long taun, K3.00 ka tasol long ples bilong Kanage i go long Wewak. Long Fraide Kanage i wetim ka. Olgeta ka i go pinis, na Kanage i tingting planti stret. Wo-yo 10 kilok nau na mi leit pinis, tu na em i toktok i stap na wanpela meri i kam. Hai yu tok wanem? Kanage i tok, sori kas meri yau bilong yu i suku ya, mi no tok long yu na kas meri i tok, neks taim, hah. Kanage i tok gut. Neks taim bai mi tupela mit. Kas meri i belhat na i laik kros. Las ka Didiaregen i kam na Kanage kalap na go long Wewak, antap long Didiaregen paspas long manmeri. Wanpela kiap tu i stap antap long ka. Ol i go kamap long Yarapos, Taya i kamaut long ka ples Kanage i sindaun long em. Taya i ron i go pas long banis waia, Kanage i singaut hee taya i kamaut na ka i ron long bering ya, olgeta pasindia i laik lap tasol pret i wokim na ol i no lap. Na kiap i askim em. What did you say? Kanage i hariap long bekim tasol em i suku na i tok. I am sindaun who saying, olgeta meri i harim na kai-kai pinga tasol.

**Fosanny
Dagua**

Kanage em bilong Yonki, Kainantu. Wanpela taim bubu man bilong Kanage i kisim skul holido long Yunivesiti na kam long ples. Wanpela moning san i strong nogut tru na Kanage tokim bubu man bilong em. "Bubu, yu kam na mi tupela i go painim pis long raun wara bilong Yonki dam." Tupela i go long raun wara na statim moto bilong dingi na kukim i go, i go long namel bilong raun wara. Tupela tromoi huk i go na tupela i no hukim wanpela pis liklik i go inap bik san. Long namel bilong het san Kanage kirap na askim bubu bilong em olsem, "Bubu, what do you learn at your school?" Nau bubu man bilong Kanage bekim na tok. "Bubu, I learn about anthropology and psychology." Bubu Kanage sindaun tingting i go, i go na kirap tok, "bubu, let's go homology because the sunology is hotology and there is no fishology to catchology." Bubu man bilong Kanage harim dispela na em idai nogut tru long lap.

**Simeon Gilchrist
Mendi**

Kanage em i go kisim bot bilong tambu bilong em. Na em i go painim pis long solwara taim em i go kamap long nambis em putim string bilong em i go antap long bot. Na em tekov i go na tromoi i go daun. Na em pasim string long bikpela lek piga. Na em slip antap long bot. Na em tok gutpela taim stret long UK. Na em kilim skin stret long slip long bot. Na em i no save long sak i kam. Na pulim string bilong em na em ting wanpela liklik pis i



pulim em. Na em i hapim lek bilong em i go antap tasol samting tru sak i pulim em wantaim bot bilong en. Na em kirap nogut na em statim bot. Na em laik tekov i go nogat sak pulim em. Na em hangamap long bot na bot em ron long laik i go sua long nambis. Na trangu Kanage em kisim taim na em nogat strong moa nau. Na em slip tasol long nambis i stap tambu bilong em i go painim em.

**Jacob Joe
Kimbe**

Kanage em maski Kerox long Stony-het kantri long Simbu. Wanpela taim Kanage kalap long PMV bas bilong Hagen na das-tim long Simbu i go olgeta long Hagen siti. Em slip wantaim ol wantok na i no tulait yet na Kanage brukim tutak na i go kamap long MBA opis na bukim sit long go lukim bik bro bilong en long OK Tedi Mining. Em nau balus i kam pinis na olgeta pasindia bilong Tabubil i harim nem na wokabaut i go insait long balus na kisim sit. Kanage tu i wokim wankain pasin. Taim ea hostes i lukim Kanage i paul long wanem sit stret bai sindaun em tokim em. "Ah boi, yu sindaun gut stret long sit na pasim sialek gut, nogut yumi bungim taim nogut." Kanage tu em pes taim long pasim sialek na em paul na mekim nambaut nabaut i stap na balus i tekov lusim graun i go antap. Kanage lusim tewel bilong en na mekim bikpela singaut. Olgeta pasindia kirap nogut na ea hostes tu i kirap nogut stret. Ea hostes go isi long Kanage na askim em, "hi, boy mekim wanem?" Kanage makim han wantaim na tok, pailot harim balus olsem na putim i go daun ya, mi laik kisim win na i no inap ya." "Gut boi noken singaut nating nating na mekim mipela guria insait long balus, yu mas holim tewel na win bilong yu strong i go inap yumi pundaun long Tabubil." Ea hostes tok olsem na Kanage i stap isi olsem dai man i go inap long Tabubil na kamap laip gen.

**P.en bilong Kanage
Tabubil**

Kanage em bilong Finsafen, Bobonolong si bruk. Kanage i maritim wanpela yangpela meri Kumalu Nil Kapuk, Kung katim stret. Kanage i amamas long Nil Kapuk meri Kamalu Kung katim na em i lus tingting long Finsafen Bobonolon si bruk. Wanpela taim meri Kumalu i tokim Kanage long tupela i go waswas long wara Kumalu. Kanage i go sanap antap long wanpela bikpela ston long wara. Kanage isi tasol hapim laplap bilong em na pispis i go daun long wara Kumalu, aninit long dispela bikpela ston em masalai bilong wara Kumalu i save slip aninit long en. Kanage i singaut i go long meri Kumalu olsem, dispela wara Kumalu, em i liklik olsem pispis bilong mi, o wan kain tasol. Masalai i harim na nil kapuk i tokim Kanage long go waswas na ol i go bek long haus. Long wara yet meri Kumalu i tokim Kanage olsem, long moning taim, bai yumi go long gaden long het bilong wara Kumalu. Masalai i harim pinis. Namba tu hap bai kamap bihain.

**Moriyi Guakapis
Wau**

Kanage em bilong Sepik doti wara. Na em marit long Simbu. Kanage i skulim ol mangi long Mai komyniti skul. Wanpela taim Kanage i tokim ol mangi long makim wanpela singsing. Ol i tok Misis i no bilip. Kanage i tok ok singsing nau. Singsing i go olsem. Wanpela taim Misis i go lotu. Grasofa autim tok anis i no bilip. Tran tran koiye so bu be do i ya singsing em i olsem. Kanage i skulim ol mangi insait long kantri em i no save long dispela singsing. Amamas bilong Kanage em i narakain tru kalap kalap i go antap kam daun na tokim ol mangi mi kisim tru olsem Sepik wara.

**Mark Umba
Simbu**

Kanage i go raun long bikples Makam na Kanage harim sam-pela man toktok long go na pilai kas. Kanage i nogat mani tu long go na pilai kas. Kanage i stap

long bikples na Kanage tanim na i go bek long haus na i go tokim meri bilong en olsem hey Misis bai mi go long Lae. Na yu laik bai mi baim wanem samting bilong yu. Misis bilong Kanage kirap na tokim Kanage yu go long Lae na baim wanpela beg rais bilong yumi long haus long tumoro Sande. Kanage kirap tokim Misis bilong en olsem hey yu kisim mani i kam hariap, bikos em Sarere tu yu, nogut ol bai pasim stua long belo stret. Misis Kanage kirap askim Kanage, beg rais i save kosim hamas mani long baim? Kanage kirap tokim Misis bilong en olsem, rais i save kosim bikpela mani liklik stret ya na yu mas givim mi diskaun mani tasol. Misis Kanage askim Kanage hamas mani bai mi givim yu long baim rais? Na Kanage kirap askim long K10 50 2. Taim Kanage kisim mani pinis Kanage giaman go long pinis long kas na i wok long pilai i stap. Na wanpela poro bilong Kanage i stap long hap we ol man i pilai kas long en i laik go long haus. Misis Kanage lukim dispela man na em i askim em, hey yu stap long na yu kam na yu lukim бага man ya tu. Hey tambu meri! Yu tok long Kanage, Kanage nau em i wok long pilai kas i stap long pilai kas i stap long lain kokonas i stap yet ya. Taim meri bilong Kanage harim dispela tok long Kanage, em save pinis olsem Kanage giamanim em long go long Lae na baim beg rais. Misis Kanage i no wanbel stret na em i go long painim Kanage long mani bilong en na em lukim Kanage i wok long pilai kas i stap. Misis Kanage i go na em stat long askim Kanage long mani bilong en. Tasol Kanage kirap na tokim meri bilong en olsem Misis laki, laki tru na yu no givim 2 paon 1. dolas. Ating dispela mani bilong yu, em bai abrusim mun na i go antap liklik long skai ya. Man! Misis Kanage i no wanbel stret long tok bilong Kanage na бага meri ron isi tasol i go pulim wanpela pangal bilong kokonas i kam isi tasol i go putim antap long het bilong Kanage. Man! Olgeta gras long het bilong Kanage i pinis stret ya

Taim Kanage pilim pen long het bilong en Kanage pundaun i go daun na olgeta gras long het bilong Kanage i pinis na blut i kapsait i kam daun long graun. Na ol man i karim Kanage kam long haus. Olsem na taim Kanage raun long wanem hap na ol man lukim Kanage ol man i save kolim Memori kas long Kanage. Bikos meri bilong Kanage i sapim lain kokonas bilong Kanage i go pinis na trangu nogat lain kokonas i stap yet long pilai kas long en.

**Yaun Yassi Rompon
Lae**

Kanage em bilong Kaiapit distrik. Wanpela taim pikinini boi bilong Kanage i go raun wantaim ol bikpela mangi. Ol bikpela mangi pasim tok long salim pikinini bilong Kanage go stilim pinat bilong man. Sapos pikinini boi bilong Kanage i no harim tok na les. Ol bai paitim pikinini bilong Kanage. Wanpela bikpela em kirap stilim pikinini boi bilong Kanage long go saim pinat bilong ol man tasol pikinini bilong Kanage les tru long go stilim pinat. Bikpela mangi belhat na paitim pikinini bilong Kanage nogut tru, aste yet wanpela meri lukim ol na go tokim paps Kanage olsem ol mangi paitim pikinini bilong em. Kanage belhat stret na kam krosim ol bikpela olsem, yupela lukim bikpela mangi. Em i kainkain yupela ya? Olo man yupela haitim em, yupela paitim em, yupela kid-napim na yupela rapim, ol bikpela mangi pilim pani long inglis bilong Kanage na ol lap nogut tru long Kanage. Kanage belhat nogut na tok, yupela long husat? Yupela laikim mi go ausait ples long yupela.

**J. Shyfield. G
Lae**

Kanage bilong Kerema insait long Galp provins planti taim Kanage i bin go long gaden bilong wanpela man na stilim suga kein ya. Wanpela taim man i go lukluk long gaden bilong en na lukim wanpela man i kam stilim suga ken bilong em. Na papa bilong dispela gaden i no wanbel. Wanpela apinun olsem 6 kilok em kisim bunara na spia na i go long gaden na wetim dispela stil man. Sapos dispela stil man i go em laik kilim em. Dispela gaden man em i wetim i go i go 1 kilok mit nait na man ya slip i stap na Kanage i hangri nogut tru. Nau Kanage stat wokabaut i go long gaden long stilim suga ken na Kanage em ino kisim wanpela bus raip long katim suga ken. Kanage makim wanpela suga ken na em wok long painim wanpela diwai long brukim suga ken ya. Tasol nogat em papa kela slip i stap. Kanage brukim suga kein long het bilong kela man, ya na man ya kirap nogut na brukim bus na Kanage tu lusim suga kein na em tu brukim bus i go kamap long ples bilong em na tokim-ol wantok bilong em olsem wanpela man o sanguma. Mi bin paitim wantaim suga kein long het bilong em i brukim bus i go kamap long ples bilong en na tokim ol wantok bilong em olsem wanpela man i bin stilim suga kein bilong mi na mi go wetim stap na wanpela sanguma i bin paitim mi long kela bilong mi na mi rotawe i kam long ples. Papa kela blut kapsait long het bilong em.

**Charles Matia
Boroko**

KANAGE

"Em nan, narapela wik bilong mi ken?"



Kanage bilong Nuku distrik na em bik-man na wait gras na i no save raun long taun. Na wanpela taim trangu em i laik raun lukim pikinini long maunten paia. Na em kirap paitim das long lek na i go long maunten paia na taim em kamap long hap em lukim kainkain samting, trangu em guria em lukim ol yangpela resa bilong yelo. Na trangu em i no save em sut i go insait long stua em lukluk raun long stua na em lukim samting nogut ya sanap antap long selp i stap yu save em wanem. Blak sos em rausim na rausim tripela Navi hat bisket na karim i go long kaunta na em baim em na karim i go ausait. Em i go sindaun aniiit long Marmar na em stat long kaikai bisket na em opim samting ya na em i laik apim. Trangu susa nogut bilong Tukofiok singaut. Paps what are you drinking. Trangu em i no save long tok bilong ol wait em harim na lap na hapim blak sos i stap i no long taim narapela mama singaut em yu dring wanem em blak sos ya trangu em sem na kirap lus nating.

Justine Minei Nuku

Kanage em bilong Makam long Morobe provins. Wanpela nait em i go long haus bilong ankol blong em na lukim vidio. Insait long piksa em lukim ol soldia i kam daun long parasut long balus. Taim em lukim dispela piksa Kanage tingim olsem em isi tru long wokim parasut. Bihain long vidio Kanage i go slip na long moning taim tru em kirap kisim PMV bas na go long Lae. Kanage baim wanpela ambrela, wanpela baisikol, wanpela flaua bas na bak lain rop. Em karim olgeta samting na go antap longdiwai kokonas i go antap tru long het bilong diwai. Em taitim flaua beg antap long baisikol, em opim ambrela na taitim antap long het bilong em yet. Em singaut kam daun long meri na pikinini bilong em long kam witesim nupela parasut em wokim. Em singaut kam daun na tok "redi" taim olgeta lukluk i go antap, em singaut gen na tok, "daddy cool, darling cool." Taim em kalap long het bilong kokonas i kam daun, ambrela flai long laik, bek flaua flai long laik na baisikol flai long laik na taim em kamap long graun, em kirap nogut long lukim ol nes meri sutim as bilong em wantaim sut long Angau Jenerol haus sik long Lae.

Simeon Gilchrist Mendi

Kanage em bilong apa

Karawari na Kanage em i wanpela eking na fani, fani mangi stret ya. Yu save mangi gat tupela kain skin ya na taim Kanage em wokim liklik eking na stail bilong em. Man em save wokim samting stret ya na olgeta samting i save go rong olgeta. Wanpela taim Kanage wantaim papamama bilong em. Ol i go wok saksak i stap. Na taim Kanage i holim wanpela tul na wok. Man "saksak ya i pinis nating. Yu save Kanage em hap man tru bilong wok na em kilim bodi stret long wok ya. Kanage em bisi stret long wok i stap, nau wanpela poro bilong Kanage i wokabaut i kam na tromoi hap tok pisin long Kanage. "Hey" Kanage yu gat moa strong ya masol mas kilim yu ya. Nau Kanage kisim pilings stret na singaut i go bare mi si ka ---- rap ya. Na poro bilong Kanage i ting ating em sigarapim pukpuk skin ya na poro bilong Kanage i askim, yu sigarap long wanem na Kanage i bekim. Poro mi sigarap long wanem na Kanage i bekim. Poro mi sigarap ya, sigarap bilong saksak kisim mi na mi sigarap moa yet ya. Na poro bilong Kanage i harim na tupela i lap i dai na tekov long ples.

Nancy Mengumari Wewak

Wanpela taim em i go raun long wara Galai na em wantaim sampela bois ol waswas na painim pis na kain bilong Kanage em tokim ol boi yumi rausim trausis na waswas as nating na panim pis. Na sem taim tu Misis Kanage em tu i go wetim pren man bilong em na Misis Kanage em i go hait long ples we Kanage wetim ol bois ol waswas i stap long en na taim Misis

Kanage em spai long pren man bilong em, i no lukim em na em stat long spai long man bilong em wantaim ol bois bilong Kanage na taim em lukim Kanage em ting boi pren bilong em na pren bilong Misis. Kanage em i gat kela long het bilong em na Misis Kanaks tu em paul olgeta na em spai long man bilong em na taim em olgeta lek han idai na tingting paul. Ol boi lukim na ol kam putim komplek long mejistret na Kanage tok Misis bilong em no moni yet. Na Kanage tok em orait em win pinis na lukim pinis het bilong pukpuk bilong wara Buluwani.

Peter Wagie Lae

Paps Kanage em man bilong pret long tewel. Taim bilong nait em i no save i go long toilet em i save i go long lait na toilet na moning ol man lukim pekpek ol lain toktok. Kanage tu tok pisin bilong em yu save pisin bilong ol Sepik samting ol wokim tasol ol bai strong sait bilong ol. Wanpela taim. Paps Kanage em pilim pekpek na ron i go daun long rot na liklik pik tu ron bihain long em na taim em toilet i stap pik sanap long beksait tasol na pokim as bilong em na Kanage em rabis long beksait na em tok mi save wokim hait nau tasol pik putim mi ples klia na sem taim wanpela boi harim na lap idai na ol man-meri harim na Kanage tok taim bilong mi pinis.

Peter Wagie Lae

Kanage bilong Tabubil eria na em save wok olsem kem klina bilong OTML wokman na meri. Wanpela taim long Fraide Kanage kisim mani bilong em na em i go dring bia wantaim ol

narapela lain i go na em i spak nogut tru na em karim bikpela botol i kam na bungim ol lain wantok tru bilong em stret na em sindaun wantaim ol na tokim ol olsem, ol wantok. Mi no kam long grisim yupela long bia tasol mi gat sikipela botol bilong mi olsem na mi laik kam i stap wantaim yupela na mi pinisim bai mi go long rum bilong mi long slip. Taim Kanage tromoi toksave pinis, em i kisim wanpela bia botol bilong em na dringim pinis na lukim olsem em i gat 5-pela botol bia tasol i stap. Kanage kirap na sutim tok long ol lain bilong en olsem. Ha! fellows, I got six bottles who get one and make it six? If you got one, please return it back. Ol lain bilong en belhat na tokim em olsem maski dring planti bia na kam wokim paul toktok na sutim tok long mipela. Yu yet yu dringim wanpela botol na maski long sutim tok nating. Em nau ol laik paitim Kanage na Kanage das i go long rum bilong em.

Romio Galai Tabubil

Kanage bilong Oksabmin insait long Sandaun provins na em i save stap long Tabubil. Em i no wokman tasol mauswara bilong em i save mekim na ol man i save givim ol samting long lep, rait, senta. Wanpela taim long Mande lus wik, em i bagarap long smuk na em i go long taun na askim ol man long mani bilong baim smuk. Long taun maket em i lukim wanpela mama wantaim liklik pikinini meri bilong em. Kanage lukim olsem pikinini i holim wanpela 20t na wokabaut. Kanage i go klostu na sem taim 20t i pundaun long man bilong pikinini. Hariap tasol, Kanage go sanap antap long

mani. Liklik pikinini lukim olsem nau, em i stat long kraik. Mama harim pikinini kraik na askim em olsem. "Yu kraik long wanem? Pikinini bekim na tok, Kanage sanap antap long mani bilong mi. Mama kam na tokim Kanage long rausim lek tasol Kanage i strong na tok, "lek bilong yu o lek bilong mi." Mama traim i go i go tasol Kanage i strong olgeta olsem na em i lukim tupela plisman wokabaut i kam na em i toksave long ol. Ol plisman tokim Kanage long rausim lek tasol em i strong yet olsem na ol kirap tasol na paitim lek bilong Kanage wantaim ston na blut kapsait long lek. Em pilim pen nau na em rausim lek bilong em. Ol plisman kisim mani na givim long mama na ol go. Kanage lukim olsem ol plisman go na em i tokim mama olsem, "20t tasol na yu kisim plisman i kam! Na bihain 50t bai yu kisim ol ami kam! Na bihain bihain taim, wankina bilong yu bai yu kisim ol salvesin ami kam."

Licadio John Tabubil

Kanage wantaim pikinini bilong en i go long taim bilong mun long painim kapul. I go i go mun i go daun long het bilong maunten. Em nau tupela i go sindaun long rot bilong kapul i go kam long en. Tupela harim wanpela pisin bilong nait. Singaut na pikinini Kanage kirap na tokim papa olsem ayo masalai singaut. Samting pundaun pikinini ron yet long nait. Em i go pas long paps Kanage. Bihainim em harim nois bilong paps Kanage pikinini, bilong em kisim taim long nait na nus bel bilong pikinini Kanage sem olgeta.

Tanni Sperai Botongnao Lae

PNG nesenel sensus i mas kamap gut

Dia Edita,

Mi wanpela manki Hagen. Mi bin lukim nuispepa long Fonde. Mi laik apil na strongim yupela long wok strong bilong yupela 2000 nesenel sensus long Papua Niugini i mas kamap gut tru.

Em bilong wanem, bipo long 1995 o 1996 samting gavman i tok orait long nesenel sensus eksekutiv kansel i bin mekim rong tru bipo. Em bikpela asua tru i stap na kantri i go bagarap nau. Em bilong wanem, taim ol kansel i kisim nem bilong ol wanwan kansel. Bipo ol i tok save long ol pipel olsem. Taim ol i kam

kisim nem bilong yupela maski long givim nem long ol liklik pikinini i dring susu yet na pikinini i no winim 2 o 3 krismas yet. Na tu noken kisim nem bilong ol dai manmeri na pikinini. Taim bilong elekten i kamap, na kauntim vot namba bilong ol bisnis man i go antap.

How na namba bilong ol liklik lain o haus lain i go antap long 4000 na 5000 i go antap.

Tokim mi, wanem as? long dispela mi apil long yu Nick Suvulo National Statistician na John Kalamoroh 2000 Census Director. Plis yutupela bikman

inap long ridim dispela samting long ol wok manmeri bilong nesenel statistikol opis bai ronim woksop long olgeta provins long trenim ol opisas bilong lokol level gavman long yia 2000 Sensus.

Nogut yupela yusim mani nating long mekim wok na sik nogut i stap yet na kantri i go bagarap gen na ol stil man i go mekim bisnis gen long ovasis na Papua Niugini. Em tasol.

Mi manki bilong Westen Hailans Provins.

**Joe Kara
Takil**

Aitape developmen plen

Dia Edita,

Mi i save raun long Aitape taun we em i namba tu taun insait long Sandaun Provins.

Aitape i wanpela kain gutpela taun we pasin bilong brukim lo oda ino i save kamap olgeta taim, nogat.

Taun we ol pipel i save wokabout isi isi na tingim laik bilong ol yet.

Tu em i gat planti ol manmeri we sevis em ol i save kisim long Aitape taun.

Long sait bilong gavman, kampani na ol wanwan sevis bilong ol yet.

Aitape em i wanpela taun we em i ken kirap igo bikpela na naispela, sapos yumi i ken yusim samting God i givim yumi long developim em.

Na ino pasin bilong pilaim politik long kamapim biknem nogat, tasol long sevim Aitape, Sandaun na PNG pipel.

Mi askim ol lida long yusim Aitape developmen plen program long yusim olsem rot long developim Aitape taun bilong yumi.

Dispela bai helpim pipel bilong PNG tu.

Larim dispela tu tausen yias i ken kamap wantaim developmen we i gat ol sampela moa gavman sevis, bisnis sevis na moa ol arapela helpim na moa moa yet sapos i gat plen pinis, ok em gutpela, i mas i gat pasin bilong en. Tenkyu.

**Philip A Pais
Aitape**

Lukluk long stoa prais

Dia Edita,

Wanpela samting mi i amamas tru olsem i gat ol stua i stap long Aitape taun we i save bungim stret laik bilong yumi ol pipel bilong ples.

I tru mi ino inap sutim tok long ol stua menesmen, tasol wanpela samting i kilim yumi ol liklik pipel bilong ples em ol prais igo abrusim mak bilong mani mipela i gat.

Plis i gat sampela kain lain i save i gat save bilong lukluk na skelim ol kain hevi tu o nogat?

I tru bai yu tokim mi olsem tokim gavman na tu PNG i sot long mani long dispela as.

Okei, bai i nogat moa we nau na i olsem wanem na ol gavman opis na tu ol stua i wok

long wok yet.

Sapos ol samting i wok yet okei i gat rot yet, rot em ol dispela sevis i wok long i go yet.

Tingim wanpela ten toea long maket ino inap baim wanpela trausis long K20 K30, na bai yumi pasim ol tumbuna bilas nau.

I tru mi klia olsem prais bilong ol kaikai i mas i go antap, tasol abrusim mak ating em i stret o nogat?

Yupela wok long sevim yumi o husat, sapos yumi orait putim mak bilong prais stret bai mipela i baim na bisnis bilong yu bai i go.

Tenkyu.

**Philip A. Pais
Aitape**

Ol hetwara Kabwum i nogat sevis

Dia Edita,

Mi wanpela manki long ples nau mi i stap long Lae siti.

Na mi laik egensim toktok bilong susa Jenny Benson. Susa yu bilong we mi laik save? Jenny yu tok long kain kain samting kamap long Timbe Komba na Selebet. Em tru kamap long stesin na olsem wanem long bus olsem long hetwara Timba na komba na Yulumet? Ating susa Jenny yu wanpela em famili tru bilong memba olsem na yu i stap fri. Na sampela mipela i stap sori yet. Em tasol yu husat laik sapatim o egensim long Wantok Nuispepa em mi amamas long lukim tasol.

Tenkyu.

**Tonny P. Saba
Lae, Morobe Provins**

Givim vot o refererum long Bogenvil

Dia Edita,

Mi laik tokim Nesenel Gavman long givim vot o refererum long ol pipel bilong Bogenvil.

Sir Mekere Morauta em i taim nau long yu mekim gutpela sindaun long Ailan, nau pipel bilong Bogenvil i laikim tru gutpela sindaun i mas kam bek olsem bipo. Nau ol i lusim pait na lukluk long nesenel gavman long givim ol moa fridom. Sapos nesenel gavman ino stretim hariap wari bilong ol, pait bai kamap gen. PNG gavman i mas laikim o sori long ol pikinini long Bogenvil long bihain taim. Gavman

bilong Bill Skate i hin wok gut long stopim pait long Ailan.

Nau em taim bilong Mekere Morauta long inapim na pinisim pait long laik bilong ol pipel.

I ask you Sir Mekere Morauta as you are a true leader let Bougainville become a fridom nation in the country. May God lead you to finish this conflict on the island.

Thank you May God Bless you Sir Mekere.

**Chris Buinilai
Kokopo**

Sandaun i mas i gat masta plen developmen

Dia Edita,

Sandaun Provins em i wanpela las provins tru long develop.

Mi ino save bilong wanem, yet Sandaun em i hap bilong PNG na i bin i gat provins na nesenel gavman pinis.

Yet Sandaun i develop long sampela bikpela sait na ino develop long sampela bikpela sait.

Sandaun Provins tru tru i nidim developmen long sevis laip bilong ol pipel long ples na taun na provins olgeta.

Sandaun i gat provin-sel na lokol gavman

dispela i min olsem developmen bilong Sandaun Provins i stap pinis.

Em bai i kamap long Sandaun Provins sapos olgeta memba bilong nesenel na provinsel wantaim lokol level i wok bung wantaim long developim Sandaun Provins.

Ol lida bilong Sandaun i mas sanap bung wantaim long kamapim wanpela Sandaun developmen masta plen we em i gat rot long sait bilong politik, ikonik na sosel

developmen bilong yusim olsem direktiv prinsipel o stia tingting bilong developim Sandaun Provins.

Sandaun Provins i pulap long ol save manmeri, kisim ol i kam na ol i ken raitim na kamap dispela plen bai Sandaun Gavman, na ol Sandaun Nesenel memba i ken yusim bilong nau na bihain taim long developim Sandaun Provins. Tenkyu.

**Philip A Pais
Aitape**



Ron bilong Pasindia Sip September 1999

Vessel	Vcy No.	Salling from Lae for:	Day	Date	Time
Nagada	437 A	Finsch/Lablab/Lae	Wed	1/9/99	4pm
Maneba	524 N	Lorengau (Mag)	Wed	1/9/99	4pm
Nagada	437 N	Fin/Sio/Wasu/Bali/Biliau/Mag	Fri	3/9/99	12nn
Rita	486 B	Fin/Lab/Fin/Lae	Fri	3/9/99	5pm
Rita	486 D	Oro Bay/Lae	Sat	4/9/99	8pm
Rita	487 N	Fin/Wasu/Mag/Wewak	Mon	6/9/99	9am
Mamose exp	626 N	Kimbe/Rabaul/Kimbe/Lae	Mon	6/9/99	3pm
Nagada	438 N	Finsch/Wasu/Long/Lok (Mag)	Tue	7/9/99	4pm
Maneda	525 N	Lorengau/West Coast (Lae)	Wed	8/9/99	4pm
Mamose exp	626 B	Fin/Lab/Fin/Lae	Fri	10/9/99	5pm
Nagada	438 S	Dogura/Lae	Sat	11/9/99	4pm
Mamose exp	626 D	Oro Bay	Sat	11/9/99	8pm
Mamose exp	627 N	Fin/Wasu/Madang/Wewak	Mon	13/9/99	9am
Rita	488 N	Kimbe/Rabaul/Kimbe/Lae	Mon	13/9/99	3pm
Maneba	526 N	Finsch/Wasu/ (Mag)	Tue	14/9/99	4pm
Nagada	439 A	Finsch/Lablab/Lae	Wed	15/9/99	4pm
Umboi	534 N	Lorengau (Lae)	Wed	15/9/99	4pm
Nagada	439 N	Fin/Sio/Wasu/Gali/Biliau/Mag	Fri	17/9/99	12nn
Rita	488 B	Fin/Lab/Fin/Lae	Fri	17/9/99	5pm
Rita	488 D	Oro Bay/Lae	Sat	18/9/99	8pm
Rita	489 N	Fin/Wasu/Madang/Wewak	Mon	20/9/99	9am
Mamose exp	628 N	Kimbe/Rabaul/Kimbe/Lae	Mon	20/9/99	3pm
Umboi	585 N	Finsch/Wasu/ (Mag)	Tue	21/9/99	4pm
Mamose exp	628 B	Fin/Lab/Fin/Lae	Fri	24/9/99	5pm
Mamose exp	628 D	Oro Bay	Sat	25/9/99	8pm
Mamose exp	629 N	Kimbe/Rabaul/Kimbe/Lae	Mon	27/9/99	3pm
Nagada	440 C	Dogura	Mon	27/9/99	4pm
Maneda	528 N	Finsch/Wasu/ (Mag)	Tue	28/9/99	4pm
Totoi	798 A	Finsch/Lablab/Lae	Wed	29/9/99	4pm
Umboi	586 N	Lorengau (Lae)	Wed	29/9/99	4pm
Nagada	440 D	Kandrian/Arawe/Lae	Thu	30/9/99	12nn

Ron bilong Kago Sip September 1999

Vessel	Voy no	Salling from Lae for	Day	Date	Time
Main Ports					
Maneba	524 N	Lorengau.....(Mag)	Wed	01/9/99	4pm
Wewak	358 N	Madang/Wewak/Vanimo	Fri	03/9/99	10pm
Kuder	228 A	Madang	Tue	07/9/99	6pm
Maneba	252 N	Lorengau/West Coast (Lae)	Wed	08/9/99	4pm
Kuder	228 N	Madang/Wewak/Vanimo	Fri	10/9/99	10pm
Wewak	355 A	Madang	Tue	14/9/99	6pm
Umboi	584 N	Lorengau (Lae)	Wed	15/9/99	4pm
Wewak	359 N	Madang/Wewak/Vanimo	Fri	17/9/99	10pm
Kuder	229 A	Madang	Tue	21/9/99	6pm
Maneba	527 N	Lorengau (Lae) Dangerous	Wed	22/9/99	4pm
Kuder	229 N	Madang/Wewak/Vanimo	Fri	24/9/99	10pm
Wewak	360 A	Madang	Tue	28/9/99	6pm
Umboi	586 N	Lorengau (Lae)	Wed	29/9/99	4pm
Small Ports					
Nagada	437 A	Finsch/LabLab/Lae	Wed	1/9/99	4pm
Nagada	437 N	Finsch/Sio/Wasu/Gali/Biliau/Mag	Fri	3/9/99	12nn
Umboi	583 N	Aitape	Mon	6/9/99	4pm
Nagada	438 N	Finsch/Wasu/Ion/Lok (Mag)	Tue	7/9/99	4pm
Nagada	438 S	Dogura/Lae	Sat	11/9/99	4pm
Maneba	526 N	Finsch/Wasu/ (Mag)	Tue	11/9/99	4pm
Nagada	439 A	Finsch/Lalab/Lae	Wed	15/9/99	4pm
Nagada	439 N	Finsch/Sio/Wasu/Gali/Biliau/Mag	Fri	17/9/99	12nn
Umboi	585 N	Finsch/Wasu/ (Mag)	Tue	21/9/99	4pm
Nagada	440 C	Dogura/Lae	Mon	27/9/99	4pm
Maneba	528 N	Finsch/Wasu/ (Mag)	Tue	28/9/99	4pm
Totoi	798 A	Finsch/Lablab/Lae	Wed	29/9/99	4pm
Nagada	440 D	Kandrian/Arawe/Lae	Thu	30/9/99	12nn

Sapotim iekonomik developmen long Sandaun Provins

Dia Edita,

Mi i laik tok amamas na tok tenkyu i go long Gavana bilong Sandaun Provins na papa i kamapim Pipels Indeginies Pati, Honarabel John T. Tekwei long kamap dispela iekonomik developmen em fri tred jon bris o bisnis bris o intenesel bris.

We em bai helpim long senesim laipstail bilong Sandaun pipel long bisnis sait.

Nogat samting i rong long dispela long sait bilong bisnis.

Nau Sandaun provins i kirap i go pinis long kamapim Vanimo ples balus olsem intenesel ples balus.

Dispela i moa gutpela na em i developmen i wok long kamap insait long Sandaun provins.

Nau mi i askim ol 4pela Sandaun nesenele memba long kamap long rot long wanwan provins i kam daun long Vanimo provinsel hetkwata.

Olgeta risoses bilong karim i go aut long ol dispela tupela hap, em ples balus na bris i stap insait tru long ol ples we i nogat rot sistem i go long en.

Ol ples olsem Aitape, Lumi, Nuku, Telefomin, Amanab olsem mi raitim daun sampela tasol.

Sapos i nogat risoses hau bai dispela tupela bikpela sevis i operet.

Ol dispela distrik mi raitim nem pinis em wokim rot long ol i kam long Vanimo.

Yumi wokim rot bilong risoses i kam daun stret long wanem hap em

bai i go.

Sapos i nogat kain samting olsem i kamap, orait em yumi opimrot bilong ol arapela kantri tasol long kamap ris long ol samting bilong yumi, na yumi yet i nogat.

Mi lukim olsem dispela tupela bikpela projek i as tru bilong statim olgeta kain developmen insait long provins.

Hap wok bilong iekonomik developmen we bris i kamap em ino pinis long wokim bris tasol, nogat em i go tu long wokim rot i go long olgeta distrik na sabdistrik insait long Sandaun provins.

Ol dispela ol risoses bilong kari-maut wok developmen bilong iekonomik developmen we bris i stap

bai i go stret tasol.

Dispela em o fes taim ol bikpela ol iekonomik developmen i kamap long Sandaun provins olsem na mi i askim Gavana John Tekwei long go aut wantaim moa ol iekonomik developmen we em i ki bilong sosel na politikel developmen tu insait long Sandaun provins.

Ino bilong politik tasol bilong sevim Sandaun pipel na wankain tu i go long ol arapela foapela memba.

Tenkyu olsem busman mi i nidim sevis bikos mi i gat risoses stret bilong iekonomik developmen.

Philip A. Pais
Aitape

Mi wari long ples

Dia Edita,
Mi wanpela manki bilong Wonenara mi laik autim wari bilong i go long ples bilong mi long namba 2 Sinana insait long Wonenara long Goroka Isten Hailans Provins. Yupela ol manki long Wonenara o Marawaka tok save long yupela olsem mi lusim ples bilong mi long 1976 inap 1999. Na mi i gat 24 krismas na mi save long ples olsem. Na tu mi bin bikpela insait long Is Niu Briten Provins olsem na mi putim dispela tok save long pablik.

Olsem na yu husat mangi bilong Wonenara o Marawara plis bai yupela raitim ol pas i kam long mi long dispela adres: Jacob Joe, Kimbe Town Authority, P O Box 827, Kimbe, WNB, Ph. 9835880/9854336.

Sandaun memba na minista ai pas

Dia Edita,


Mi gat wari na mi rait i go long Wantok bai putim long pablik. Dispela wari i go long ol Sandaun pipel tasol.

Mi pikinini bilong Sandaun stret. Nau mi i stap long ples, bilong mi Jangkog long Ningil stat long Nuku igo inap long Lumi.

Olgeta memba bilong yumi ol save maus wara amas yia i go pinis stat long PNG i kisim independens 1975 i go inap nau. I nogat wanpela samting tru ol mekim putim gutpela rot na sevis i go long ol pipel. Bilong bus eria, Ningil, Aitape rot, Lumi Aitape rot ol pipel i painim hat taim tru long salim copra na kakao.

Mekim i go na ol pipel ino amamas tumas ol i save trikim o giaman ol pipel long bus na long ples long taim long eleksen.

Kerpen painim vot nau




• John Tekwei.

mipela i luk save nau. Long giaman pasin bilong ol memba na ol Minista bilong yumi long Sandaun Provins.

Mi laik tok husat memba o Minista yu laik sanap na i stap long palamen. Nau yu mas opim ai bilong yu nau.

Na wokim rot na sevis i go long ol pipel pastaim bipo yu



• Andrew Kumbakor.

kam long eleksen bilong 2002 eleksen.

Sapos yu no wokim rot i go long Aitape, sori tumas, yu bai nogat nem bilong yu long 2002 eleksen.

Mipela o pipel i lukim nupela man gen. Dispela em wari bilong mi.

Wari bilong mi i go olsem long memba na minista bilong Sandaun. Ol ino luk save long rot bilong ol pipel na sevis. Nau mi ken tok olsem ol pipel bilong Sandaun i ken skelim.

Wanem rot i sotpela? Mi ting Ningil Kara, Aitape rot i sotpela tru, wokabut long bus na kamap long Aitape Nambis.

Tasol ol memba na minista ai bilong ol i pas pinis ol ino tingting long dispela rot ol tromoi mani long bia tasol na igo long poket bilong ol yet.

Ol pipel long Lumi na Ningil i kisim ka ron wan nait na moning i kamap long Wewak taun em i longwe tumas ya.

Em tasol wari bilong mi yu husat laik bekim welkam tasol.

Pipel bilong Sandaun. God bles yu.

Mr Wawi Y. John

Sapos yu laik salim ol pas bilong yu i kam long dispela niuspepa. Salim i kam long dispela adres:
THE EDITOR
WANTOK NEWSPAPER
PO BOX 1982, BOROKO.
NCD.

Stretim gut Poro rot

Dia Edita,

Mi laik putim kamap dispela wari na bel hevi bilong mi i go long ol Sandaun memba na gavman long traun long painim sampela kain we o rot bilong stretim dispela rot igo long Pes na Poro long Aitape inlen yet.

Dispela rot nau i stap i save bagarap long taim bilong bikpela ren i save pundaun.

Olsem na i save bagarapim tru laip na sindaun bilong ol dispela ol pipel, we o i save kisim liklik helpim i kam long Aitape taun.

Tu dispela i bagarapim ol sevis we ol pipel i save givim long ol pipel i stap long taun long sait bilong gaden kaikai na sampela gutpela samting moa.

I tru ol lain long Woks Dipatmen na sampela ol lain i save traun olgeta taim long wokim kamap gut dispela rot.

Bikpela samting em traun long painim sampela gutpela rot we inap tu long stopim olgeta wara long noken ron.

Okei, wara i save bagarapim rot i save kam long spit wara Yelinge.

Hau bai yu stopim wara taim stat bilong en ino bin stop.

Sapos rot i bagarap olgeta nau, orait tupela sait wantaim bai i dai long kisim sevis.

Na i gutpela long mekim olsem, ah?
Plis helpim mipela long helpim yu. Tenkyu.

Philip A Pais
Aitape

Stretim gut Poro rot

Dia Edita,

Mi laik putim kamap dispela wari na bel hevi bilong mi i go long ol Sandaun memba na gavman long traun long painim sampela kain we o rot bilong stretim dispela rot igo long Pes na Poro long Aitape inlen yet.

Dispela rot nau i stap i save bagarap long taim bilong bikpela ren i save pundaun.

Olsem na i save bagarapim tru laip na sindaun bilong ol dispela ol pipel, we o i save kisim liklik helpim i kam long Aitape taun.

Tu dispela i bagarapim ol sevis we ol pipel i save givim long ol pipel i stap long taun long sait bilong gaden kaikai na sampela gutpela samting moa.

I tru ol lain long Woks Dipatmen na sampela ol lain i save traun olgeta taim long wokim kamap gut dispela rot.

Bikpela samting em traun long painim sampela gutpela rot we inap tu long stopim olgeta wara long noken ron.

Okei, wara i save bagarapim rot i save kam long spit wara Yelinge.

Hau bai yu stopim wara taim stat bilong en ino bin stop.

Sapos rot i bagarap olgeta nau, orait tupela sait wantaim bai i dai long kisim sevis.

Na i gutpela long mekim olsem, ah?
Plis helpim mipela long helpim yu. Tenkyu.

Philip A Pais
Aitape

Mista Embel mas sevim laip bilong pipel

Dia Edita,

Mi wanpela manki long Poroma Distrik insait long Sauten Hailans provins. Wanpela taim mi stap long Mendi na mi lukim pas bilong Suanda Ipis long Wantok. Niuspepa long Septemba 2, 1999. Pas i tok long Memba blong Nipa Kutubu, Philemon Embel ino save bringim developmen long elektoret bilong em na stretim hevi o trabel pait long ples bilong em stret.

Brata, mi wanbel long pas bilong yu na sapotim yu. Maski man i gat gutpela save, save i no inap bringim em i go insait long palamen. Man i gat gutpela bisnis, bisnis i no inap bringim em i go long palamen. Maski man i gat gutpela pes na bilas em tu ino inap tru. Manmeri i mas givim namba long em long kamap makim maus bilong elektoret bilong palamen. Ol lida, manmeri na yangpela manmeri na ol lapun na pikinini husat i givim namba long yu insait long 15 yia, planti bilong ol i dai pinis long trabel pait, na painim bikpela sik na i dai long wanem i nogat we long go long haus sik, long wanem? Birua i blokim rot long go long Mendi haus sik. Planti manmeri na yangpela na ol lida bilong Embi, Upa, Kum, Kesu, Kusa, Undu Wanga na igo daun Poroma eria husat i hatwok long mekim kempein bilong Philemon Embel long de na nait long givim namba long em. Planti bilong ol i dai pinis long trabel pait. Wel abus tasol manmeri i save kilim na kaikai, tasol ol man i sutim manmeri na pikinini nating nating olsem wel abus bilong bus. God i wokim mipela manmeri bilong i stap poroman bilong arapela na helpim arapela narapela. Ino bilong kilim na ronim olsem wel abus. Manmeri na wel abus ino save i stap wantaim long haus, nogat manmeri tasol.

Sapos Philemon Embel yu laik sevim

laip bilong ol arapela i stap laip yet insait long dispela ples mi kolim na long elektret bilong yu orait plis kirap long bet na opim ai na lukluk na mekim sampela wok long bringim bel isi i kam na stretim dispela bikpela hevi, namba olsem 165 manmeri i dai pinis na mi i gat bikpela sori na mi autim liklik wari bilong mi tasol.

Husat i laik sapot o ino sapot, rait i go long Wantok Niuspepa.

Peter Yaki Toiwaro
Mendi (SHP)

Kros long graun long Lae siti na ausait long Lae siti

Dia Edita,

Dispela toksave bai igo long dispela tupela man hia.

Namba wan toksave bai go long husat papa na mama bilong graun long Lae siti na ausait long Lae siti.

Na namba tu toksave bai go long Lae Provinsel gavman.

Mi pikinini Nabak Kawa insait long Nawae distrik long Lae Morobe Provins na mi laik putim dispela toksave i go long yu husat papa na mama bilong graun long Lae siti na ausait long Lae siti.

Mipela Nabak Kawa laik toksave long yupela husat papa na mama bilong graun long Lae olsem stat long nau mipela laik stopim yupela long noken salim hap graun o wesana o diwai na sampela samting long kisim mani Lusim olgeta samting mas stap nating na bai

yumi go long kot pastaim na kot bai mekim desison. Sapos kot i mekim desison long yupela orait yupela bai kamap papa graun na sapos kot i mekim desison long mipela Nabak Kawa orait mipela bai kamap papa graun.

Nau yet mipela ino laikim yupela salim nating nating graun o wesana o diwai nogat, lusim olgeta samting mas stap nating na yumi lukluk long kot tasol.

Mipela Nabak Kawa mipela bilip olsem kot bilong graun long Lae siti na ausait long Lae siti bai kamap.

Na namba tu toksave i go long Lae Provinsel Gavman olsem nau yet Gavman wok long kisim bikpela bikpela graun nating nating insait long Lae siti na ausait long Lae siti. Olsem na mipela Nabak

Kawa lukim na ino stret olsem na yu Gavman inap yu lusim hap graun stap nating na wetim dispela tupela papa graun mas kot pastaim, na Gavman yu noken hariap long kisim graun nating nating.

Mipela Nabak Kawa mipela save yu Gavman gazetim graun go insait long Nesenele Gazette long date 7 Mei 1998 na mipela Nabak Kawa Gazetim graun go insait long Nesenele Gazette long date 10 April 1997. Gazette namba bilong Kawa ILG No. 4601.

Olsem na plis mi laik askim Lae Provinsel Gavman long wetim mipela long kot pastaim.

Toksave bilong mi kam inap olsem.

Mr Moris Goriong
Lae

WANTOK Askim long klasifaid ads: Miri Aiori Ext. 214, John Iagata Ext. 218 **KLASIFAID**

AGWU AMALGAMATED GENERAL WORKERS UNION OF PAPUA NEW GUINEA

TOKSAVE


Toksava i go long olgeta wokas bilong Niu Briten Palm Oil Limited (NBPOL) husait yu joinim Amalgamated General Worker's Union bilong PNG inap long 1998 i kam inap nau na kampani ino deductim K2.00 union pi bilong yu na salim ikam long union-bilong yumi we em inap long mekim long en.

Oi Menesmen bilong NBPOL i bin tokaut olsem ol salim leta i kam long yupela wan wan wokas long tok orait long rausim K2.00 inap long dispela de we union bilong yumi salim ol Form 15 bilong yupela i go long ol Menesmen bilong NBPOL i kam inap nau long pei bilong yupela. Toksave olsem noken tok orait long ol long rausim ol amas moni ol i no bin rausim pastaim long pei bilong yupela tasol tok orait long ol ken rausim K2.00 tasol long pei dei ol laik stat rausim.

Yupela bai wanbel wantaim mipela olsem dispela kain pasin olsem ol menesmen ino laik rausim K2.00 bilong yupela long wan wan pei dei i go pinis em ino asua bilong yupela tasol em asua bilong menesmen olsem na yupela noken baim nating long asua bilong ol menesmen.

Union bilong yumi bin raitim leta i go long menesmen Accountant Chief Accountant na kampani sekreteri long salim amas ol i no baim tasol oi menesmen ting olsem ol wan na ol ino laik long harim toksava long union ikam inap nau. Long dispela as tasol union bai kotim kampani long kisim amas moni ol ino baim i kam inap nau.

Tenk yu!



Andrew Wandakasi
National General Secretary

WANTOK NIUSPEPA REACHES THE PEOPLE WHO WANT GOOD VALUE!

Some advertisers tend to underestimate the buying power of the average Wantok Niuspepa reader without appreciating the dynamic attributes of Wantok's audience.

Wantok Niuspepa is reaching 150,000 readers per week. Consider this is more than twice the readership of any other newspaper.

Most read the Wantok word for word. Every advertisement gets the attention it deserves.

Wantok Niuspepa readers are loyal in their product preferences. Price is a concern but familiarity and perceived value guides their buying behaviour.

Advertising in Wantok Niuspepa can influence their buying patterns and create loyal customers of your product and services range.

Wantok Niuspepa is reaching the readers who really matters and it will be to your advantage to educate your target market more thoughtily.

Wantok Niuspepa can be your alternative point of sale venue in merchandising your product and services. After all, consumer conversion can only come through approaching your target market directly.

**ADVERTISING SPACE COST
... PRICES QUOTED EXCLUDES 10% VAT**

Advert Size	Mono	One spot colour	Two spot colour	Full colour
Full Page- 38cm x 7col	K 784.70	K 984.70	K 1,184.70	K 1,584.70
Half Page - 28cm x 5col	K 413.00	K 613.00	K 813.00	K 1,213.00
Half Page-19cm x 7col	K 392.35	K 592.35	K 792.35	K 1,192.35
Quarter Page-19 x 4col	K 224.20	K 424.20	K 624.20	K 1,024.20

Compare Wantok's cost per column cm!
K2.95 per col/cm against the Dailies K7.82 for the same size!!
Volume discount rates are also available on request

NGI CRUSADE - DOY

25 Dec 1999 - 2 Jan 2000

Theme:

**Restoration and Healing Crusade
Venue: Molot - Port Hunter**

Duke of York Island, East New Britain Province

The biggest crusade ever held since the arrival of early Missionaries in PNG on the Islands.

All Welcome!
From PNG and the Pacific.

Your last chance for this millennium - Hurry and make your bookings now

For further information contact:


Bishop Nason Waisale: 982 1355, Ekon Likaimi: 326 0862 - Rev. Amos Niba: 983 5140, - Ellison Pidik: 326 2567
Rev. David Sikar: 549 1062, John Rangit: 472 3765

Please desposit any donations into PNGBC (POM) Account Number: 294-6616885



Proudly sponsored by,
ALERT SECURITY LTD
An initiative of Maravut Evangelistic Mission

Oi spot eksen poto long wiken



• Antap: Namba wan divisen soka resis long Bisini soka graun las wiken. Klostu bai fainel nau na planti tim bai kilim skin stret.

• Raithan: Helt netbal tim i soim stail bilong ol long PNGBC meri long Pablik Sevis netbal resis las wiken.


• Aninit raithan: Ragbi tas resis tu i wok long stat nau na tas resis i save kamap moa klostu long krismas taim.

Oi poto: Issac Ikuavi.



• Lephan: Strongpela netbal salens bilong ol meri long Praivet kampani netbal resis las wiken long Mosbi.

• Raithan: Blokin em! Sore tuleit pinis na sira ya tromol bal pinis long ring. Em strongpela netbal resis bilong ol meri Mosbi long las wiken.





• Sempion ragbi tim bilong Mosbi ragbi lig resis long dispela yia. Souths i bin go pilai long Cambridge Kap resis na kamap namba tu taim em i lus long Hagen tim long gren fainel.



• Wanpela primia soka tim bilong Wewak soka resis. Ol i bin wok strong long winim 1999 soka taitel bilong Wewak soka resis.



• Tarangau ragbi lig tim bilong Wewak ragbi lig resis i amamas long kisim poto long Wantok niuspepa.



• Antap: Skul boi soka tim bilong ol manki long Mosbi. Ol i bin kik strong tru insait long 1999 Orogen skul soka resis long dispela yia.

• Aninit: Gazelle sofbal tim bilong Mosbi i bin amamas long soim nupela yunifom bilong ol. Gazelle em wanpela strongpela sofbal tim insait long Mosbi sofbal resis.


Ol tims


bilong olgeta

hap i save kilim

skin long pilai

• Aninit: Wanpela tim bilong ol ami long Wewak i bin winim prais long bikpela independens resis long Wewak dispela yia.





sik i save stap insait we i save daunim ol pulim ol i kam daun. Na dispela driman bilong ol i no save kamap tru.

Mark Basasau i bin presiden bilong PMSA long 1994, seketeri bilong em Mojjeck Selsel i save wok hat tru long putim kamap pilai long olgeta wiken long Bisinis soka graun olgeta wiken. Mojjeck i save taim long putim kamap gutpela

dro bilong pilai long wiken we dispela gem i mas naispela bai ol manmeri i laikim long lukim. Orait em i save askim mipela ol niusman long raitim priviu long ol mein gems bilong dispela wiken na tok olsem dispela bai wanpela gutpela na strongpela gem tru. Ating em i wanpela rot edminstresen long dispela taim i traim long pulim interes na long ol manmeri i kam

lukim pilai na tu mekim ol pilaia yet i paia strong. Mi save lukim olsem tru ol primia gem i save strong moa we ol tim olsem Yunivesiti, Rapatona, Guria, Momase, Kurti Andra, Defence na Blue Kumuls i paia lait stret long kik na ol sapota i save kalap nating long sait.

Ating i gutpela moa long edminstresen bilong wanwan soka asosiesen na mama bodi (PNGFA) long i mas traim long wok strong na pulim interes bilong ol sapota bilong soka i kam bek long soka fil. Traim yusim sampela teknik bilong pulim ol manmeri i kam na sapotim soka. Sapos yu ken tromoi mani long mekim dispela, go het na tromoi mani long kisim samting yu laik mekim kamap.

Long Lae, em asples bilong soka na sapot i save strong moa long ol manmeri. Tasol taim tupela asosiesen i kamap, ating ol sapota

i mas bruk i go tupela hap. Lahi i soim olsem em i ken groa strong na kamapim gutpela menesmen na strongpela asosiesen bilong em. Tasol LFA i no dai yet na i wok long go het yet wantaim ol tenis bilong pilai soka yet na stap laip yet.

Ol hailans senta i save givim bikpela salens tu long soka long bipo. Goroka em wanpela strongpela senta bilong givim salens. Tasol edminstresen bilong Goroka soka i go daun na daun olgeta na i no moa kirapim dispela paia ol Goroka i save laitim long bipo.

Madang, Wewak, Kimbe na Manus i no pusim tumas soka long kamapim strongpela pait insait long ol nesenel taitel. Planti taim ol i no save kamap. Ating bikos long hevi bilong mani long baim balus o sip o ating edminstresen i no wok moa.

Hevi bilong ronim soka em wanpela olsem planti spot olsem mi kolim nem bilong ol antap. Mani em bikpela samting sapos ol klap i no baim rejistresen fi o afiliesen fi. Bai asosiesen i no inap lukautim gut pilai long wiken na bai nogat gem tu. Olsem na PNGFA i mas mekim wanpela stretpela lo nau long sait bilong rejistresen fi bilong wanwan klap na pilaia, na wanwan asosiesen long wanwan rijon. Ating i gutpela long kamapim rijinel skwat long pilai insait long nesenel tonamen wantaim ol bikpela asosiesen olsem Lae na Mosbi sapos hevi bilong mani i bikpela samting long salim wanwan skwat. PNGFA i mas lukluk long hevi bilong wanwan asosiesen pastaim long em i laik sanapim strongpela soka bodi insait long PNG. Ating hevi bilong mani i daunim planti, olsem na sekim pastaim.

NEM bilong soka insait long Papua Niugini nau i no kamap klia tumas taim yumi bungim wantaim nem bilong ol arapela spot olsem netbal, sofbal, rabgi yunion na ol masel ats resis.

Olsem wanpela soka sapota na ripota bipo, mi bin luksave olsem planti edminstresen bilong soka i kam na i go. Sampela i laik kamapim tingting na plen bilong developim soka tasol sampela kain

Umi nupela sempion long Momase

FRANCO NEBAS i raitim

MOMASE Soka Kap Sempionsip long Maoang las wiken i lukim nupela sempion gen long dispela yia.

Wanpela nupela tim bilong Morobe provins husat em nambawan taim bilong ol long kamap long dispela bikpela resis i winim kap.

UMI husat planti lain i no save harim nem bilong ol i mekim kirap na nogat ol arapela bikpela tims i gat nem long kamap olsem sempions.

Laiwaden ovel long Madang i bin pulap tru long ol sapotas long witesim dispela 4 de sempionsip we gren fainol kamap long Sande namel long Madang wan na UMI we UMI soim strong bilong ol autim Madang 3-0.

UMI i bin winim olgeta gem bilong ol long pul i kam bungim Madang. Ol i autim difending sempions Wewak. Bihain long Wewak nekim LFA long penalti sut aut 4-2.

Tasol taim ol i bungim UMI, ol lain boi long Makam i no givim sans long autim ol i go long gren fainol.

Strongpela pilai i bin kamap namel long tupela sait wantaim long nambawan kap bilong gem we gutpela difens na ateking futbol i kamap.

Tasol Madang i no strong tumas long difens we lukim ps gol kamap long straiika bilong UMI Samson Buma long go pas long skoa.

Dispeia gol i bin kamap long gutpela pilai long ol midfil painim straiika long skoa.

Gol bilong Samson Buma tasol i bin sanap olsem inap long namba tu hap we straiika Sammy Mathew i skoarim seken gold na Steven Gio arapela.

Madang i bin traim olgeta rot long brukim difens na skoarim gol tasol ol boi long UMI i bin kamap wantaim strongpela difens we i lukim nogat gol i bin kamap.

Kosa bilong UMI Ellison Lapan husat tu em nesenel anda 17 kosa i tok, olsem ol boi bilong em i kam olsem anda dok tasol ol putim gutpela taim na komitmen long winim kap.

Em i tok, "wanem samting mipela mi tokim ol long trening em ol i bihain. Na mipela i winim gem. "Tupela straiika ya Samson Buma na Sammy Mathew em mi amamas long ol stail pilai tupela kamapim long skoarim gol, em i tok.

Kosa bilong Madang Bob Morris i tok amamas long ol pilaia bilong em long putim kamap gutpela gem maski ol i lus i go long UMI.

Em i tok, "ol boi i bin soim stret laik long winim taitol we ol i winim ol gems long pul kam kamap long gren fainol."

Long resis bilong ol meri, Lahi i soim go moa strong long rausim Sista Asosiesen LFA 1-0 long kisim pes wimen taitol."

Tabubil paia wantaim boksing sempionsip

HENRY MORABANG i raitim

MOA long 600 manmeri i bin kamap long lukim OTML 1999 Nesenel Boksing Sempionsip i bin kamap long Mandena Tunde long dispela wik. Dispela sempionsip ya i bin kamap long Tabubil, Westen provins.

Presiden bilong Tabubil Amotso Boksing Asosiesen (TABA) Moxie Yore i tok PNG nesenel boksing sempionsip i no stat long Fraide long taim ol i makim bikos ring bilong pait i no bin kamap. Em i tok ol surikim taim na pait i bin kamap long Mandena nait na pinis long Tunde.

Moa long 11-pela ol yangpela boksa i bin kamap long soim stail bilong ol. Ol boksa i makim Alotau, Central, Goroka, Hiri, Pot Mosbi na Tabubil.

Bikpela sem tru i stap we i gat wanpela boksa tasol i makim Pot Mosbi Boksa ya em Dominic Bauwai. Ol arapela bikpela senta i no salim boksing tim em Lae, Wau-Bulolo, Wewak, Kimbe na Buka.

Buka i salim 11-pela boksa tasol ol i no bin kamap long Tabubil long taim bilong pait i stat long Mandena. Ol dispela boksa long Buka ya i stap tasol long Goroka bikos ol i nogat mani long pinisim wokabout bilong ol i go long Tabubil na go bek long ples.

Tupela biknem senta Lae na Pot Mosbi i no salim ful tim. Na planti ol sapota i no amamas tumas long kain pasin we ol i mekim.

Yore i tok em i no amamas bikos em i



• Netbal tim bilong ol meri Heli long Mosbi pablik sevans resis. Ol i bin pilai wantaim ol susa bilong PNGBC long wiken. Wantok i bungim taim ol i redi i stap. Foto: Issac Ikuavi.

namba wantaim Tabubil i holim dispela kain nesenel spot sempionsip na kampani OTML i givim bikpela helpim tru long pulim ol boksa i kam pait long Westen provins.

Jenerel menesa bilong OTML Dr Roger Higgins yet i givim ful sapot na i bin kamap long namba wan de bilong pait long Mandena nait. Em i bin stap i go inap pait i pinis long 10 kilok nait long Tabubil Indo Spots kompleks.

Yore i tok asosiesen bilong em i kisim ful sapot long holim nesenel sempionsip. Kampani OTML i helpim TABA long givim fri kaikai, fri haus, na bringim boksing ring

long Pot Mosbi i kam inap long Tabubil fri.

"Bipo long Tabubil winim nem long holim sempionsip, em i bin tokaut olsem i noken wari long kaikai na haus slip, ol mas wari long baim balus tasol na soim pes long maining taun. Tasol dispela i no kamap," em i tok.

Em i tok TABA i stong na askim MBA long givim 20 pesen diskaun balus tiket long ol wanwan boksa na tu opisel long kamap. Na ol dispela kain samting i bikpela tru long wanwan lokal asosiesen long mekim.



Wiken Spot Dro

EPC 99 DRAWS

SATURDAY 13TH NOVEMBER 1999

07:30 - 11:00AM THE OPENING CEREMONY

MENPOOL A

Time Venue R Fixture

- 11:30 M/S 1 LSC Gold Vs Kusebo
- 12:30 M/S 1 Torabwaga 2 Vs Gerehu 1
- 13:30 M/S 1 Koilegu 2 Vs Lagimu
- 14:40 M/S 1 Gordon Utd 1 Vs Suau 1
- 15:30 M/S 1 Kutu Vs Badili Bros 2
- Bye: Ebony Woods
- 16:30 M/S 2 Kusebo Vs Gerehu 1

MEN POOL B

- 11:30 GR.1 1 Torabwaga 1 Vs Suau Utd 2
- 12:30 GR.1 1 Anuki Vs Yawarata
- 13:30 GR.1

	Pool B	Pool C	Pool D
Kabutuvalu	Kaiapit	Lae	Madang 1
Vs Eyagu	Wantoat	Wewak II	Angoram
	Menyama	Jomba	Bogia
14:30 GR.1	Madang Dist.	Aseki	Bulolo
	Sumgilba	Wau	Buang
LSC Silver	Wewak Dist.	Aitape	Boana
Vs Simla	Vanimo	Umi	Wewak Cent.

- 15:30 GR.1 1 Nth Kiriwina 2 Vs Cellnet 1
- Bye: 6 Vs 5, 4 Vs 3, 6 BYE
- Galeia 1 7 Vs 4, 5 Vs 2, 2 Vs 1
- 16:30 1 Vs 3, 6 Vs 1, 3 Vs 7
- GR.1 2 2 BYE, 7 BYE, 4 Vs 6
- Suau Utd 5 Vs 4, 3 Vs 2, 5 BYE
- 2 Vs 6 Vs 3, 4 Vs 1
- Yawarata 7 Vs 2, 5 Vs 7
- 1 BYE

MEN POOL C

- 11:30 GR.2 1 PIR Vs POOL B
- Gerehu 2 Lahi
- 12:30 GR.2 1 Koilegu Jomba
- 1 Vs Tawala Wau
- 13:30 GR.2 1 Oyabia Vanimo
- Vs Pomic 1
- 14:30 GR.2 1 Cellnet 2 Vs Nth Kiriwina 1
- 15:30 GR.2 1 Mixmates Vs Misima 1
- Bye: Mada'awa
- 16:30 GR.2 2 Gerehu 2 Vs Tawala

MEN POOL D

- 11:30 GR.6MP 1 Pomic 2 Vs Yabwau
- 12:30 GR.6MP 1 Agaun Vs Gordon Utd 2
- 13:30 GR.6MP 1 Galeia 2 Vs Moewa
- 14:30 GR.6MP 1 Wagu Vs Duau
- 15:30 GR.6MP 1 MB Defence Vs Kula
- Bye: Badili Bros 1
- 16:30 GR.6MP 2 Yabwau Vs Gordon Utd 2

WOMEN POOL A

- 11:30 GR.7MP 1 Torabwaga Vs Kabutuvalu
- 12:30 GR.7MP 1 LSC Blues Vs Lagimu
- 13:30 GR.7MP 1 Gerehu Vs Gordon Utd
- 14:30 GR.7MP 1 Mixmates Vs Koilegu

BYE: POMIC

WOMEN POOL B

- 15:30 GR.7MP 1 Gordons Utd Vs Mixmates
- 16:30 GR.7MP 1 Koilegu Vs Pomic

SUNDAY 14TH NOVEMBER 1999

MEN POOL A

- 8:00 M/S 2 LSC Gold Vs Lagimu
- 9:00 M/S 2 Torabwaga 2 Vs Suau Utd 1
- 10:00 M/S 2 Koilegu Vs Badili Bros 2
- 11:00 M/S 2 Gordon Utd 1 Vs Ebony Woods
- Bye: Kutu
- 12:00 M/S 3 Gerehu 1 Vs Lagimu
- 13:00 M/S 3 Kusebo Vs Suau Utd 1
- 14:00 M/S 3 LSC Gold Vs Badili Bros 2
- 15:00 M/S 3 Torabwaga 2 Vs Ebony Woods
- 16:00 M/S 3 Koilegu2 Vs Kutu
- Bye: Gordon Utd 1

• Netbal tim bilong Helt Dipatmen pilai insait long Pablik Sevants Netbal resis long Mosbi.

POTO: ISAAC IKUAVI.



MEN POOL B

- 8:00 GR.1 2 Torabwaga 1 Vs Eyagu
- 9:00 GR.1 2 Anuki Vs Simla
- 10:00 GR.1 2 Kabutuvalu Vs Cellnet 1
- 11:00 GR.1 2 LSC Silver Vs Galeia 1
- Bye: Nth Kiriwina
- 12:00 GR.1 3 Yawarata Vs Eyagu
- 13:00 GR.1 3 Suau Utd 2 Vs Simla
- 14:00 GR.1 3 Torabwaga 1 Vs Cellnet 1
- 15:00 GR.1 3 Anuki Vs Galeia 1
- 16:00 GR.1 3 Kabutuvalu Vs Nth Kiriwina
- BYE: LSC SILVER**

MEN POOL C

- 8:00 GR.2 2 PIR Vs Pomic 1
- 9:00 GR.2 2 Koilegu 1 Vs Nth Kiriwina 1
- 10:00 GR.2 2 Oyabia Vs Misima 1
- 11:00 GR.2 2 Cellnet 2 Vs Mada'awa
- Bye: Mixmates
- 12:00 GR.2 3 Tawala Vs Pomic 1
- 13:00 GR.2 3 Gerehu 2 Vs Nth Kiriwina 1
- 14:00 GR.2 3 PIR Vs Misima 1
- 15:00 GR.2 3 Koilegu 1 Vs Mada'awa
- 16:00 GR.2 3 Oyabia Vs Mixmates
- Bye: Cellnet 2

MEN POOL D

- 08:00 GR.6MP 2 Pomic 2 Vs Moewa
- 09:00 GR.6MP 2 Agaun Vs Duau
- 10:00 GR.6MP 2 Galeia Vs Kula
- 11:00 GR.6MP 2 Wagu Vs Badili Bros 1
- Bye: MB Defence
- 12:00 GR.6MP 3 Gordon Utd 2 Vs Moewa
- 13:00 GR.6MP 3 Yabwau Vs Duau
- 14:00 GR.6MP 3 Pomic 2 Vs Kula
- 15:00 GR.6MP 3 Agaun Vs Badili Bros 1
- 16:00 GR.6MP 3 Galeia 2 Vs MB Defence
- BYE: WAGU**

WOMEN POOL B

- 07:30 GR.7MP 1 Galeia Vs Simla
- 08:30 GR.7MP 1 Badili Sis Vs City Strikers
- Bye: Kutu

WOMEN POOL A

- 09:30 GR.7MP 2 Kabutuvalu Vs Lagimu
- 10:30 GR.7MP 2 Torabwaga Vs Gordon Utd

- 11:30 GR.7MP 2 LSC Blues Vs Koilegu
- 12:30 GR.7MP 2 Gerehu Vs Pomic
- Bye: Mixmates

WOMEN POOL B

- 13:30 GR.7MP 2 Kowana Vs Cellnet
- 14:30 GR.7MP 2 Suau Utd Vs Simla
- 15:30 GR.7MP 2 Tawala Vs City Strikers
- 16:30 GR.7MP 2 Kutu Vs Simla

PORT MORESBY SOCCER DRAW

Semi & preliminary finals

Saturday 13th November 1999

- Bisini 1**
- 10:00 U/19 Defence Vs Guria
- 12:00 M2 Dolos Vs Bavaroko
- 14:00 M2 Korian Vs Naniu
- Bisini 2**
- 08:00 PR University Vs Babaka
- 10:00 W2 Cosmos Vs Rapatona
- 12:00 PR Rapatona Vs Momase
- 14:00 P University Vs Rapatona
- Sunday 14th November 1999**
- Bisini 1**
- 10:00 PR Winner Uni/Babaka Vs Winner Raps/Momase
- 12:00 M2 Winner Dolos/Bavaroko Vs Winner Korian/Naniu
- 14:00 M1 Verave Vs YM2
- Bisini 2**
- 10:00 W2 Winner Comos/Raps Vs IBS PS United
- 12:00 W1 Togelu Vs Defence
- 14:00 P Defence Vs Winner Uni/Raps

Grand Finalist so far: U/19 Nisco, P/R Defence, W2 Kula, M2 Kula, W1 Telikom, M1 Tawala, Premier IBS PS United.

PMSA grand final (proposals)
Sunday 21st November 1999

- Bisini 1
- 09:00 Under 19
- 10:30 Women 2
- 12:00 Reserve
- Bisini 2

- 09:00 Men 2
- 10:30 Men 1
- 12:00 Women 1
- 13:30 Entertainment item, followed by introduction of teams.
- 15:00 Premier

PORT MORESBY WOMENS SOFTBALL

1999/2000 season proper
Week 6 Game 6 Date 13/11/99

Diamond # 3

Time	Grade	Team
0900	C	Wantoks Vs Malangan
1030	B	Gazelle Vs Mazda
1200	A	AB Bears Vs Chebu
1330	A	Gazelle Vs Mazda
1500	A	Wantoks Vs Malangan
1630	A	Norths Vs All Stars

Diamond #2

Time	Grade	Team
0900	C	Admiralty Vs Chebu
1030	B	Dolphins Vs All Stars
1200	C	Norths Vs Sunkist
1330	C	Dolphins Vs Sharks
1500	B	Sunkist Vs AB Bears

Bye: Admiralty B

LAE FOOTBALL ASSOCIATION SOCCER DRAW




Saturday - November 13, 1999

Time	Fixtures	Div	LFA
1015	Mopi Vs Tolec Buresong	L/R	1
1015	Faze Vs Goro	League	1
1215	Bara Vs Topick	League	1
1215	Mitif Vs Blue Kumul	L/R	2
0130	H. C. West Vs Pcro	League	1
0130	Bara Vs Topick	L/R	2
0245	Mitif Vs Blue Kumul	League	1
0245	Faze Vs Goro	L/R	2
0400	Mopi Vs Telec Buresong	League	1



ZENAG - Gutpela kiau

WANTOK SPOT



MOMASE KAP RIPOT

Lahi winim wimen soka taitel

LAHI Soka Asosiesen bilong Lae em nupela soka kwin long Momase riji.

Lahi i bin autim feverets Lae Futbal Asosiesen (LFA) 1-0 long strongpela gren fainel pilai long Sande long Laiwaden Ovel.

Long resis bilong ol man hupela tim long resis UMI i nekim Madang wan 3-0 long kamap sempions.

Difending sempions Wewak wan i bin i go daun long UMI bihain long autim LFA 4-2 long penalti sut aut tasol i popaia long mesa semi-egens UMI.

Long sem namel long LFA na Lahi gren fainel bilong ol meri, LFA i bin kisim fil olsem feverets tasol ol i popaia liklik na Lahi i rausim sket bilong ol.

Dispela win tu i lokim Lahi i olsem pes wimen tim long winim taitel bilong ol meri long dispela yia.

Resis bilong ol meri long Momase Kap em nambawan taim ol i kamapim wantaim long Madang.

Gutpela na strongpela pilai i bin kamap long tupela sait wantaim em difens na atek i bin gutpela stret.

Long dispela as, nogat gol i bin kamap long nambawan hap.

Bihain long ol toktok kamap long tupela kosa long hap taim em seken hap i paia stret.

Tupela sait wantaim i kamapim wankain pilai tasol Lahi i bin moa strong long go pas na brukim kiau.

Gol ya i bin kamap long gutpela stail pilai midfilda Alice Rumban mekim bihain long lukim spes na setim Joyce Aisa long brukim net i seksek.

Dispela em bin gol we Lahi i wetim tasol long kamap sempions. Long bihain long dispela taim inap i go long ful taim Lahi i blokim olgeta rot long LFA i ken levolim skoa.

Dispela i stap olsem inap i go fultaim we i lukim Lahi kamap sempions 1-0.

Ol lain husat i traim bes long LFA em, Wantin Yagum na Helen Nesepe. Long Lahi olgeta i putim gutpela gem.

Tabubil winim nesenel boksing sempionsip

TABUBIL em nupela sempion bilong boksing bihain long em winim tripela gol long 1999 PNG Amata Boksing sempionsip I kamap long Tabubil, Westen provins.

Bihain long sempionsip, mausman bilong PNGABU na tu referi Alywin Loi i tokaut olsem Tabubil husat i holim sempionsip I kamap namba wan bihain long em I winim tripela gol medal, tupela silva na tripela bronze.

Yangpela Raphael Axeman Perez I go pas long winim wanpela bilong ol dispela gol. Em bin pait wantaim PNG boksa Eserom Gereia na win long poin.

Perez em bilong Buin long Not Solomons provins tasol em I stap wantaim famili bilong em long Tabubil.

Nupela sempion bilong 57kg em I wanpela gret 9 studen long Tabubil Haikul. Las yia em I bin makim-Tabubil long Buka taim em I gat 16 krismas tasol nau em I gat 17 krismas na kamap sempion bilong PNG.

Arapela tupela go medal I kam long Bani Bani Junia (75kg) na Luke Halthu (71kg). Ol arapela boksa I winim medal bilong Tabubil em Timothy Poime 63.5kg) na Ivali Bani (76kg we tupela I winim silva.

Nupela boksing asosiesen Hiri Boksing Amata Asosiesen (HABA) I kamap namba tu bihain long em I winim tupela gol, Goroka I pinis namba tri na Central namba foa. Biknem siti Pot Mosbi I pinis namba faiv na Milen Be I pinis 6.

Pait namel long Perez na Gereia I kamap olsem bikpela pait tru long dispela sempionsip. Dispela em I namba tu taim Perez I pait long nesenel sempionsip.

Insait long lokel TABA kompetisen, Perez I save kamapim gutpela pait na winim olgeta pait bilong em.

Presiden bilong TABA Moxie Yore I amamas tru olsem wanpela boksa bilong asosiesen bilong em I winim taitel long sempionsip.



• Olpela SP Gems 800 mita gol medel wina na nau em wok olsem Ok Tedi Rikriesen Sevisis Supavaisa John D'Siguria (Iephan) i givim level tri nesenel jajes setifiket long olpela SP Gems boksing gol medel wina Michael Rau. Narapela em sif referi na olpela SP Gems long-we medel wina Alwyn Loi.

Em I givim bikpela tok amamas I go long trena na kosa Raymond Kahuru long lukautim ol boksa long winim dispela taitel.

Kahuru i tokim Wantok olsem aispela em I namba wantaim ol I stap long nesenel sempionsip na dispela I gutpela tru long lukim dispela yangpela Perez I win. Em I bin pait gut tru long las yia long Buka na nau em I winim taitel.

Nau olgeta boksa bai redi tasol long bung long nesenel trails I

kamap long Pot Mosbi na tu sempionsip I kamap long Nesenel Spots Insitut long Goroka long yia 2000.

Ol nupela sempion long wanwan divisen nau I sanap olsem: John Darren (51kg), Raphael Perez (57kg), Simon Efi (63.5kg), Emil Kaoka (67kg), Luke Halthu (71kg), Bani Bani Jnr (75kg), Robert Loi (81kg).

Ol tripela boksa Halthu, Banu Jnr na Loi I winim pait isi tru bikos

nogat wanpela ol boksa I givim nem long salensim ol long sempionsip.

Arapela samting tu, 13 boksa bilong Bogenvil I no bin soim pes long Tabubil sempionsip bikos ol I nogat mani long pinisim wokabaut bilong ol.

Ripot I kam long ol ogenaia bilong tonamen I tokaut olsem. Mema bilong Palamen long Pot Mosb husat I promis long helpim ol boksa I no givim mani long taim.

Em i Gutpela
Em i Tuna
Em i bilong
PNG stret...

PROUDLY



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.